

140  
1980

ISSN 0132-9793  
საქართველოს  
საბავშვო ჟურნალი



# სიმბოლო

**8**  
1980



საქართველოს  
წიგნიერების  
კავშირები



# ლაკაში, შინააჩსიანი წაფხულა

უკან დარჩა რუსთავი — თანამედროვე დიდი სამრეწველო ქალაქი თავისი აკვამლებული საქარხნო მიწებით, ხმაურიანი ქუჩებით, გახურებული ასფალტით, ცხოვრების აჩქარებული რიტმით—და აი, ჩვენ მა-

ნავის ტყეში ვართ, სადაც პირველყოფილი სიმშვიდე სუფევს: ნელი ნიავი თუ შეატოკებს დროდარო ასწლოვან მუხათა კენწეროებს, ბალახში გაიფაჩუნებს ხოჭო, სადღაც შორს ღაიძახებს გუგული ან კოდა-

ლას ნისკარტის კაკუნი მოსწვდება სმენას... და კიდევ: ხის ნორჩი ფოთლების, ველური ყვავილების, ნამიანი მიწის მათრობელა სურნელი და მზე — მწვანე ოკეანეში ოქროს ჩანჩქერად ჩამოღვრილი ჩახჩახა მზე...

აქ, ამ ზღაპრულ ადგილას დამკვიდრებულა მანავის პიონერთა ბანაკი „გაზაფხული“, სადაც რუსთაველ ქიმიკოსთა შვილები — პიონერები და ოქტომბრელები ისვენებენ.

პირველ ნაკადში 256 მოსწავლეა, რომლებიც ხუთ პიონერულ რაზმად და ერთ ოქტომბრელთა ჯგუფად არიან დაყოფილი. და ამ 256 ბავშვს იმდენი საერთო რამ უბოვნია, ყოველი დღე ისეა მრავალფეროვანი შთაბეჭდილებებით დატვირთული, რომ ყმაწვილები საღამოობით უხალისოდ შედიან ხოლმე საწოლ ოთახებში და ერთი ფიქრით იძინებენ — ნეტავი მალე გათენდებოდესო.

თვალის წამიერი გადავლებითაც ჩანს, როგორ ეხალისებათ ბანაკში ცხოვრება ამ თვალმერცხალა გოგობიჭებს.

აი, მაგალითად, მეშვიდეკლასელი ანა დიკი. 5 ივნისს არტეკიდან დაბრუნებულა, 10 ივნისიდან კი უკვე მანავის ბანაკშია. ენერგიული გოგონაა, ოქტომბრელებს პიონერულ დოღზე დაკვრას ასწავლის.

— როგორ მოგწონს მანავის ბანაკი არტეკის შემდეგ? — ვკითხვით.

— შესანიშნავია, არტეკი კარგია, მაგრამ აქაც საინტერესოდ ვცხოვრობთ. საერთოდ, მე ყველგან კარვად ვგრძობ თავს.

— ყველგან?!

— დიახ. ხალისიანი და შინაარსიანი ცხოვრება თვით ადამიანზეა დამო-

კიდებული. უგერგილო კაცისთვის ყველგან მოწყენილობაა — უდაბნოშიც, მთაშიც, ზღვის პირასაც.

ძნელია, არ დაეთანხმო ანას...

— შარშანაც ამ ბანაკში ვისვენებდი. — გვიამბობს მარიკა ქანაშვილი. — მაშინ ოქტომბრელის ვარსკვლავი მებნია მკერდზე, ახლა კი წითელი ყელსახვევი მიკეთია. მომწონს აქაურობა, კონცერტებში, ვიქტორინებში მონაწილეობა. გაისადაც სიამოვნებით წამოვიდოდი.

— მოზობლები სად მუშაობენ?

— რუსთავის ქიმიური ბოჭკოს ქარხანაში. დღეა მგრეხავია, მაშა — შემდუღებელი.

— როგორ ფიქრობ, შენც მათ კვალს გაჰყვები?

— არა, — თითქოს დაირცხვინა. — ექიმი მინდა გამოვიდე.

მერე გაირკვა: მარიკა ქანაშვილი ბანაკის ექთნის, ზინა ბაღდასაროვას მარჯვენა ხელი ყოფილა...

— ყველაზე მეტად რომელი დღე დაგამანსოვრდება? — ვკითხვით მერვეკლასელ ნარიმან გაფაროვს.

— სოკოს დღე, — უყოყმანოდ მოგვიგო მან. — ნაწვიმარზე აქ უამრავი სოკო იცის, შენ მხოლოდ მიდი და კრიფე. იმ დღეს სიცილ-ხარხართა და ერთმანეთის წაქეზებით ავავსეთ კალათები. მერე ჩვენმა მზარეულებმა ისეთი წვნიანი მოგვიმზადეს, თითები შევატანეთ.

— მე კი ყველაზე უფრო მომეწო-

საპატენტო აღკვეთის სააგენტო  
 ვ. ი. ლენინის სახელობის  
 ჰიონეკომა ორგანიზაციის  
 რუსთაველი ქ. საგრო  
 ყოველთვიური  
 საბავშვო ჟურნალი

1976 წლის  
 აგვისტოს  
 ნომერი

# ჰიონეკი

8 აგვისტო 1980

საქ. კვ. მ. ხ. ნ. ბავშვთა ჟურნალი

ნა ექსკურსია თემაზე: „ტყის სართულები“, — მოგვითხრობს მეხუთეკლასელი მამუკა გედომინსკი. — ერთხელ ბანაკის ღირექტორმა მანავიდან გამოცდილი მეტყევე ამოიყვანა. წავედით ტყეში. ძია მეტყევემ სულ სათითაოდ გვიჩვენა და ჩამოგვითვალა სხვადასხვა ბალახის, ბუჩქის, ხის სახელები, გვიამბო მათზე ბევრი საინტერესო რამ. რუსთაველი მარტო ალვის ხესა და ჭადარს ვცნობდი, ახლა კი შემიძლია ერთმანეთისაგან გავარჩიო მუხა, ნეკერჩხალი, თელა, ცაცხვი, წიფელი, პანტა, შინდი, თბილი...

— ოქტომბრელებისთვის მოვამზადე ექსკურსია: „საკვირველება ჩვენს გვერდით“, — ამას მეცხრეკლასელი ტანია შჩებეტოვა გვიყვება.



რა  
 სანიტარისა  
 ტაქტიკა!  
 მით  
 უმეტეს  
 მაშინ,  
 როცა  
 უფროსი  
 მემოგარი  
 გიხსენის  
 მის  
 უამრავ  
 საიდუმლოს!..


გოდანა  
 გრიბალიძით  
 ლაკრიან  
 ნორჩი  
 ფეხბურთელები,  
 ცხელი  
 დღე  
 აღმას  
 დაცვას.  
 დარტყმა,  
 მკარის  
 ნახტომი  
 და...

ქ. ბაქრაძის სსი. სსი.  
 სსი. სახელმწიფო  
 რუსთაველი ქ. საგრო  
 ყოველთვიური

ანა დიას არბაიდან ჩამოყვამ იპაუ-  
რი ცაცხლი და ხალისი. ახლა იგი  
დოლზე დაკვრას ანწავლის პიონე-  
რებს.



ტანია „ვეტერანია“, იგი წელს მეხუ-  
თედ ისვენებს „გაზაფხულში“. —  
ტყეში ზოგი ხე, კუნძი თუ ტოტი  
უცნაურ ფიგურას ჰგავს — ეს თით-  
ქოს კურდღელია, ის კი — ბუ,  
თრითინა თუ რაღაც ზღაპრული ურ-  
ჩხული. პატარებმა ძალზე გაიხარეს  
და ბევრი რამეც ისწავლეს.  
მრავალი საინტერესო ღონისძიება  
ჩატარდა ბანაკში: კონფერენცია თე-  
მაზე „ჩვენ მშვიდობა გვინდა“, ტა-  
ლანტების, სამწყობრო და პიონერუ-  
ლი სიმღერების კონკურსები, ლაშქ-  
რობა მანავის ციხეზე. ბავშვებმა  
დაისწავლეს სსრკ და საქართველოს  
ჰიმნების ტექსტი და მუსიკა.  
დიახ, „გაზაფხულში“ მართლაც  
მაღალ დონეზეა დაყენებული საქმე-  
რუსთაველებმა ეს კარგად იციან და  
ამიტომაც სიამოვნებით გამოუშვეს  
თავიანთი შვილები მანავის პიონე-



დად არიან, რადგან კარგად იციან,  
რომ ყმაწვილები შინაარსიანად დაი-  
სვენებენ, ზაფხულს საინტერესოდ  
გაატარებენ და შემოდგომაზე გაკა-  
ქებულნი დაუბრუნდებიან სკოლასა  
და ოჯახს.

**წუგზარ აფხაზავა**

ფოტო  
3. გორისენაოსი

მოზარდის სხეულს ისე არაფერი აკა-  
ქებს, როგორც ცურვა. სპარტაკია-  
დის პროგრამით გაართულ შეჯიბ-  
რებებს გვერი მასურებელი ჰუპავს  
სოლზე.



რულ ბანაკში რუსთავეის ქიმიური და  
ქიმიური ბოჭკოს ქარხნების მუშაკებ-  
მა, მეექვსეკლასელ რობერტ იაზუ-  
ლოვის, მერვეკლასელ ბესარიონ თე-

ვდორადის, მეხუთეკლასელ ზაირა  
ლომიძის, მერვეკლასელების—ოლეგ  
სარიას, სერგო მანუკიანისა და სხვა-  
თა მშობლებმა გამოუშვეს და მშვი-

# მეოხე მზის სქივნი

ანა იმელიძე

მხატვარი ჯემალ ლოლუა  
მოთხრობა

გუბე სამი მხრიდან შემორაგული, თავდახურული იყო. ახლა გადახადეს, რომ თავისუფლად ემუშავათ. თუნგებითა და ვედროებით ამოჭკონდათ წყალი და მოშორებით ღვრიდნენ. გუბეში წყალი აიძვრა, თანდათან იცლებდა. ვიღაცამ ლუხუშმანთ ბოსლიდან უხარმზარი ვარცლი მოათრია, შიგ წყალი ჩაასხეს და კალმახები გადაიყვანეს. დიდი კალმახისათვის ეს ვარცლიც პატარა აღმოჩნდა, წამდაუწუმ მალა ხტებოდა და გარეთ ვარდებოდა. ბავშვებს უხაროდათ, ყველა ცდილობდა, ხელი წაეტანებინა და ვარცლში გადაეყვანა. მაგრამ ეს არც ისე ადვილი იყო — კალმახი სხმარტალუბდა და ხელიდან უსხლტებოდა ბავშვებს.

— რა ლამაზი ხარ! — უთხრა მანანამ. — დაიხარა, მაგრამ ხელის შეხება ვერ გაბედა, იმოდენა პირს აღებდა თევზი.

— ბიჭები მოდიან! — წამოიძახა მარიხმა.

ბილიკზე თავჭედმოვლილი გამორბოდნენ კახა და ირაკლი. უკან ჯაბო მოსდევდათ.

— ეს მეზურნე საიდან გაჩნდა? — იკითხა მანანამ, როცა კახას გასიებული ლოყა მოხვდა თვალში.

— ფუტკარი ეამბორა ტყეში, — მიუგო ირაკლიმ. — აქ რა ხდება?

გუბეში ძალიან ცივი წყალი იყო და ახალგაზრდები მალ-მალე იცვლებოდნენ, ქვეშე მიკრულ მწვანე ხავსსა და ბალახბულახს აცლიდნენ, სლოპინა ქვეს ღოღოს ფოთლებით ხეხავდნენ, ამღვრეული წყალი ამოჭკონდათ. როცა წყალი ფსკერზე დავიდა, ალაზნიდან საგანგებოდ ამოტანილი ლამი დააყარეს და გუბიდან ამოვიდნენ. წყლის დონე ნელა იწვევდა მალა. ავსებდას ალბათ რამდენიმე საათი დასჭირდებოდა.

სოფლიდან ვიღაცამ გარმონი და დაირა მოიტანა. გუბესთან ცეკვა-თამაში გააჩაღეს.

დიდი კალმახი სულს ლაფავდა. მანანას ეტირებოდა. მომცრო კალმახები გუბეში გადაიყვანეს.

ირაკლიმ კალმახი ხელში აიყვანა.

— როგორ დამძიმებულა, სამ კილომდე იქნება. მახსოვს, როცა პირველად ჩაუშვეს, რა პატარა იყო. დღეს კი ტაფას ვერ ასცდებდა.

— ნუ ამბობ!.. — იყვირა მანანამ — თუმცა, რომ

მახსენდება, როგორ ჩაგრადა თავის და-ძმას... პურს რომ ჩავუფშენიდი, სულ თვითონ ჭამდა... მანანა უცბად გაშორდა იქაურობას, საცეკვაო წრეში შექნა ტანა იმატა. მეგობრები ყველა სათითაოდ ატყვევებდნენ ლოს ჯაბოს წინ დაბზრივდა. ჯაბოხანემ დაირცხვინა, უხერხულად ამოძრავდა.

— რაკი უარზე ხარ, მეც ვამთავრებ! — უთხრა მანანამ ჯაბოს, გამხიარულებულ ხალხს თავი დაუკრა და ისევე მოულოდნელად გამოვარდა წრიდან.

ვოგონებმა თუნგებს წამოავლეს ხელი და სოფლისაკენ გაემართნენ.

სოფელში ნახირი შემოდინდა. მეგლის კართან ხვდებოდნენ ბავშვები ძროხებს და შინისაკენ მიერეკებოდნენ. მარიხმა თუნგი მიდგა და ისიც ქვევით დაეშვა. ერთი გაგარეულბული ძროხა ჰყავდათ და, თუ დროზე არ შემოიყვანდნენ, თავისით არასოდეს არ მოვიდოდა, ხშირად საქებნი უხდებოდათ. მიუსწრო მეგლის კარზე ამომავალ ძროხას და სახლისაკენ წამოიყვანა. სხვა ძროხები თავისით მოვიდნენ, როგორც ყოველთვის. მარიხმა ძროხები დააბა, ცურები მობანა და მოწველას აპირებდა, რომ დედამისი გამოჩნდა.

— მე მოვწველი, — გამოართვა დურკი.

— ცოტა ხნით წავალ, — სთხოვა მარიხმა.

დღემ ნება დართო. მარიხმა მანანას გაუარა და დათქმული ადგილისაკენ გაემართნენ. გზაზე გიგის შეხვდნენ, მზე უფრო მოკვიდებოდა. ორივე ხელში რქები ეჭირა.

— ამოირჩიე, — უთხრა მანანას. — გთხოვ...

მეტი რა გზა იყო, მანანამ ვაცის რქებს წაატანა ხელი.

როცა ბიჭები მივიდნენ, კახაც მანანასავით დაიბნა საჩუქარზე, უსიტყვოდ ატრიალებდა ჯივის რქას.

— რას ვიზამთ, კახა, ჩვენ თბილისში მოვიქაჩლოთ თავი, როცა გვესტუმრებიან, — თქვა მანანამ.

## VII. ფიჭვის კევის მოხარვა.

იმ დღეს, რაკი ხბობის სანახავად ფერმაში წასვლა ველარ მოახერხეს, ბავშვებმა გადაწყვიტეს კევი მოეხარშოთ.

— კევის მე მოეხარშავ, — ითავა მარიხმა. — რამდენჯერ მიყურებია დედაჩემისათვის. ოდესმე დამოუკიდებლად ხომ უნდა ვსინჯო. დღეს იყოს, რა უშავს, თქვენ ოღონდ მომეხმარეთ.

სამუშაო დაინაწილეს. გოგონები ქვაბებთან დატრიალდნენ, ბიჭები კი შესაფერი ფიჭვის ნაფოტებისათვის სახლებში გაიქცნენ.

გოგონებმა მოზრდილი, ახლახანს ლეკებისაგან მოკალული ქვაბი შეარჩიეს. ნაცარში შეხვეული ნალვერდელი გამოქექეს და ცეცხლი ისევ გააღვივეს.

ცოტა ხნის შემდეგ მანანამ ნალვერდლები მიმოფანტა და ჩააქრო. ბავშვებიც გამოჩნდნენ.

— რატომ ჩააქრე? — დაინტერესდა მარიხი, თუმცა არც ისე ძალიან ვაჰვირგებია, რადგან მის მეგობარს ხშირად ეცვლებოდა გუნება.

— რატომ ჩავაქრე და... აჰა, ბიჭებიც მოვიდნენ! გიო პაპას ნაჩუქარი კვეს-აბედითა და ხავსით უნდა დავანთო, ხომ ვაპირებდით. მართალია, ბუნების წიაღში გვინდოდა ამის გაკეთება, როგორც ძველი დროის ადამიანებს შეეფერება, მაგრამ არა უშავს, აქ ვცადოთ. გიგი, მომეცი!

გიგიმ ჯიბე ტახტზე ამოაბრუნა. მანანამ თვალები დააჭყიტა. კვეს-აბედის გარდა ტახტზე ეყარა კოჭები, დანა, ნალი, ლურსმენები.

მანანა კვეს-აბედს მისწვდა. ტალზე კვესს აკვესებდა. ვარსკვლავა ნაპერწკლები ცვიოდა აქეთ-იქით.

— რა ლამაზია! — თქვა მანანამ. მერე ტალს აბედი დაადო და რამდენჯერმე კვესი ჩამოჰკრა. აბედს ბოლი აუვიდა.

— ახლა თქვენ გააგრძელეთ, ამირანებო! — უთხრა ბიჭებს და აბოლებული აბედი გადააწოდა.

გიგიმ ჩამოართვა და კერასთან ჩაიმუხლა. კახაც ემარებოდა ცეცხლის დანთებამში.

ირაკლი ფიჭვის ისეთ ნაჭრებს არჩევდა, რომელსაც მეტი შრე, მოყვითალო ფერი და წებოვანი გამონაყოფი ჰქონდა. წალდით აწვრილებდა. მარიხი კი ამ ნაჭრებს ქვაბში ერთიმეორეზე აწყობდა. რომ ამოავსო, წყალი დაასხა, ბიჭებმა კი ზედადგარზე შემოდგეს ქვაბი და თავსახური დააფარეს, რომ მალე ადუღებულყო.

ვიდრე კევი მოიხარშებოდა, უსაქმოდ რას გაჩერდებოდნენ. ერთ მოზრდილ კუნძს თხელი ფენა ჩამოახერხეს. ეს ჩამოხერხილი ფირფიტა ირაკლიმ მუხლებზე დაიდო და ლურსმნით მიკაწრ-მოკაწრა.

— ვერაფერს ვარჩევ! — გამოტყდა მანანა.  
— ამირანმა ღმერთებს ცეცხლი მოსტაცა, — აუხსნა დაკაწრული ფირფიტის კომპოზიცია ირაკლიმ. — მალე გარკვევით დააჩნდება.

კერაზე მიყუდებული შამფურები წვერებით ნალვერდლებზე დააწყო. როცა ერთ-ერთ შამფურს წვერი გაუვარვარდა, ირაკლიმ იგი დაკაწრულ ადგილებზე მიმოატარა. მონაცვლეობით იღებდა შამფურებს. მომწვარი ადგილები თანდათან იკვეთებოდა. ხის ფირფიტამ სული ჩაიდგა.

— შესანიშნავია! — წამოიძახა მანანამ, სხვები კი თავშემკაცვებით ათვალიერებდნენ ნამუშევარს. — ყველამ რალაც ენერხება. მე ვის დავემსგავსე ასეთი უნიჭო?

— თავს ნუ იკატუნებ! აერობორტში დედაშენი იკვეხნიდა, ფრიადოსანია, მეექვსე კლასი სიგელით დაამთავრაო, — შენიშნა კახამ.

— მე სხვა ნიჭზე ვჩივი... ქსოვაც გამიჭიანურდა... რამდენი ნაქსოვები აქვთ აქაურ გოგოებს...

ქვაბიდან ნახარში გადმოიღვარა და ცეცხლმა შიშინი დაიწყო.

ბავშვები გამოფხიზლდნენ, საქმიანად დატრიალდნენ. ქვაბს თავსახური ახადეს. წყალს ზედაპირზე ნახარშის ფენა მოსდებოდა. მარიხმა ქვაბში ხის კოვზი შემოატარა, კოვზს წებოვანი ნახარში შემოეკრა. გასაცივებლად წყლით საესე ჯამში ჩადეს კოვზი.

— ესეც კევი! — თქვა მარიხმა. — აბა, დაღეჭეთ. თუ მომეტებულად რბილია, ცოტა კიდევ ვადუღოთ.

მაგრამ რბილი იყო თუ მაგარი, ვინ დაეძებდა, ყველამ პირში იტაცა.


ამ დროს საჯარედან ზურნის ჭყვიტინი მოისმა. ვიღაცამ დაიძახა, ლეკი ჯამბაზები მოსულანო.

ბავშვებს კევიანი ქვაბი მიავიწყდათ და საჯარესაკენ გაცვიუნდნენ, სადაც ჯამბაზები უკვე თოკებს ჭიმავდნენ ბოძებზე.

**VIII. ზინიანის დაღვრაზე მომუშავე გოგო-ბიჭები.  
ჯამბაზობა მოაჭირსა და თოკაზე.  
პაპა ლაზარეს შავონება.**

მარგალიტი ბერდემამ და ლაზარე პაპამ წინა საღამოს ბოსლის საკარმიდამოში ბალახი მოთიბეს. გოგო-ბიჭებიც დაეხმარნენ, ახლა კი თივის შეგროვება-დაზვინებაზე მუშაობდნენ.

ლაზარე პაპამ უკანასკნელ სარს წალდით წვერი წამოუმახვილა და იქვე მდგომ თუნგმომარჯვებულ მანანას ანიშნა, სად უნდა დაესხა წყალი.



ბიჭები ჯიჯურიანთ საბოსლე ნაკვეთიდან ეზიდებოდნენ თივას.

მანანამ გაიხედა. ყანებში გამავალ ვიწრო ბილიკზე სამი თივის ბულული მოირწოდა.

— ლაზარე პაპა, ერთ სოფელში ორ-ორი სახლი რად გინდათ, მათ შორის მანძილი კილომეტრი ან კილომეტრნახევარი თუ იქნება? — შეეკითხა მანანა.

— აბა, გაიხედე, სოფელი ანუ საზაფხულო საცხოვრებელი ღია, გაშლილ ადგილზეა გაშენებული, ბოსლები კი — პირშითი ფერდობზე, რომელიც აქეთ-იქიდან გორებით არი დაცული სუსხისაგან. ზამთარში აქ ჩამოვბარგდებით ხოლმე.

განვითქულმა და დაღლილმა ბიჭებმა სიხარულის ყიყინა დასცეს, როგორც კი ზურგიდან ტვირთი მოიხსნეს. კახა მისურის გახდას შეუდგა, მაგრამ პაპამ არ დაანება.

— ჯერ ოფლი შეგაშრეს, წყალზეც თავი შეიკავეო. მარიხ! თითო ჭიქა მაწონი მოართვი!

გიგიმ პირთან მიტანილი კოკურა ადგილზე დადგა. ირაკლი თოკისაგან ნატყენ მხრისთავეებს იხელდა.

მანანამ ლაზარე პაპას ნახევარლიტრიანი კათხით მოუტანა მაწონი. მოხუცის შემყურე ბიჭებიც ჩაისავით სვამდნენ მაწონს.

შესვენება ხანმოკლე გამოდგა.

— ერთი ეს ზვინიც მოვათავოთ. მონაცვლეობით მომწოდეთ თივა, თქვენს შემოსევას მე რას გავუძლებ! — აქეზებდა ლაზარე პაპა ბავშვებს.

ფიწლებს ლაპლაპი გაუდიოდა მხეზე. ბიჭები თივას აწოდებდნენ, მოხუცი კი ზვინს ასწორებდა, რომელიც სულ მალა-მალა მიიწევდა.

— ესეც ასე. დაგელოცოთ მარჯვენა — თქვა მოხუცმა და ბოლო ბულული წამოაცვა ზვინის წვერს. — ახლა, როგორც გაგინარდებთ, ისე დაისვენეთ.

ბავშვები ჟივილ-ხივილით გაემართნენ ბოსლისაკენ.

მარგალიტი ბერდელა კარტოფილს მარგლავდა.

— ერთი ამ ბალებზე თვალი გეჭიროს, არაფერი დაიშაონ, — უთხრა ლაზარე პაპამ. — მე ცოტა თვალს წავატყუებ.

კარგა ხანი გავიდა. მარგალიტი ბერდელას ყური მზირად ეჭირა, ბავშვები ხან სულ მიჩუმდებოდნენ, ხან ისევ ახმაურდებოდნენ. როგორც კი მანანას წამოკვივლება და ჯაბოს წკმუტუნი მისწვდა მოხუცი ქალის ყურს, ყველაფერს თავი მიანება და ჩიქურ წვიადა. მაგრამ მისვლისთანავე გაშეშდა, ხმა ველარ ამოიღო და იქვე ჩაიკეცა. თან თვალს არ აშორებდა აივნის მოაჯირის სვეტსა და ხეს შუა გაბმულ თოქს, რომელზედაც ირაკლი სარმომარჯვებული გადიოდა.

როგორც იქნა, გაიღია მანძილი ხემდე. ბავშვებმა ისეთი ყიჟინა დასცეს, რომ ლაზარე პაპამ თავი წამოსწია.

მარგალიტი ბერდელა ძლივს წამოდგა, აივანზე ავიდა და თოქის შესხსას შეუღდა. ლაზარე პაპაც მოახლოვდა.

— რა მეხი გავარდა, დიაცო?

— თოქზე ჩამბაზობენ...

— განა არა, გუშინვე ეჭვი შემეპარა. ამ სიმაღლეზე რამ გაგაბმევინათ ეს თოკი? მტრისას, თუ ჩამოვარდით. თავს გაუფრთხილდით...

ლაზარე პაპამ უღვაშები მოიქექა, მგონი ძილი დაბაკლდაო, თქვა და ისევ ზვინებისაკენ გაბრუნდა.

გიგიმ თავისი თოკები მოაგროვდა.

ბავშვები მარგალიტი ბერდელას გამოემშვიდობნენ და სოფლის გზას დაადგნენ.

რაც ლეკი ჩამბაზების თოკზე სიარული ნახეს, ბიჭები ბევრს ვარჯიშობდნენ, მაგრამ შედეგი, როგორც მათ დააკმაყოფილებდა, არ ჩანდა. ირაკლის მეტი თოკზე წონასწორობას ვერავინ ინარჩუნებდა.

— ასე არაფერი გამოგვივა. როგორც სპორტშია, ჯერ დაბალ სიმაღლეებს დავევრდეთ. ჯერ ნახევარი მეტრის სიმაღლეზე გავჭიმოთ თოკი, მერე მეტრზე და ასე გავაგრძელოთ. რას იტყვიან? — იკითხა მანანამ.

— მგონი, აჯობებს, სულ შევეშვათ, — თქვა მარინმა, რომელსაც თავიდანვე არ მოსწონდა ეს ჩამბაზობა.

მაგრამ რაკი თოკები ჰქონდათ, თოკთან დაკავშირებული ყველა გასართობი მოუნდათ. მარტო გასართობი კი არა, ცოტა უფრო მეტიც, რამაც ბავშვებიც სერიოზულად შეაერთო და უფროსების აღშფოთებაც გამოიწვია.

აი, რა მოხდა.

**IX. სამხადისი ქარაფხა ჩასაშვებად.**

**თოკზე გამოგზული კახა.**

**მოგაგზულია სარისამ სანაძლეთ.**

— სიტყვა „მეკლდეური“ თუშური ლექსიკიდან შევიდა სპორტულ ტერმინოლოგიაში ამ რამდენიმე წლის წინათ, — თქვა კახამ. ყველა მისი ხელების მოძრაობას მისჩერებოდა. — ესეც — მეზღვაურული კვანძი. აბა, გიგი, გაქაჩე!

— მარტო გაქაჩვით ვერ შევამოწმებთ, ორ-ორი მაინც უნდა ჩამოვეკიდოთ.

— მეც ჩამიშვით! — დაიძახა მანანამ.

— მაგას ჩაშვება არ უნდა, აგერ ხეზეც შევამოწმებთ.

— გიგი ხეზე აძვრა, თოკი დაამაგრა, ბოლო ჩამოუშვა. კვანძი შუა ადგილზე ჰქონდა ჩამოშვებული თოქს. — აბა, ვიწყებთ! ირაკლი, დააჩქარე და ჩამოვეკიდე!

ირაკლიმ გიგის მითითება მთელი მონდომებით შეასრულა.

— მანანა, მიეხმარე, ახლა ორივე ჩამოვეკიდეთ როგორმე! — გაისმა გიგის მორიგი ბრძანება.

მანანა და ირაკლი კარგა ხანს იყვნენ ჩამოკონწილებულნი თოკზე.

— საიმედოა! — მოისმა ზემოდან. — ახლა სხვა კვანძები გავსინჯოთ.

გიგიმ თოკი ასწია, რამდენჯერმე გადაახვია ხეზე. ახლა მიამდევნო კვანძი შეამოწმეს.

— მესამეც შეამოწმეთ!

გიგიმ სამივე კვანძი მოიწონა.

კახა მთელ ამ ფაციფუტს მხართემოზე წამოწოლილი უყურებდა. ქარაფზე ჩაშვება წილისყრით მას შეხვდა და უფლება ჰქონდა, ამ სამზადისში მონაწილეობა არ მიეღო, დაესვენა. ისე, სიმაართლე რომ ვთქვათ, ცოტა გული კი უფანცქალებდა, მაგრამ არ უნდოდა ამაზე დაფიქრებულიყო.

— კახა, გაეშადე! — უბიძგა მანანამ და ფიქრებიდან გამოიყვანა.

წასნე მთაა, რომელსაც მწვერვალი თითქოს ხმლით წაკვეთესო, ისეთი მოსწორებული აქვს, ოღონდ — ტყით დაფარული. იმ ადგილიდან, სადაც მეგობრები საქმიანობდნენ, ხუთიოდე ნაბიჯის დაშორებით ქარაფი იწყებოდა, რომელიც სადღაც ქვევით, აქაფებულ მდინარეში იკარგებოდა. აი, სწორედ ამ ქარაფზე აპირებდნენ ჩაშვებას ბიჭები.

ერთხელ კიდევ გულდასმით შეამოწმეს კახა თავიდან ფეხებამდე და გზა დაულოცეს.

სანამ კახა ქარაფზე ჩაეფარებოდა, მანანაც ებლაუჭებოდა თოქს, რომლის ბოლო ყოველი შემთხვევისათვის ხეზე იყო გამობმული, მაგრამ მალე თავი მიანება და ნაპრალის პირთან მივიდა. ჯაბოც მასთან გაჩნდა. კახა ხელა ეშვებოდა კლდეზე. უკებ ჰაერში დაიწყო ქანაობა.

— მოიცათ! — ხელის აწევით იყვირა მანანამ. ბიჭებმა თოქის ჩაშვება შეაჩერეს. — ცოტაზე ამოქაჩეთ, ჰაერშია გამოკიდებული!

თქმა ადგილია! თურმე რა ყოფილა კაცგამობმული თოქის უკან გამოქაჩვა! ძლივს ამოსწიეს კახა რამდენიმე მეტრზე.

კახამ ხელები დაიკაწრა. როგორც იქნა, ცოტა გვერდზე გაჩოჩდა, რომ გადმოშვერილ კლდეს არიდებოდა.

— უთხარი, სადმე გაჩერდეს, დავისვენოთ! — გასძახა ირაკლიმ მანანას. მანანა გაფაციცებული უთვალთვალებდა და, როცა კახამ ფეხმოსაკიდ ადგილს მიაღწია, დაუძახა. მანდ გაჩერდით.

როგორც კი მოდუნდა თოკი, ბიჭებმა ხელი უშვეს და ქარაფის პირთან მიცვივდნენ.

იმ ერთადერთ ხემდე, რომელიც ამ კლდეზე რაღაც სასწაულად ამოსულიყო და რომელზედაც ბაირალი უნდა აეფრიალებინათ, კახას ნახევარზე მეტი მანძილი უაკეჩა ხაველო.

— ჰეჰეჰეი! — ჩასძახა ირაკლიმ ძმობილს.

კახა ზურგით მიეყრდნო კლდეს, ორივე ხელი გაშალა,



მანანა არ გამოჩენილა, მაგრამ უხილავმა ხელმანა ვილემის თაიგული გადმოსროლა კლდეზე. კახას თავთან ფიჭვის ტოტზე ჩამოეკიდა.

— ვაშა!.. — აყვირდნენ ზემოთ. ბიჭებს შორის მანანამ გამოყო თავი. კახას ხელისქნევით გაუზიარა თავისი სიხარულად.

— გაემზადე, ვიწყებთ ამოქაჩვას... — შეცვლილი ხმა ჰქონდა მანანას.

კახამ კლდეებში როგორღაც გაჩერებული გირჩა დაინახა. ჯიბეში ჩაიდო.

კახასთვის ჩაშვება იყო უფრო ძნელი, ზემოთ მყოფთათვის კი მისი ამოყვანა. თოკის კვანძები ხან საღ წამოედგნოდა კლდის შევრის და ხან საღ. ასეთ ადგილებში ისევ აღუზნებდნენ თოკს და კახა ცდილობდა, როგორმე იქეთ ან იქით გადაეჭაჩა თოკი. როცა ბოლოს ქარაფის კლდეზე თავი ამოყო, დაინახა, რა ჰაპანწყვეტაშიც იყვნენ ბიჭები.

როგორც კი კახამ თოკი შემოიხსნა, ყველანი იქვე ჩაიკეცნენ, ისე იყვნენ დალილინი.

სული რომ მოითქვეს, სიცილით ხელები გადმოაბრუნეს. ხელისგულები ყველას გადაყვლეფილი ჰქონდა.

კახამ ჯიბიდან გირჩა ამოიღო და მანანას გაუწოდა. წასნეს მთაზე მომხდარი ამბავი მთელ სოფელს მოედო.

თურმე აგურთის მხრიდან იმ მოპაექრე ბიჭების ბელადი გოგალე უთვალთვალებდა მთელ მათ საქმიანობას.

რასაკვირველია, ამის შემდეგ პაპების დარიგებასა და ბერდედების ვიშვიშს ბოლო აღარ უჩაწდა.

ბავშვებიც მცირე დროით მიწყნარდნენ.

**X. შეჯიბრი მშვილდ-ისრის სროლაში.**  
**გიჟიანი კარგად ისვრინა, მაგრამ... პაპა ლაზარე**  
**აჯობა, ყოჩის მაგივრად პურს გულში**  
**გაუჭარა ისარი, ყოჩი კახას გადასცხა.**

უფრო საიმედოდ აეკრა და მეგობრებს ახედა. საღდაც ზემოთ, ცისა და გადმოწეული მწვანე ტოტების ფონზე მანანას სომბრერო დალანდა. მზე თვალებს სჭრიდა. ხელს რომელი იქნევდა, ირავლი თუ გიგი, ვერ გაარჩია. ძერე იმ ხეს გადახედა, რომელთანაც უნდა ჩასულიყო. ეშორა. წელზე და მკერდზე თოკები მოისინჯა. ყველაფერი წესრიგში იყო. წყურვილი იგრძნო. იქვე ახლოს კლდის ღუმა შეამჩნია. ხელი გაიწოდა, ვერ მისწვდა. უფრო გადაიხარა, თავი ველარ შეიკაფა და მოსწყდა კლდეს. მაღლიდან ყვირილ-კივილი მოესმა.

გონს რომ მოვიდა, იმ ხეზე იყო შემოხვეული. თოკი სულ დაქაჩულიყო. „ძლივს მოსწვდა“, გაიფიქრა კახამ. დასისხლიანებულ ხელებზე დაიხედა. თავი უბრუნდა. ზევით, ალბათ, გამარჯვების აღსანიშნავად ყიფინებდნენ. როგორც იქნა, მიაბრუნა თავი და აიხედა. აქედან უკეთ მოჩანდა ქარაფის პირი.

— ცოცხალი ხარ, მიხეილ ხერგიანის მოდგმავ? — ჩამოსძახა გიგიმ. — მოვივით სანაძლეო!

სანაძლეოს ხსენებაზე კახამ ჯიბეები მოიქექა და ჭრელჭრელა ნაჭერი ამოიღო. ხეს შემოახვია. მოპაექრე ბიჭების გვუფს ხომ უნდა ენახა დაპყრობილ ხეზე რაიმე ნიშანი.

— კარგია, კარგი! — ჩამოესმა ირავლის ხმა.  
 — მანანა, დამენახე! — ასძახა კახამ.

შენაქოლებს ცოტა შელავათიანი დღეები დაუდგათ. თიბგა მოთავდა, ყანები კი ჯერ არ შემოსულიყო. ხალხი შიგა სამუშაოებს მიუბრუნდა. იყო ერთი ცელ-ნამგლების ლესვა და მჭედელ დავითოსთან მისვლა-მოსვლა. ტყეებიდან ჩახაჩუხის ხმა ისმოდა. წისქვილის გზაზე საფეხვაკიდეებულ ცხენებსა და სახედრებს მიერეკ-მოერეკებოდნენ. ცხვრის ბინებიდან ყველ-მატყელი ჩამოჰქონდათ. საქვაბეში სადღეობო ლუღს ხარშავდნენ, ძელზე ჩამოკიდებულ საგანგებოდ მოქსოვილ ტომრებში სწურავდნენ და სვიის ნახარშს უმატებდნენ.

ბიჭები მთელი კვირა მშვილდ-ისრის სროლაში ვარჯიშობდნენ. ჯიჯურიანთ დიდი პაპის წლისთავზე ყველას უნდოდა თავის გამოჩენა. მანამდე კი ჭერბობებში დაძვრებოდნენ, სხვენში უქმად გარჭობილ მშვილდებსა და ისრებს აგროვებდნენ, ასწორებდნენ, ლარებს ჭიმავდნენ.

ნანატრი დღეც დადგა. ბავშვები დილიდანვე ნისტაყოს გორასთან ტრიალებდნენ, საღაც შეჯიბრება უნდა ჩატარებულიყო.

მოიტანეს საჩუქრები და ერთმანეთისაგან დაშორებით ფერდობზე დააწყეს. ყველას თვალი დიდი პაპის ვერცხლის ქამარ-ხანჯალზე იყო მიკრული. ჭედლის ნაცვლად პური ჩადგეს. რას არ დაინახავდით ფერდობზე — ტანსაცმელს, ფეხსაცმელს, ქვამარილის გოროხს, ყველის თავს... ცენტრში აბრეშუმის ალაში ჩაერთო.

შჯიბრებაში ყველას შეეძლო მონაწილეობის მიღება. ასაკის მიხედვით სხვადასხვა მანძილზე დააყენეს მსროლელები. სულ წინ სკოლამდელი ბიჭუნები იდგნენ. სწორედ იმათ დაიწყეს. თითოეულს სამ-სამ ისარს უტოვებ-



დნენ. თუ რომელიმე უმცროსის ნასროლი საუკეთესო ალმოხნდებოდა, საჩუქარი მაშინვე იხსნებოდა შეჯიბრებიდან.

სანიშნო ფერდობს აქეთ-იქიდან ორ-ორი მეთვალყურე ედგა, რომელიც სროლის შედეგს ატყობინებდნენ ხალხს.

პირველად თითქმის ყველა ისარი ქამარ-ხანჯლისა და ალმისაკენ იყო მიმართული. ქამარ-ხანჯლისაგან შემოწაზულ წრეში მესუთე ისარი კახამ შეაფრინა, მაგრამ ცენტრს მანაც სხვებსავით ააცდინა. გოგო-ბიჭებმა მაინც სიხარულის ყიყინა დასცეს. ირაკლიმ ალმის ქვედა კიდე შეარხია. გიგი არ მონაწილეობდა შეჯიბრში. წინა დღეს მამას მორების დაგორებაზე ეხმარებოდა და ხელი იტყინა. მაჯაშვხვეული ახლოს ტრიალებდა ძმობილებთან, რჩევებს აძლევდა.

მეორე სროლაზე ჯერ ქამარ-ხანჯალი და ალამი მოიხსნა შეჯიბრებიდან. შემდეგ საჩუქარი საჩუქარს მიჰყუდა და ბოლო სროლისათვის რამდენიმე სანიშნოდა შერჩა ფერდობს.

— რაღა ახლა სტივია გიგის ხელი... — თქვა სინანულთ მარხმა.

გიგიმ ბიჭებს ანიშნა, უკან მიიხედეთო. ლაზარე პაპა ხელში მშვილდს ატრიალებდა, ლარს ჭიმავედა. ბიჭები მისკენ გაცვივდნენ.

— პაპა, რას აპირებ? — შეეკითხა კახა.

— ჩვენს ასაკს შორის ნახევარ საუკუნეზე მეტია სხვაობა. მიხდა დაგაჯეროთ, რომ ჯერ ყველაფერი წინ არი. — ლაზარე პაპამ მხრები შეათამაშა, მშვილდ-ისარი რალაც თავისებურად შემართა, მერე ზევიდან ქვემოთ დაუშვა და სრულიად მოულოდნელადვე უშვა თითები ლარს. ისარმა გაიზუზუნა და პურს ჩაერჭო. მეთვალყურემ პური მოარბენინა. პურზე ცხრა ნაისარი დაითვალეს, მაგრამ უკანასკნელი ისარი ჯერაც ისევ შუაგულში იყო გარჭობილი.

— პური რაა, — გულნაკლულად აღმოხდა მანანას, — რა კარგი საჩუქრები იყო!..

— ეგ პური ჭედილას უდრის, — აუხსნა გიგიმ.

ყველა ლაზარე პაპას შემოეხვია. ერთი ახალგაზრდა მაინც სულ გადაირია, ინსტიტუტში პირველი ვარ მშვილდოსნობაში და ამ ბერიკაცმა როგორ მაჯობაო. მანანამ სტუდენტს შეუბღვირა, ხალხის წრე გაარღვია, ლაზარე პაპას გადაეხვია და გამარჯვება მიულოცა. ბიჭებს გუნება გამოუკეთდათ და ტაში დასცხეს.

სიკო ჯიჯურიძე საბელგამობმულ ყოჩს მოათრევდა.

— დისწულო! — გასძახა კახას და საბლის ბოლო გადაუვდო. — ჩაიბარე!

კახამ საბელი დაიჭირა.

— ეს ჭედილა კი არა, კაი მოზრდილი ყოჩი ყოფილა, — შენიშნა გიგიმ და საქმიანად შეათვალა ცხვარი.

— რა ქნა, კაცო, სამოცდაშვიდი წლის ბერიკაცმა! — ისევ ჰკვირობდა სტუდენტი.

— არ გაგიგია, — ბებერი ხარისა რქანიც კი ეწევიანო... — ჩაილაპარაკა სიკო ჯიჯურიძემ.

ბავშვებმა ყოჩი წრეში მოიქციეს. მათ ყივილ-ხივილზე ცხვარი დაფეთდა, უკან დაიხია და საბრძოლველად დახარა რქები. მანანა შეშინდა და გიგის ამოეფარა. გიგიმ სალი ხელი რქაში სტაცა ყოჩს. მეორა რქას კახა მისწვდა. ირაკლი უკანიდან აწვებოდა. ასე გაემართნენ სახლისაკენ.

კახა გზადაგზა თითქოს მეცხვარის ლექსიკონს ფურცლავდა: ცხვარი, ბატკანი, ბეკეკა, კრავი, ციკანი, თიკანი, ჭედილა, თოხლი, ნერბი, ვერძი, ყოჩი, ბოტი, თხა...

მთელი სოფელი აიყარა. ვინც ომალში ვერ გადავიდა, საცხენე ცერისაკენ მიისწრაფოდა. ასეთ მნიშვნელოვან ამბავს ვინ გააცდენდა, შორიდან მაინც რომ არ მოეკრა თვალი.

საცხენე ცერი ზემოდან დასცქეროდა ომალს მინდორს. მათ შუა დაკლანილი ბილიკებით დასერილი ღრმა ხევი გაწოლილიყო. დაბლა ალაზანი ხმაურობდა.

ომალში დიდი გამოცოცხლება იგრძნობოდა. შენაქოვლები დურბინდებით გასცქეროდნენ გაღმა მხარეს.

— ღმერთო დიდებულო, ნუთუ რკინის რაში შემოჯირითდება თუშეთში? ნუთუ ჩვენი საცალფეხო ბილიკები შარაგზებით შეიცვლება? — ჩაილაპარაკა გიო პაპამ და ფერდობზე შეფენილ თანასოფლელებს გვერდით მიუჯდა.

— შემოჯირითდა და ეგაა! — ლუხუმმა საათზე დაიხედა. — ნახევარ საათში დავინახავთ.

მთაში მზის საათია ძალაში ისევ. მზის ამოსვლამდე, შემოთენებულზე დგებიან, საქონელს სწველიან და საძოვარზე ისტუმრებენ. შუადღემდე ყანებში მუშაობენ. მზე გადახრამდე ისვენებენ, მერე კიდევ წაიმუშავენ. მზე რომ შუბის ტარზე დავა, სოფელში ბრუნდებიან. მზეჩავლით საქონელს აბინავებენ, შემდეგ ვახშმობის თადარიგს იჭერენ ქალები. ვახშმობენ და იძინებენ.

ლუხუმმა საათი რომ ახსენა, გიო პაპამ ცას ახედა. მერე ხეების ჩრდილს მოავლო მზე-რა. ჯერ შუადღე არ არისო. — გაიფიქრა.


— შენ ახალგაზრდა ხარ, ეგ ეშმაკის თვალები მე წამამგვლე, — უთხრა ლუხუმს და დურბინდისათვის ხელი გაუწოდა.

გზაზე გოგონების ჯგუფი გამოჩნდა. ფარსიკაანთ ევა გარმონს უკრავდა, მარიხი მღეროდა:

ზევავო გაფრინდაულო,  
თუშო, მოკლეო ენითა,  
საცა კი შეიურებიან,  
ამოგარჩევენ ხელითა,  
კარზე მოსულსა მოძალეს  
ირეკავ ნახირივითა...

ჯაბო გოგონებისაკენ წაძუნძულდა. მთელმა სოფელმა იცოდა, რომ, როგორც კი ჯაბო გარმონისა და სიმღერის ხმას გაიგონებდა, მაშინვე იქ გაჩნდებოდა.





მანანა წინდის ქსოვითა და ლილინით მიდიოდა შუკაში. საჭეაბესთან კახა და ირაკლი შეამჩნია. გაუხარდა, ჩემს ნახელავს ვაჩვენებო. მერე იფიქრა, მოდი, ჯერ ერთს გემოზე შევახტუნებო. შემოუარა და ზურგიდან მიეპარა ბიჭებს.

— ძალიან შორსაა ეგ აკლდამები? — იკითხა კახამ.

— ცხენით ალიონზე გასული კაცი სალამომდე მივა.

— ბუჰ!.. — დაიძახა მანანამ და ძალიან გაუკვირდა ბიჭები რომ არ შეკრთნენ. — მართლა გამოდგებით ქაჩებთან და ურჩხულებთან საბრძოლველად, არ დაიბნევით. რას გაჩუმდით? განაგრძეთ საუბარი! მე...

მაგრამ ბიჭები, თითქოს ენა მუცელში ჩაუვარდათო, გაჩუმებულიყვნენ.

— აჰ, არ შეკრითო, დაიბნენით კი! გასაგებია! მე ასე მემართება, როცა გაკვეთილებს ვამზადებთ-თქო, ვამბობ, და სულ სხვა წიგნის წაკითხვაზე კი წამასწრებენ.

— მოსამზადებელი კურსების გახსნაზე ვსაუბრობთ, აი, იმათთვის, ვინც პირველ კლასშია შესასვლელი, — გაბედა ხმის ამოღება ირაკლიმ.

— იქნებ უცხო ენების მასწავლებლად მიმიწვიოთ? — იკითხა მანანამ.

— უცხო ენებამდე შორია! — უპასუხა კახამ. — ჭადრაკზე ვსაუბრობდით.

მანანას ეშმაკურად აუციმციმდა თვალები.

— კაი, ბატონო, ვახსენით სკოლა გაძლიერებულ ქვეყნებით, ითამაშეთ ჭადრაკი... მაინც ვერაფერს გამომაპარებთ!

ბიჭებმა ერთმანეთს გადახედეს.

მანანამ ონკანი გახსნა და წყალი მოსვა.

— ფუი, რა დუბელაა! ვინა თქვა, ეს წყალი ერეკლე მეფემ ინატრაო?...

შენაქოელებმა ბარიდან მიღები გამოზიდეს და ნივრეს გორიდან წყალი სოფელში გამოიყვანეს. საჭეაბესთან, სადაც წინათ ადამიანის სიმალლე ჭინჭარი ამოდიოდა, ახლა წყარო მოჩუხჩუხებდა. წყალს მაინც ზოგავდნენ და ხანდახან ონკანით კეტავდნენ. მიღები კლდიან ადგილებში მიწიდან ზემოთ ეწყო, მზისგულზე წყალი თბებოდა მიღებში. ასეთ დროს სასმელად გუბიდან ეზიდებოდნენ წყალს. ახლა ამ მიღებით გამოყვანილ ნივრეს ქებულ წყალზე გაჯავრდა მანანა. ბიჭებმა ხმა არ გასცეს.

მარის გვერდით მანანა მოჰყვებოდა.

— თქვენს მოსვლას გაუმარჯოს — უპასუხა სალამზე მოახლოებულ ახალგაზრდებს ვიო პაპამ.

ომალოს მინდორზე ქუმელაურთის მიმართულებით მიჰქროდნენ და მოჰქროდნენ ცხენოსნები. ეტყობა, აშბები მოჰქონდათ, რა ხლებოდა გადაღმა ხევში.

ვიო პაპამ ცას ახედა.

— არ გავიდა ის ნახევარი საათი? — იკითხა.

— გავიდა.

ომალოში ყველა მოძრავ წერტილად იქცა. საცხენე ცერზე დურბინდები ხელიდან ხელში გადადიოდა.

შორს წითელი ბაირალი გამოჩნდა, გზაზე რაღაც მანქანა მოდიოდა.

— წითელი ფერი თვალს როგორ იტაცებს; მეც კი დავინახე! — გაუკვირდა ვიო პაპას, რომელიც დურბინდს თვალებიდან არ იცილებდა. — ეს რა მობაჯბაჯებს?

— ტრაქტორია, ტრაქტორი! — აყვირდნენ ბავშვები.

ოღნავ აღწევდა ბათქაბუთის ხმა, ისროდნენ.

შენაქოელებმა ტაში დასცხეს და მთა-ხევებს ვაშას გრილმა გადაუარა. ყველა ფეხზე იდგა.

# ეკოლოგია



„ჩვენი პრობლემა არაა მისი, ჩვენი რეაქციაა“

1980 წლის შრომით მეოთხედში სოფლის მეურნეობის, მრეწველობის და მომსახურების სისტემებში მუშაობდა რესპუბლიკის 217.000-ზე მეტი მოსწავლე.

44.375 უფროსკლასელი გაერთიანებული იყო 568 შრომისა და დახვეწების ბანაკში. ამდენივე უფროსკლასელი მუშაობდა მოსწავლეთა საწარმოო ბრიგადებში. 61.000-ზე მეტი მოსწავლის შრომითი გზა გადიოდა ქარხნების სააქრო-

ბსა და სამშენებლო ობიექტებზე. 33.000 მათგანი შრომობდა სკოლების, საბავშვო ბაღების, კლუბების, მეცხოველეობის ფერმების შენობების შეკეთება-კეთილმოწყობაზე.

30.325 უფროსკლასელი იყო დასაქმებული სკოლების სატყეოებში.

შრომითი ზაფხულის განმავლობაში უფროსკლასელთა მიერ შესრულებული იქნა 30 მილიონი მანეთის სამუშაოები.

კიდევ ერთხელ იძალა ზაფხულმა. გადაფერადდა, ნაყოფის სიმძიმისაგან დაიზინქა ხეხილი.

ხვავი და ბარაქა ისევ გადღეგრძელებდა ორი ალალი ქართლელი გლეხის — ქიტესასა და წნელას დანატოვარ, ნაფუძარ მიწაზე. მათ შვილთაშვილებს, იმათ შვილებს სულში ჩაანათა და დიდი ადამიანური სიკეთით დაამწყალობა ჯერ სიმწიფეში შეუსვლელი, თვალებბრიალა ქიწნისური ვაშლები.

მზე ჰორიზონტზე შემადლდა. რა ხანია, სოფელსაც გამოცვლიდა.

თითქოს ერთფეროვანი ყოველდღიურობა მეფობს ქიწნისის სახელმწიფო სანერგე მეურნეობის ბალებში, მაგრამ ეს მხოლოდ ერთი შეხედვით. სიმეტრიულ მწყრივებად ჩარიგებულ ხეებს შორის თავისუფლად გარბი-გამორბის ნიავი. ზარმაცად მიიზღანება წვიმაშეუმშრალ მიწაზე სატვირთო მანქანა, ძლივს მიათრევს დიდრონი ქვებით გაგვილ ძარას.

დღეს 16 ჰექტარი ახალგაზრდა ხეხილის ბალის გაწმენდაზე მუშაობენ თბილისელი მოსწავლეები. რა თქმა უნდა, სტანდარტული არ არის მათი სამუშაო. ერთ დღეს ბალის გათოხნაზე მუშაობენ, მეორე დღეს — გაწმენდაზე, მესამე დღეს ახალამოყრილ მუხლგაუმაგრებელ ნერგებს უვლიან — როგორც საქმისათვის

არის საჭირო, როგორც მეურნეობის ორგანიზებული და გეგმიანი შრომის ინტერესები და საჭიროება მოითხოვს.

თუმცა, ეს რა სათქმელია, როცა აქ ისინი ნამდვილ მორბედად ეგულელებათ და თავისებურად სიტყვისკაცობაშიც, საქმისკაცობაშიც სცდიან.

კარგა ხანია, მოსწავლეთა შრომითმა მოძრაობამ სახელი და ასპარეზი მოიპოვა ჩვენს რესპუბლიკაში. მისი ფასი და მნიშვნელობა ახლა სოფლის მეურნეობის სისტემაშიც კარგად იციან და სკოლებშიც, — ამგვარ შრომას რა ხანია, ჭაშნიკი აუღლეს ორივეგან.

კაცი საქმეში იცნობაო, — ბრძენ

ხალხს უთქვამს. გაკეთებული საქმის მიღმა ყოველთვის ადამიანის ავტორიტეტი, მოწოდება და მრწამსი საძიებელი. ისიც ცნობილია, ყოველი კაცი თავის ტოლფასსა და ღირსს საქმეს აკეთებს მუდამ.

ამ უბრალო ჭეშმარიტების არსს მხოლოდ ახლა ეცნობიან და უკვირდებიან თბილისის 142-ე საშუალო სკოლის უფროსკლასელები და რაოდენ სასიამოვნოა, რომ ეს გაცნობა-დაკვირვება ასეთ ნამდვილ, კაცურ ატმოსფეროში, ცხოვრებასთან, პრაქტიკასთან, მშრომელ ადამიანებთან და, ბოლოს, ბუნებასთან, მიწასთან სიახლოვისას ხდება.

12 ივნისიდან საქმიანობს თბილისის 142-ე სკოლის უფროსკლასელ მოსწავლეთა შრომითი რაზმი ქიწნისის ბალებში. უკვე მოგვარებულია ყველა საორგანიზაციო საკითხი. მეურნეობა ყოველნაირად ეცადა, არ ელატანა ახალგაზრდული შრომითი რაზმების დახვედრის უკვე თავისადმიჩნეული, სტუმარმასპინძლო ტრადიციისთვის: საცხოვრებელიც მოსაწონი გამოუყვეს და სასადილოც. მეურნეობის მუშაკთათვის არსებული ყველა პრივილეგიაც გაავრცელეს თბილისელ მოსწავლეებზე და მათ გართობა-დასვენებაზეც იზრუნეს.

შრომისა და დასვენების ბანაკის უფროსი, ისტორიის მასწავლებელი ბორის სადღობელაშვილი კმაყოფი-



ბაღის ფართობის მკვლევარისგან გასუფთავება მხოლოდ ერთი შახად. მით ჩანს ძალიან ადვილი.



ეს თბილისელი გოგონები პარაზანი, ხელმარჯვე და მუშაობენ გარეუბანში მუშაობის მუშაობის



ბაში გამომუშავებული თანხაც მოსწავლეებმა საკუთარი სურვილით გადარიცხეს ქალაქ გაგარინისა და საკავშირო კომკავშირული და პიონერული აქტივის ბანაკის მშენებლობათა ფონდებში.

მაღე ჩათავდებო მეგობრული შრომის დღეები და მერე, როცა ეს ზაფხულიც მოგონებდა იქცევა, ალბათ, ბევრჯერ, ბევრჯერ მოიხედავენ ბავშვები ოცნების თვალით ამ პატარა სოფელში გატარებული შრომითი მეოთხედისავე, ამ მამაშვილური სიტბოსა და კეთილმასპინძლური დახვედრისავე; მათ ცხოვრებაში პირველი შრომითი კოლექტივისავე, სადაც ასე ეიმედებოდათ მათი, შრომას, სოფლის საქმეს ჯერ შეუჩვეველი ხელით გათოხნილი ყოველი გოჭი მიწა, ჩამოკრეფილი და გადარჩეული თითოეული ფოთოლი.

**ნინო ხარაზიშვილი**

ლია — მოსწავლეებს საკმაოდ მნიშვნელოვანი სამუშაო ანდო მეურნეობის ხელმძღვანელობამ: 5 ჰექტარი სანერგეებისა და 20 ჰექტარი ხეხილის ბაღების გათოხნა, ხუმრობა როდია; მარტო თუთის პლანტაციები 4,5 ჰექტარს იჭერს, თუთის ფოთლების დროულად ჩამოკრეფვა კი თბილისელი გოგონების შრომასა და გარჯაზეა დამოკიდებული, უმეტეს წილად.

ვეცნობით რაზმსა და მიმღებ ორგანიზაციას შორის დადებულ სახელშეკრულებო პირობებს: გვემა საკმაოდ სოლიდური ციფრით გამოუსახავთ; 50 მოსწავლისაგან შემდგარმა რაზმმა 2 000 მანეთის ღირებულების სამუშაო უნდა შეასრულოს.

...გოგონების მხიარული ტკარცალი იკლებს მშვიდ სოფელს. მთელი ეზოა მოფენილი თუთის ფოთლითა და გოგონების მხიარული კისკისით.

თუთის ტოტებით დატვირთული მანქანა ორლობეში ჩამოდგა. ახლა ერთი — ორი მარჯვე ბიჭია საჭირო, რომ ტოტები გადმოტვირთონ და ამ გოგონებსაც უხვად ექნებათ სამუშაო. სირცხვილიც არის, უკვე ნორმად ქცეული 10 ყუთი რომ ვერ აავსოს პირთამდე თითოეულმა.

ნანა ებანოძე, ნინო მირიანაშვილი, მაია ინასარიძე, ნინო ესებუა, ტყუბი დები — მეგრელიშვილები, ბელთაძეები, ხასიშვილები... შრომაში თავის გამოჩენა ბიჭებმაც მოასწარეს უკვე, ერთმანეთს ტოლს არ უდებენ მამუკა ალავიძე, მორის გზირიშვილი, ბიძინა ბერიძე და ვინ მოთვლის, კიდევ რამდენი რაზმელია ქებისა და კეთილი სიტყვის ღირსი.

რაზმის კომისარს, გეოგრაფიის მა-

სწავლებელს გოგუცა ყიფიანს უამრავი საინტერესო ღონისძიება აქვს ჩაფიქრებული — ექსკურსიები, საშეფო კონცერტები, პოეზიისა და მუსიკის საღამოები, სოფელ თანატოლებთან სპორტული შეჯიბრებები...

იმედია, მოწყენისთვის დრო არ დარჩებათ თბილისელ მოსწავლეებს. მით უმეტეს, მათ დამატებითი საზრუნავიც გაიჩინეს: სოფლის ისტორიისა და ბუნების შესწავლაც დაიწყეს.

შრომითი რაზმების საკავშირო პატრიოტულ მოძრაობა „ხსოვნას“ და სამამულო ომში ჩვენი ქვეყნის გამარჯვების წლებანდელ, 35-ე წლისთავს თავისებურად აღნიშნავენ 142-ე სკოლები. ეს რაზმის გაზეთის ფურცლებზეც აისახება და სოფლის ვეტერან მებრძოლებთან, ომში დაღუპულთა ოჯახებთან ბავშვების ურთიერთობაშიც.

ეს ერთგვარი ნობათი იქნება, ისევე, როგორც დამკვრელური შრომის ის ორი დღე, რომლის განმავლო-



ბადაწუღა:  
ხვალ  
სოფელ  
თანატოლებთან  
ფეხაურის  
იტაგაშუბან.

შესვენების  
ღროს  
უფრო  
იკვეთება  
ხალისიანი  
განწყობილება.





იაიებით და ენძელებით  
 მოლს გაუფსია  
 კალთა და უბე...  
 გახარებული  
 ჭყვიის მერცხალი,  
 გამოვჩქევო  
 ბარტყები უკვე...  
 მიმოიცინა  
 მზემ აქეთ-იქით  
 და ბატკანივით  
 დალია გუბე!

**წიქარა**

ჩემი ფიქრები  
 ზამბახებივით  
 ზეცამ თავ-პირზე  
 გადაიყარა...  
 ვაიმე,  
 იქნებ  
 მგლებმა შეგჭამეს,  
 რომ აღარ მოხვედ, —  
 ჩემო წიქარავ.  
 გეძებ,  
 გეძებ და  
 უკან მომყვება  
 ჩემივ ცრემლებით  
 დანამული გზა,  
 თუ ცოცხალი ხარ,  
 ნუთუ არ გესმის  
 წიოკი ჩემი  
 ხალამურისა!..



ბოსტანში ლაღად  
 კუტკუტებს კრუხი  
 და წია-წია  
 ისმის წიწილის...  
 მინდა გავათბო  
 ჩემი ტუჩებით, —  
 ხელში ტიტველა  
 ბარტყი მიტირის...  
 ქარი გორაობს  
 და გვირილები  
 იგუდებიან  
 თეთრი სიცილით.

გაზაფხულდაო, —  
 ჩაუნისკარტეს  
 უვილ-ხივილით  
 ტოტებს კვირტებმა...  
 ხომ არ ვუყვარვარ,  
 მე რომ ვუყურებ,  
 ნეტა ყაყაჩო  
 რატომ წითლდება!  
 არ დამინახონ  
 ტიტლიკანაო, —  
 ჭრელი საბანი  
 მინდორს ახურავს...  
 რა აკუნტრუშებთ  
 უნუწრუკელებსო, —  
 სამივე ყური  
 ცქვიტა სამყურამ...

**მ ი ხ ე ი ლ რ ა რ უ ე**


**დილა**



აი, გაიღო კარი აღსავლის  
 და მზე ამოჰყვა კიბეს უჩინარს.  
 დილამ — გაშლილმა  
 მტრედის ფრთასავით —  
 მზეს გაუცინა.

ცვარი შეაშრა ალორთქილ ბალახს,  
 მზემ შეინოვა რძესავით ნისლი,  
 ყვავილმა პირი ჩამოიბანა,  
 თავს ინონებს და კეკლუცობს  
 მზის წინ.

კვირტი თვალების გახელას  
 ცდილობს,  
 პატარა კვირტი,  
 ჩვილივით თოთო.  
 უხილავ ბაგით შეეხო სიო  
 და გააყრყოლა სიამით ფოთოლს:



ცა გაფატრა ელვის დანამ,  
 დაეთხლიშა მინას მეხი.  
 თელა შიშმა აიტანა,  
 აკანკალდა შიშით ვერხვიც.  
 აკაციას,  
 რცხილას,  
 თხმელას —

შეეპარა შიში ყველას.  
 ჯერ წიფელის გულში ჩადგა,  
 მიაკითხა მერე ჭადარს,  
 შიშმა ყველა შეაწუხა —  
 გულადიც და ჯაბანიცა,  
 ვერ შეჰპედა მხოლოდ მუხას  
 და შორიდან თაყვანი სცა.



მორეკორდასპონდენტთა ჟურნალი № 8

**პრობა —  
უდიდესი  
სიძველე**

პაპაჩემი ანდრო ნიკოლაძე ჯერ კიდევ საშუალო სკოლაში სწავლისას დაეუფლა მეფუტკრეობას და ოთხი წლის მანძილზე, სწავლასთან ერთად, მეფუტკრედ მუშაობდა ლენინგორის საბჭოთა მეურნეობაში.

სკოლა მან ქების სიგელით დაამთავრა, სამედიცინო ინსტიტუტში შევიდა და 1942 წელს, დიპლომი მიიღო თუ არა, მოხალისედ წავიდა ომში. 1946 წლის დასაწყისში სამხედრო ექიმი, კაპიტანი ანდრო ნიკოლაძე ჯილდოებით მკერდლამშვანებული დაბრუნდა სამშობლოში.

პაპას არ დაუსვენია, მაშინვე სოფელს მიაშურა, სადაც ძალზე სჭირდებოდათ ექიმი. სოფელში მან შვიდი წელი დაჰყო. აქვე გაიხსენა ძველი ხელობა — მეფუტკრეობა და მთელ თავისუფალ დროს ფუტკრებთან ფუსფუსში ატარებდა.

ანდრო პაპამ მეც შემეყვარა ეს საოცრად გამრჯე, „ჭკვიანი“ მწერები. პაპა ხომ თავად ძალზე შრომისმოყვარე კაცია და, როგორც ჩანს, ფუტკრებთან „სულეირ ნათესაობას“ გრძნობს. ყოველთვის მეუბნება: აი, ყოველმა ადამიანმა ასე თავგამოდებით რომ იშრომოს, დედამიწაზე ყველაფერი რიგზე იქნებაო: როგორც კონსტანტინე გამსახურდიამ თქვა, „შრომა უდიდესი სიქველე ამ ქვეყნად“ და ვისაც შრომა უყვარს, ის ცხოვრების გზაზე მუდამ ამყად წელგამართლი ივლისო...

პაპამ მასწავლა ფუტკრების მოვლა, ჩამახედა მათ „ოჯახურ მეურნეობაში“, ვისწავლე მუშა, მამა და დედა ფუტკრების გარჩევა, შემიძლია ზეპირად დავახასიათო სკის მთავარი ფიგურა — დედა ფუტკარი: სიგრძე 20-25 მმ; ხორთუმის სიგრძე 3,2 მმ; წონა 280 მგ; დებს 1500—2000 ავერცხს, დედად ვარგა 2-3 წელი-

წადს, მერე კი უნდა შეიცვალოს... მეფუტკრეობის შესწავლაში მებრძობა ვალიყო მასწავლებელი, რომელიც შრომის გაკვეთილებს გვიტარებს. მისი ხელშეწყობით გავაკეთეთ ფუტკრების საკვებური, წავიკითხეთ საინტერესო წიგნები: ც. ლევანდოვსკაიას „პატარა ფუტკრის დიდი შრომა“, აპ. წულაძის „ფუტკარი და მეფუტკრეობა“, „დედა ფუტკრის ნაამბობი“ და სხვ. რა გზასაც უნდა დავადგე ცხოვრებაში, ანდრო პაპასავით ყოველთვის ვიმეგობრებ ფუტკრებთან, ამ შრომისმოყვარე, უწყინარ არსებებთან.

ანდრო არსენიშვილი,  
თბილისის მე-3 საშუალო  
სკოლა, VII კლასი.

**ს მ უ ე ლ ე ი**

საათის ტიკტიკი რად მინდა, მამალიც ჩამაწვდენს ხმებს. მზესთან ვარ, როდესაც სიზმარი ისევ სასთუმალთან თვლემს. ჩემი სიცოცხლეა ის წყარო, ფერხით რომ ჩაუდის მთებს, მათ მუხლზე ვნავარდობ შეველივით, მზე მვარცხნის სხივებით თმებს...

იან ხანიძა,  
ქ. ზუგდიდის მე-2 საშუალო  
სკოლა, VIII კლასი.

**მ ი ა წ ა ი ნ ლ ა**

საბნად გხურავს, მთაწმინდავ, დიდი, თეთრი ღრუბელი. ტატო, გალაკტიონი ჩაკრული გყავს უბეში.

როცა შენთან მოვდივარ, ვტკბები ლამაზ ბუნებით, მერე სახლში ვბრუნდები დაწმინდილი გუნებით.

**ი ს  
ს ა მ უ მ ბ ლ ღ ა  
ა ე ნ ი**

ვისაც რომ ლომი გაურბის, ის ხომ ძმა არის შენი; რაიც მდინარეს მოთოკავს, ის ხომ ძალაა შენი; რასაც მუდამ მზე დაჰნათის, ის სამშობლოა შენი.

გელა გელაშვილი,  
თბილისის 67-ე საშუალო  
სკოლა, IV კლასი.

ათი ათასი, ასი ათასი —  
დო, რე მი, ფა, სოლ, ლა, სი;  
შვიდი კოკა მზით აივსო  
ციხარტყელასი,  
ქოშუდ ამყვა ყვავილები, ნამი  
შევასვი  
იის, შროშნის, ვარდ-ენძელასი;  
დო, რე, მი, ფა, სოლ, ლა, სი...  
ცამ სიმღერის შუბლი გახსნა,  
დო, რე, მი, ფა, სოლ, ლა, სი,  
ყვავილების კაბა დაწნა,  
დო, რე, მი, ფა, სოლ, ლა, სი;  
მიწა და ცა, ვარსკვლავები  
საქართველოსი...  
შვიდი კოკა მზით აივსო  
ციხარტყელასი...  
...დო, რე, მი, ფა, სოლ, ლა, სი.

მანა კილაძე,  
მხარაძის რაიონის ძიმიტის  
საშუალო სკოლა, VI კლასი.

**უ ს ხ ი უ რ ი  
რ ე მ ი ო რ ი**

**ა ა ე ე ლ ი ი ი**

ფიზიკის მასწავლებელი კლასში დიდხანს საუბრობდა სიტბოსა და სიცოცხის კანონების შესახებ. როდესაც მან იკითხა, გასაგები იყო თუ არა ყველაფერი და მოსწავლეებისაგან დადებითი პასუხი მიიღო, კითხვების დასმა დაიწყო:

- ჯონ, რა ხდება გათბობის შედეგად?
- გათბობით სხეულები ფართოვდებიან, სერ.
- კარგი, გაცივების შედეგად რა ხდება, ტომ?
- გაცივებით სხეულები იკუმშებიან, სერ. — უბასუხა ტომმა.
- სწორია, ტომ.
- ახლა, — თქვა მასწავლებელმა — ვის შეუძლია მაგალითის მოყვანა?
- მე შემიძლია, სერ, — თქვა დიკმა. — ზამთარში, როცა ცივა, დღეები მოკლეა. მაგრამ ზაფხულში, როცა ცხელა, დღეები გრძელია.

ინგლისურიდან თარგმნა  
მონა ჯანაბრაშვილმა,  
რუსთავის მე-4 საშუალო სკოლა,  
IX კლასი.

თბილისის 184-ე საშუალო სკოლაში განსაკუთრებული გაცხებიითა და სიყვარულით სწავლობენ მშობლიურ ენასა და ლიტერატურას, სიყრმიდანვე ეწაფებიან ქართული მწერლობის მაცოდველებელ წყაროს. თვე არ გავა, რომ მოსწავლეებმა რომელიმე ქართული მწერალი არ ისტუმრონ.

ქართული ენისა და ლიტერატურის კაბინეტში სათუთად ინახება ამ შეხვედრების მასალები, ფოტოები, ჩანაწერები და ეს საუჩუქო წლიდან წლამდე მდიდრდება. საპატონო სტუმრებს მოსწავლეები თავიანთი შემოქმედების ნიმუშებს აცნობენ და მათ აზრსაც ისმენენ.

ასე გაჩნდა აზრი ხელნაწერი ლიტერატურული შურნალის დაარსებისა იმ კლასში, სადაც ყველაზე მეტი ნორჩი შემოქმედია თავმოყრილი — VI კლასში.

მოსწავლეებმა მზია კიწმარიშვილმა თავის მოსწავლეებს განზრახვა მოუწონა და... მალე დაინიშნა შურნალ „კვირების“ გზის დამოყვების დღე, რომელზეც მოსწავლეებმა თავიანთი უფროსი „კოლეგები“ — შურნალ „პიონერის“ თანამშრომლები მიიწვიეს.

შეხვედრაზე გადაწყდა: ამიერიდან 184-ე საშუალო სკოლის VI კლასის ლიტერატურული შურნალი „კვირების“ „პიონერის“ კოლექტიური კორესპონდენტი იქნება.

ამჯერად გთავაზობთ რამდენიმე ნაწარმოებს შურნალ „კვირებიდან“, რომლის რედაქტორია თეა გვასალია, ხოლო ლიტერატურული თანამშრომელი — VI კლასის ყველა მოსწავლე.



## კრუნი და პერიდი

მზიანი ამინდი იყო. ეზოში ბალახი ბიბინებდა. უშველებელი კაკლის ხე ამაცად გადასცქეროდა არემარეს. ეზოს ერთ კუთხეში პატარა ლეკვი მიწოლილიყო, მზეს ეფიცებოდა, თან ცნობისმოყვარეობით ათვალეირებდა ცაზე ღრუბლების თეთრ ქულებს.

სამზარეულოდან მოხუცი ქალი გამოვიდა, თან ქილით ხორბალი გამოიტანა და წიწილებს მოუხმბო.

ფუნჩულა წიწილები დედის გარშემო ფუსფუსებდნენ. კრუნი თავის პატარებს კენკვას ასწავლიდა, წიწილებიც გულდასმით უსმენდნენ და ხან რას ჩაუნისკარტებდნენ, ხან რას.

უცბად კრუნი მურია შენიშნა, რომელიც მათკენ მოიწვედა, კრუნი აიფოფრა, შვილებს მოუკრუხუნა და ისინი ფრთებქვეშ შეისვა, თან „საბრძოლველად“ მოემზადა.

მურია ნელა, აუჩქარებლად მიიწვედა წინ. მას სულაც არ ჰქონდა განზრახული კრუხთან ჩხუბი. უბრალოდ უნდოდა ენახა კრუნი და მისი პატარა წიწილები. ის ხომ სულ პატარა იყო, და სწორედ ამიტომ აინტერესებდა ყველაფერი. გაიმართა „სამკვდრო-სასიცოცხლო ბრძოლა“. კრუნი ერთი ჩაუნისკარტა მურიკელას, თავგზა აუბნია, ისედაც გზაბნეულს.

საცოდავმა ლეკვმა წკმუტუნი მორთო, იქაურობას გასცილდა და წინის გვერდით გაინაბა.

წიწილებს შეეცოდათ ლეკვი, გამოვიდნენ დედიკოს ფრთებიდან და მურიკასთან მივიდნენ. კრუხს ჯერ შეეშინდა, მაგრამ როცა დაინახა, ლეკვი მის პატარებს არაფერს უშავებდა, ძალიან გაუხარდა და თვითონაც მივიდა მურიკასთან.

ამ დღის შემდეგ მათი ჩხუბი აღარავის უნახავს. პირიქით, მურია კარგი მცველივით სულ გვერდით დაჰყვებოდა ეზოში მოფუსფუსე წიწილებს.

ლელა ბარნიძე

## წვიმის წვიმები

გაზაფხულის მზიანი დილა იდგა. ჩიტები საამურად ჰიკვიკებდნენ. პირბადრმა მზემ დედამიწას გულმკერდი გაუთბო. ძალიან ჩამოცხა. უცებ ამინდი შეიცვალა. ღრუბლებმა ერთად მოიყარეს თავი და წამოვიდა გაზაფხულის უუფუნა წვიმა. მზე პირს იბანსო, გაუხარდათ ჩიტუნებს. დედამიწამ თითქოს შვება იგრძნო, ამოისუნთქა. ბოლოს წვიმამ გადაიღო და ღრუბლებიდან ცხრათვალა მზემ ისევ გამოანათა. ტყის განაპირას ერთი უშნო რცხილა იდგა, მუდამ თავჩაჩინდრული, თითქოს ეშინია გამვლელი არ შეაშინოსო. დღეს რცხილას კი ლამის ზეცისთვის ეხალა თავი. ის დამქვანარ ფოთლებზე ჩარგალიტებივით ბრწყინავდა ცვარი. მაგრამ ეს სიხარული ხანმოკლე აღმოჩნდა. წვეთებს მალე მოსწყინდათ უქმად ყოფნა და ერთმა თქვა:

— ძმებო, აქ ყოფნა ხეირს არ დაგვავრის. გავიაროთ, ვნახოთ ქვეყანა!

წვიმის წვეთებმა ერთხმად მისცეს თანხმობის ნიშანი, მხოლოდ ერთი პრანჭია წვეთი იდგა ამხანაგებისაგან განმარტოებით და თავისი სილამაზით ტკბებოდა.

რიგრიგობით ჩაგორდნენ ძირს ანცი წვეთები, ნაკადულს შეუერთდნენ და ბოლოს მოგზაურობა ზღვაში დაასრულეს.

პრანჭია წვეთს კი მოსწყინდა მარტოდ ყოფნა და ჩაიძინა, მძინარეს მზის სხივი მოხვდა და აორთქლდა. ახლა კი უნდა უცადოს წვიმას, რომ ახალი ცხოვრება დაიწყოს.

თამარ შანიძე

## ვინ გვაძლევს რძეს?

პატარა რომ ვიყავი, დედამ სურათებიანი წიგნი მომიტანა, რომელშიც ძროხა ეხატა. იგი მწვანე ბალახს ძოვდა.

— ეს ძროხაა, — ამიხსნა დედამ. — ძროხა გვაძლევს რძეს.

სხვა სურათებიც დავათვალიერეთ. შემდეგ დედამ ისევ იმ გვერდზე გადაშალა წიგნი, რომელზეც ძროხა ეხატა და მკითხა:

— რა არის ეს?

— მუუ! — ვუპასუხე მე.

— სწორია, — შემაქო დედამ, რომელმაც, რა თქმა უნდა, გაიგო, მე რასაც ვგულისხმობდი ამ სიტყვებში.

— ვინ გვაძლევს რძეს?

— მა-მა — დაუყოვნებლივ ვუპასუხე ღრმად დარწმუნებულმა ჩემს სიმართლეში, რადგან ვხედავდი, ყოველ დილით რძე მამიკოს მოჰქონდა და უმადურობაც კი იქნებოდა ამის დავიწყება.

თეა გვასალია

## მ ა ზ ა უ ს ე უ ლ ი

ბუნებამ ფერი იცვალა ჩიტებმა ინყეს ფრენაო, კლდეზე ჩანჩქერი გადმოქუხს. მზემ გააცოცხლა ყველაო.

თოვლი დამდნარა მთაზედა, ბარში ადიდდა მდინარე, ტყეში გაისმა გალობა, მზე ამოვიდა ბრწყინვალე.

იებმა გამოიღვიძეს, ენძელამ ინყო ლხენაო, სურნელს აფრქვევენ ყველანი, საამური დღე დგებაო.

6. ჩინლაძე

# კლავდია დევდარიანი

დაბადების  
70  
წლისთავი

დედ-მამა, და-ძმა, ბებია და ბაბუა! ცხოვრობ ამ უახლოეს ადამიანებთან და ბედნიერი ხარ. რამდენი საალერსო სიტყვა და სახელი გესმის, რამდენი მოსიყვარულე ადამიანი ზრუნავს შენზე, რამდენს სტკივა შენი ტკივილი და უხარია შენი სიხარული — ალაღად, გულწრფელად! მაგრამ მიღის დრო და მიდიან ეს ძვირფასი, მზრუნველი ადამიანებიც. მერე რა, რომ შენ უკვე ხანდაზმული ხარ. ძვირფასი ადამიანების ზრუნვა ისევ ძველებურად გჭირდება, მათი ერთი მანუგეშებელი სიტყვაც კი მთელ სიცოცხლედ გიღირს...

ქუჩაში მიმავალი ნაცნობმა ხმამ შემაჩერა.

„ისე ჩამიარე, ჩემო გოგო, ვერც კი შემამჩნიე“, — მომამახა კლავდია დევდარიანმა.

„მაპატიეთ“, — მივედი და გადავხვიე. ისე თბილად, დედაშვილურად ჩამიკრა გულში, მიხვდოდა, მისთვის ისევ „გოგო“ ვიყავი და გული ამიჩუქდა, მაგრამ შევეცადე, არ შეემჩნია.

„როგორა ხარ, რაღაც ფერმკრთალი მეჩვენები, გული ხომ აღარ გაწუხებს?“ — შუბლი შეიკრა და მზრუნველი თვალით ჩამაცქერდა.

ნათელი, აღერსით სავსე თვლები, მოსიყვარულე გული აქვს კლავდია დევდარიანს, მისი სიღარბისლდე და ადამიანებთან დედაშვილური დამოკიდებულება, საოცრად ახლობელს ხდის ყველასთვის.

კლავდია დევდარიანის მამისეულ ოჯახში ოთხი ბებია და ოთხი ბაბუა ცხოვრობდა თურმე თავ-თავისი მონაგართ. ეს გვერდასავლელი ამბავი როდია, აი, სად დევს სიკეთის სათავე. შემთხვევით არაფერი ხდება ამ ქვეყნად, არც მოსიყვარულე გული ჩნდება შემთხვევით.

საჭირო, კარგი წიგნებიც ადამიანით იბადებიან, ისინიც ტკივილის, ბრძოლებისა და სიყვარულის პირმშოები არიან. ამიტომ მუდამ მოკრძალებით და ფრთხილად უნდა ვილაპარაკოთ წიგნებზე, როგორც კარგ ადამიანებზე.

ძნელია, ერთი ხელის მოხმით სწორად შეაფასო ამდენი წლის ნამუშევარი, რასაც კლავდია დევდა-

რიანის წიგნები ჰქვია: „ნიას ქოჩორა“, „გია“, „სიცოცხლე და უკვდავება“, რომელიც ჩვენი დიდი პედაგოგისა და მოაზროვნის, „დედა ენის“ ავტორის იაკობ გოგებაშვილის ცხო-



ვრებას აღწერს, „სიჭაბუკე პოეტისა“ — ნიკოლოზ ბარათაშვილის რომანტიკულ და ტრაგიზმით სავსე ცხოვრებაზე.

კლავდია დევდარიანს ეკუთვნის სცენარები კინოფილმებისა — „შოთა რუსთაველი“, „ნიკოლოზ ბარათაშვილი“, „გალაკტიონ ტაბიძე“ და პიესა (რომელიც წარმატებით დადგა ქართულმა მოზარდ მაყურებელმა თეატრმა), „ჩვენ ვფიქრობთ ბარათაშვილზე“.

„გულო“ — კლავდია დევდარიანის ეს ფსიქოლოგიური მოთხრობა — ჭეშმარიტად პოეტური ნაწარმოებია. სიმბოლურია ამ მოთხრობის გმირის, გულოს სახელი — კეთილი, გულისხმიერი, გულწრფელია მოთხრობის გმირი.

სულ პატარა გოგონა გულო, ცხოვრების მრავალ უკუღმართობას, ადამიანების ეგოიზმსა და გულგრი-

ლობას ჭერ კიდევ სიცოცხლის დასაწყისში ხვდება.

მოთხრობის ერთი ძლიერი ხაზი — ქალური, ზნეობრივი სიმკაცრეა. გულოს დედა ძალზე სათნო, გონიერი, განათლებული და მოსიყვარულე ადამიანია. იგი აღმერთებს ქმარ-შვილს, სამაგიეროდ კი გულგრილობასა და ლალატს მიიღებს. ქმრის ორგულობით გაოგნებული ქალი ტოვებს უმწეო შვილებს და უგზო-უკვლოდ იკარგება. ქეთევანის განდგომას მკითხველი თვითმკვლელობაზე უფრო მწვავედ აღიქვამს. დედამამის გაუმართლებელი საქციელით ბავშვები იჩაგრებიან. პატარა გოგი დედის ნატვრაში იღუპება, ოჯახი გულოს საზრუნავი რჩება.

გულო თუმცა ახალგაზრდაა, მაგრამ ადამიანური ინსტინქტი და სამართლიანობის გრძნობა აკეთებინებს მრავალ უადრესად კეთილშობილურ, ძნელ საქმეს.

კლავდია დევდარიანის ყველა ნაწარმოები მნიშვნელოვანი და საჭიროა, მაგრამ განსაკუთრებით აღსანიშნავია „უკვდავება“, რომელიც ვახუშტი ბატონიშვილის ნაყოფიერ ცხოვრებასა და მოღვაწეობას აღწერს. რომანი ალბათ მალე გამოვა და ჩვენი ახალგაზრდობის ერთ-ერთი საყვარელი წიგნი გახდება.


მწერალი, ლიტერატურულ მოღვაწეობასთან ერთად, მთელი სიცოცხლე მეტად საპატიო საზოგადოებრივ საქმიანობას ეწეოდა. წლების მანძილზე განათლების სამინისტროში აქტიურად მონაწილეობდა ქართული ლიტერატურის სახელმძღვანელოების შექმნასა და რედაქტირებაში.

იგი დღესაც მწერალთა კავშირის საბავშვო და ახალგაზრდობის ლიტერატურის სექციის თავმჯდომარის მოადგილეა.

ჩვენს საყვარელ მწერალსა და მეგობარს, კლავდია დევდარიანს, სამოცდაათი წელი შეუსრულდა. მივულოცოთ, ვუსურვოთ ხანგრძლივი, ნაყოფიერი, ბედნიერი სიცოცხლე, ტკბილი მოხუცებულობა, ჯანმრთელობა და წარმატებები თავის საყვარელ საქმიანობაში.

დოდო ვადაშკორია





თუ გინდა რადიოსაორბულ უწყობრა-  
გაზი გაიგარჯვო, ღრაბ ცოლნასთან ერ-  
თაღ, ნაზისუფრისა და ურადღაღის კონ-  
ცანტრირების უნარიც უნდა გკონდახ.  
გაზინ წარმატება გარანტირებულია.

# უკლ

მირონ  
ხარბიანი

# მსუქვკლთა მრლკუქრენი

წუთით წარმოვიდგინოთ ცის კა-  
ბალონი უთვითმფრინავებოდ, ჩვენი  
ქვეყნის უკიდვეგანო სივრცეები უმა-  
ტარებლებოდ, ზღვები და ოკეანეე-  
ბი — უგემებოდ, კოსმოსური სივრ-  
ცეები — უთანამგზავრებოდ, სახლი  
უტელევიზოროდ, ანდა საღამოო-  
ბით ელექტროდენის ნაცვლად კვა-  
რის შუქით გაციაგებული ჩვენი სა-  
ცხოვრისები (შემთხვევით რომ გა-  
მორთულა სინათლე, რა საგონებ-  
ელში ჩავვარდნილვართ ხოლმე)...

მართლაც თანამედროვე ადამიანი-  
სათვის ძნელი წარმოსადგენია ეს:  
კიდევ ერთი მაგალითი მოვიყვანოთ  
— ზაფხულის არდადეგებზე ზღვა-  
ზე დასვენება გადავწყვიტეთ, მატა-  
რებელი, მანქანა თუ თვითმფრინავი  
არა გვყავს და წინაპრებვით ცხენ-  
ზე უნდა ავმხედრდეთ, ან ურემი გა-  
ვამზადოთ — ხარები შევუბათ... ჰო-  
და, ვიდრე ზღვაზე ჩავალწევდეთ,  
არდადეგების ნახევარი უკან მოგვ-  
რჩება კიდევც... ახლა წამოსვლა? იმ  
ცხენ-ურმის დაბინავება და მოვლა-

პატრონობა? რა დასვენება გამოგვი-  
ვიდოდა? წარმოვიდგინოთ კიდევ  
ათასი სხვა სიკეთე, რომელიც თა-  
ნამედროვე ტექნიკურმა რევოლუ-  
ციამ მოუტანა საზოგადოებას და  
ჩვენთვის კიდევ უფრო ნათელი შეი-

ქმნება. თუ როგორა ვართ დავალო-  
ბულნი მისი მადლისაგან, კლდე ქვეშ  
თხელ აღვივებით იმ ადამიანების  
დმი პატივისცემით, რომლებმაც  
დაულალავი შრომის ფასად გვარგუ-  
ნეს ეს უზღვავი სიამოვნება...


ვინ არიან ეს ადამიანები? კომენ-  
ტარს არ საჭიროებს მრავალი მათგა-  
ნის გვარი — ციოლკოვსკი, მენდ-  
ლევი, ლომონოსოვი, კოროლიოვი,  
მუსხელიშვილი, ვეკუა და სხვანი და  
სხვანი ჩვენშიაც და საზღვარგარე-  
თაც; ახლა ისინი, ვინც დღეს კოს-  
მოსური ხომალდების სამართავ პუ-  
ლტებთან დგანან, აგებენ თანამგზა-  
ვრებს, ქმნიან ახალ თეორიებს, სა-  
მოძალო სიტყვას ამბობენ მეცნიე-  
რების სხვადასხვა დარგში... დიახ,  
ასეთები მრავლად არიან. მაგრამ ამ-  
ჯერად ჩვენ საუბარი გვექნება ტექ-  
ნიკური დარგის ყველაზე ნორჩ წა-  
რმომადგენლებზე, მათზე, ვინაც ამ  
სახელოვან მეცნიერთა ნაკვალევზე  
პირველი გაუბედავი, მაგრამ სწრაფ-  
ვით აღსავეგ ნაბიჯი შედგა... ვესტუ-  
მროთ თბილისის ნორჩ ტექნიკოსთა  
ცენტრალურ სადგურს, რესპუბლი-  
კაში ტექნიკური კადრების სამჭე-  
დლოს...

**ამონაწერი ნორჩ ტექნიკოსთა სა-  
დგურის ისტორიიდან:**

„ნორჩ ტექნიკოსთა სადგური და-  
რსდა 1929 წელს. ეს იყო პირველი  
საბავშვო დაწესებულება არა მარ-  
ტო ქალაქ თბილისში, არამედ მთელს  
რესპუბლიკაში. სადგურთან პირვე-  
ლად ჩამოყალიბებულ სადგურგო,  
ავიასამოდელო და ფოტომოყვარუ-  
ლთა წრეებში გაერთიანებული იყო  
მხოლოდ 38 მოსწავლე...

მაღე საქართველოს ქალაქებსა და  
მსხვილი რაიონების ცენტრებში  
შეიქმნა ნორჩ ტექნიკოსთა ახალი  
სადგურები — მათმა რაოდენობამ  
1939 წლისათვის 22-ს მიაღწია.

1959 წლის სექტემბერში ნორჩ  
ტექნიკოსთა სადგური რესპუბლი-



ეს ფოტურ კატარღათა მოღელავი გაცლავთ.

კური მნიშვნელობის სკოლისგარეშე დაწესებულებად იქცა. დღეისათვის მის 12 ლაბორატორიასა და კაბინეტში მუშაობს 100-მდე სხვადასხვა ექსპერიმენტული, სამეცნიერო-ტექნიკური წრე, რომლებშიც გაერთიანებულია ქალაქ თბილისის სკოლების 1500-მდე მოსწავლე...“

სადგურის დანიშნულებაზე გვესაუბრება მისი დირექტორი **გიორგი ებიტაშვილი**:

„წლების განმავლობაში საქართველო აგრარულ რესპუბლიკად ითვლებოდა. წამყვანი დარგი ჩვენში სოფლის მეურნეობა იყო. მაგრამ ტექნიკურმა პროგრესმა თავისი კორექტივები შეიტანა ცხოვრებაში — საქართველო მოწინავე ინდუსტრიული რესპუბლიკა გახდა. რესპუბლიკაში შეიქმნა ისეთი მიღწერი საწარმოო კერები, როგორიც არის რუსთავეის მეტალურგიული ქარხანა, ქუთაისის საავტომობილო ქარხანა, ელმავალმშენებელი და ბევრი სხვა საწარმო, სადაც ათასობით ტექნიკური დარგის სპეციალისტია დასაქმებული. ყოველივე ამან, ბუნებრივია, გაზარდა მოთხოვნილება ამ დარგის კადრებზე. ალბათ უკვე გასაგებია, თუ რატომ არის, რომ ზემდგომი ორგანოები დიდ ყურადღებას აქცევენ ჩვენი სადგურის საქმიანობას, რის წყალობითაც საქმიანობის ყველა მიმართულებით კოლოსალურ მასშტაბებს მივალწვიეთ. ჩვენს საგამოფენო დარბაზში ნაჩვენებია დიავგრამა, რომელზეც ზრდის მაჩვენებელი ისარი რიცხვებს 38-სა და 40000 აერთიანებს, ეს ნიშნავს, რომ ამ ორმოცდაათი წლის მანძილზე ნორჩ ტექნიკოსთა კონტიგენტი 38-დან 40000-მდე გაიზარდა!“ ასეთია ციფრობრივი მაჩვენებელი; მაგრამ უკეთ რომ გავიკვლით სადგურის საქმიანობაში, შევიხედოთ მის ლაბორატორიებსა და კაბინეტებში, გავესაუბროთ აქ მოფუთფუთე ნორჩ ქიმიკოსებს, ფიზიკოსებს, ავია და გემთმოდელისტებს, ელექტრონული ავტომატიკის „სპეციალისტებს“, რაკეტული მოდელირების წრის წევ-

რებს, ნორჩ კოსმონავტებს, ავიაკონსტრუქტორებს, რადიოკონსტრუქტორებს, ფოტომოყვარულებსა და სხვებს...

ეთხოვით მათ, გვიამბონ თავიანთ გატაცებაზე, მიღწევებზე, მომავლის გეგმებსა.

**ლარისა აბულაძე** — თბილისის მე-16 საშ. სკოლის VI კლასის მოსწავლე, რადიომოყვარულთა წრის წევრი:

— მახსოვს, რა გულისფანცქალით ველოდი ჩემს მიერ შესრულებული დავალებების შეფასებას. შეფასება, ისევე, როგორც სკოლაში, აქაც ხუთბალიანია. ბოლოს და ბოლოს, გამიმართლა და საწევრო წიგნაკიც მივიღე.

— რას გვეტყვიოთ თქვენს ტექნიკით გატაცებაზე, სამომავლო გეგმებზე?

— მე მგონია ყოველგვარი გატაცება შინაგან თვისებად იქცევა ადამიანისათვის, დაახლოებით ისეთ გრძნობად, როგორიც არის მშობლების სიყვარული, უფროსის პატივისცემა, მამულიშვილობა და სხვა. მართალია ჩვენი გატაცება შეძენილია, მაგრამ იმდენად ახლობელია, რომ ჩვენგან ყოველდღიურ, ასე ვთქვათ, სასიამოვნო „ხარკს“ ითხოვს. ამბიულვებელია: ის წუთები, როცა ეთერში გაგზავნილ ინფორმაციას დამიდასტურებენ ხოლმე. მსოფლიოს რომელი ქვეყნიდან არ მოგვდის საპასუხო ბარათები. ნახეთ ჩვენი კარტოთეკა და დარწმუნდებით, რა ცხოველ საქმიანობას ეწევა ჩვენი კაბინეტი. საპასუხო ბარათები გაფორმების თვალსაზრისით ერთმანეთისაგან მეტად განსხვავებულია. ჩვენ ერთმანეთს ვეკიბრებით, ვის უფრო ლამაზ ბარათს გამოუგზავნიან... სამომავლო გეგმებზე ის შემიძლია ვთქვა, რომ სერიოზული ჩანაფიქრები მაქვს და თუ იქაც ბედმა გამიღიმა...

**კობა ბურნაძე** — ცხინვალის პირველი საშუალო სკოლის VIII კლასის მოსწავლე, რესპუბლიკურ კონკურსში — „ნორჩი ნატურალისტები — სამშობლოს“ გამარჯვებული:



ეს მინიატურმოგილი გავზრდა ქალაქავითვისსაა განაუთვნილი, მანქანის საჰან მისი ერთ-ერთი ავტორი გია ინჯია უჩის, მანქანა ერთად ამ მოდელის შექმნა მუშაობდნენ დათო მებონიძე, გია და მამუა რუხვაგი, სოსო ხაჩაბურიანი, დათო ტაბაბაძე (ხელმძღვანელი — ნ. ინჯია).

— ასეთი კონკურსები ყოველწლიურად ტარდება. ჩემმა ელექტრომაგნიტური დამხარისხებელი მანქანის მოქმედება მოდელმა საყოველთაო ინტერესი გამოიწვია. აქამდე ასეთი მანქანა არავის წარმოუდგენია კონკურსზე და ამიტომ, ბუნებრივია, ტექნიკურ მონაცემებთან ერთად სიახლის ფაქტორმაც გარკვეული როლი ითამაშა მის შეფასებაში. ამჟამად ეს მოდელი საგამოფენო დარბაზშია ექსპონირებული...

— რაში მდგომარეობს თქვენი მოდელის მთავარი ღირებულება?

— ჩემს მანქანას შეუძლია დაახარისხოს ახლად მოწვეული სასოფლო-სამეურნეო და ბაღჩეული კულტურების მოსავალი. აქამდე ხილის, კარტოფილის, პამიდურის, მანდარინისა და სხვა კულტურების დახარისხება უმთავრესად ხელით ხდებოდა, ანდა ქარხანაში უამრავი მუშახელი სჭირდებოდა, ახლა კი შეიძლება ადვილობრივად, მინდორშივე ჩატარდეს ეს ოპერაციები. მანქანას სამი განყოფილება აქვს, ესე იგი, შეუძლია მოგვეცეს მაგალითად, კიტრის, კარ-



ნორჩ ბაქნიკოსთა ცენტრალური სადგურის (ნტს) საგამოფენო დარბაზში გავრი სინებარასო, თვალწარბატი ეხსოვნება.

ტოფილის თუ მანდარინის სამი ხარისხი...

საგამოფენო დარბაზს ამშვენებს ასევე ქუთაისის 31-ე საშ. სკოლის მოსწავლეების ჭაბუკ ბაბუნაშვილისა და რომან ჯაფარიძის მსუბუქი ავტომანქანის შესანიშნავი მოდელი, მოქმედი თვითმფრინავების მოდელები, ნაბიჯშობი აპარატის მოდელი, დაბალი სიხშირის გამაძლიერებელი ხელსაწყო, დენის გარდამქმნელი, ამიაკის მისაღები კომბინირებული ხელსაწყო, ნავთის შორ მანძილზე გადამტუმბავი ხელსაწყო და მრავალი სხვა. ეს მოდელები იმდენად ორიგინალურნი და საინტერესონი არიან, იმდენად მოხერხებულნი, კომპაქტურნი და მარტივნი, რომ მათი წარმოებაში დანერგვა დღესვე შესაძლებელია... მრავალი ხელსაწყო-იარაღი, რომელთა დეფიციტსაც განიცდიან სკოლების ტექნიკური დარგების კაბინეტები, ბავშვების ხელით არის დამზადებული...

— უთუოდ ჯილდოებიც ექნება თქვენს სადგურს? — ვკითხე სადგურის დირექტორს.

— ბევრი, მაგრამ ამჯერად მხო-

ნტს-ის საავიამოდელო ლაზორატორია. ლაზორატორიის გაგება რ. შიშაკოვი პლანერის დატალპის და ნიუშულაზას უსხნის დაფუძვბა მემოდე-ლიეზას.

ლოდ უმნიშვნელოვანესებზე მოგახსენებთ, — სადგური დაჯილდოებულია სახალხო მეურნეობის მიღწევათა გამოფენის კომიტეტის პირველი ხარისხის საპატიო დიპლომით, თექვსმეტჯერ არის დაჯილდოებული პირველი ხარისხის დიპლომით, სამჯერ მეორე ხარისხისა და სამჯერაც მესამე ხარისხის დიპლომით, ავტომანქანითა და სტაციონალური კინოდანადგარით. ოთხი წრის ხელმძღვანელს აქვს მიღებული თქვრის მედელები, შვიდასამდე ნორჩ ტექნიკოსს — „სახალხო მეურნეობის მიღწევათა გამოფენის ნორჩი მონაწილის“ მედელები, ფულადი პრემიები. სსრ კავშირის კომუნისტური პარტიის ცენტრალურმა კომიტეტმა, უმაღლესი საბჭოს პრეზიდიუმმა და საკავშირო პროფსაბჭომ ნორჩ ტექნიკოსთა ცენტრალური სადგური დაჯილდოვეს ლენინის საიუბილეო საპატიო სიგელით...

ჩვენი სადგურის ნორჩი ტექნიკოსები მსოფლიო მასშტაბის ღონისძიებებშიც მონაწილეობენ. ამასწინათ, მონაწილეობა მივიღეთ ამერიკაში ჩატარებულ საბჭოთა ბავშვების ტექნიკური შემოქმედების გამოფენაში და წარმატებაც გვქონდა. მაღალი ჯილდოები დავიმსახურეთ ჰოლანდიაში, გერმანიის ფედერაციულ რესპუბლიკასა და იაპონიაში გამართულ გამოფენებში...

შარშან გამარჯვებულნი გამოვედით სკოლისგარეშე დაწესებულებათა საკავშირო დათვალეიერებაში და ფულადი პრემიაც მივიღეთ.

ტექნიკურ დარგებს შორის ყველაზე ლამაზი და რომანტიკული სახეობა ავიამოდელოზმიაო, ასე ამბობენ „მფრინავი ხალიჩების“ შემოქმედი ნორჩები. მართალია, კაცობრიობის უძველესი ოცნება სივრცეთა შეჯერებისა უკვე ახდენილია, მაგრამ ჯერ კიდევ რამდენი საიდუმლოა გამოუმხეურებელი, რამდენი შესაძლებლობა იმალება მიღწეულს მიღმა! ადამიანის ცნობისმოყვარეობა კი ლოკატორივით არის მიმართული სიახლეებისაკენ. როგორც ლაინერები სერავენ ცის ლაქვარდებს

და უკან იტოვებენ ხოლმე უკვდავნი სივრცეებს, ასევე დადგინდა გონებაც ისწრაფვის, ახალი და ახალი საიდუმლოებანი ამოხსნას და ხალხის სამსახურში ჩააყენოს... ნორჩი ტექნიკოსებიც გრძობენ, თუ რა უმნიშვნელოვანი და საპატიო მისია აკისრიათ და ამიტომაც ბუნებრივია მათი აღტკინება სასტარტო მოედანზე; მშვენიერი დასანახავი არიან ისინი, ყელმოღერილი და თვალბანთებული რომ გასცქერიან ჰაერში მიმქროლავ საკუთარ ნაოცნებარს... ალბათ უზღვავია ამ წუთებში მათი ბედნიერება, მზესავით არის გაკაშკაშებული მათი გონსაწიერი — ოცნება ასრულია — ლაინერი სივრცეებს შეეჭიდა!... და მართლაც, დღეს თუ არა, ხვალ ხომ ყოველივე რეალობად იქცევა. არც ერთი ავიაკონსტრუქტორი არ ჩამოფრენილა ციდან, ყველამ ეს გზა გაიარა — გზა დამოუკიდებელი მუშაობისა, წვალებისა, შრომისა, ფიქრისა...

ოთიაშვილი კახა, თბილისის 142-ე საშ. სკოლის IX კლასის მოსწავლე — ავიამოდელისტი:



— ოცნება, მთვარე, ცა, ვარსკვლავები განუყოფელი ცნებებია. ცამ და ვარსკვლავებმა თვითმფრინავები შემაყვარა. მოვედი აქ, სადგურში და მჯერა, რომ გამოცდილი ხელმძღვანელების დახმარებით ბევრ რამეს მივალწვე. პირველი გაფრენები და გამარჯვებები მხოლოდ დასაწყისია... და როგორც ერთ სიმღერაშია ნათქვამი — „ცოცხველა წყართი იწყება ამ ქვეყნად ყველა დიდი მდინარეო...“ ჩვენი სურვილია, დიდი ავიაციაც ამ ჩვენი ჯერ კიდევ გაუბედავი, მაგრამ მოწადინებული ნაბიჯებით დაიწყოს...

ზურგის ქარი ვუსურვოთ საქართველოს ნორჩ ტექნიკოსთა 40-ათასიან არმიას თავის სამომავლო ლაშქრობებში.

ფოტო ს. ვართანასოვისა

მოხდენილი პარავანოვით მოფრენა ბა დამისახუბრა საშვავრო სომალ „სულაპის“ მოდელა, რომელიც ბათუმელმა ბავშვებმა წარმოადგინეს.

16417



იაპ-40 რაქაბიული თვითმფრინავის მოდეალი — სოხუველ ნორჩ ბჟანი-40სთა ნაშუშავარი.



ამჟამად ბევრ კაპიტალისტურ ქვეყანაში მუშაობს ბავშვთა პიონერული და დემოკრატიული ორგანიზაციები.

ევროპის ქვეყნებში ეს არის: „იუნგე ვარდ“ (ავსტრია), ბელგიის პიონერთა კავშირი, იტალიის პიონერთა ასოციაცია, ნორვეგიის „ნორჩ პიონერთა“ კავშირი, ფინეთის პიონერთა დემოკრატიული კავშირი, ორგანიზაცია „საფრანგეთის პიონერები“, ბერლინის თავისუფალი გერმანელი ახალგაზრდობის კავშირების პიონერული ორგანიზაცია, ა. შ. შ. პიონერული ორგანიზაცია და სხვა. ევროპის კაპიტალისტური ქვეყნების ბავშვთა პიონერული და დემოკრატიული ორგანიზაციებისათვის ბოლო წლები იყო იდეურ-პოლიტიკური და ორგანიზაციული განმტკიცების წლები, ბავშვებზე და მოზარდებზე მათი გავლენის გაძლიერების, მათი ავტორიტეტის ამაღლების წლები. ევროპის მთელი რიგი ქვეყნების ბავშვთა დემოკრატიული ორგანიზაციებმა მნიშვნელოვანი ცვლილებები შეიტანეს თავიანთ პროგრამებსა და წესდებებში. უფრო ზუსტად, კონკრეტულად გამოკვეთეს მიზნები და ამოცანები მოზარდი თაობის აღზრდის საქმეში.

ევროპის ქვეყნების ბავშვთა პიონერული და დემოკრატიული ორგანიზაციები აქტიურად მონაწილეობენ კომუნისტური და მუშათა პარტიების ბრძოლაში სასკოლო განათლების დემოკრატიზაციისათვის, ბავშვებთან სკოლის გარეშე მუშაობის პირობების შექმნისათვის. (სპორტული და სათამაშო მოედნების, საცხოვრებელ მასივებში კლუბებისა და ბავშვთა ოთახების მშენებლობა და მოწყობა. ბავშვებისათვის სახელმწიფოს გამგებლობაში მყოფი სტადიონებით, პარკებით, კლუბებით და სხვა კულტურული ობიექტებით უფასოდ სარგებლობის უფლების მოპოვება და სხვ.).

ბავშვთა და მოზარდთა პიონერული და დემოკრატიული ორგანიზაციები აქტიურად იბრძვიან იმ ლიტერატურის გამოცემისა და გავრცელების, იმ ფილმებისა და ტელეგადაცემების წინააღმდეგ, რომლებიც მავნედ მოქმედებენ მოზარდი თაობის აღზრდაზე. ამ მიზნით ისინი წიგნის მაღაზიების და კინოთეატრების წინ აყენებენ პიონერულ პიკეტებს, რომლებიც მოუწოდებენ დიდებსა და პატარებს არ იყიდონ ასეთი წიგნები და ბოიკოტი გამოუცხადონ კინოფილმებს, რომლებიც ეწევიან სისასტიკის, მკვლელობისა და სექსის პროპაგანდას; გამოდიან ქუჩებში პლაკატებით, მოუწოდებენ უფროსებს დაიცვან მოზარდები იმპერიალისტური პროპაგანდის მასობრივი საშუალებებისაგან, რომლებიც ამახინჯებენ ბავშვის სულს.

იტალიისა და სხვა ქვეყნების პიონერები არაერთხელ ყოფილან არასრულწლოვანთა ექსპლოატაციის წინააღმდეგ, ბავშვთა შრომის, როგორც ყველაზე იაფი მუშახელის გამოყენების წინააღმდეგ მიმართული საპრო-

ტესტო მიტინგებისა და დემონსტრაციების ინიციატორები.

კაპიტალისტური ქვეყნების ბავშვთა პიონერული და დემოკრატიული ორგანიზაციები მიზნად ისახავენ მოზარდთა აღზრდას სოციალიზმის იდეების, პროლეტარული ინტერნაციონალიზმის, პარტიოტიზმის, ჰუმანიზმის, მეგობრობის სულიკვეთებით; მოზარდებში საზოგადოებრივი აქტიურობის ფორმირებას მშვიდობის, დემოკრატიისა და სოციალური პროგრესისათვის მათი ქვეყნის მშრომელებისა და პროგრესული ძალების ბრძოლაში ჩართვის მეშვეობით.

ბავშვთა ეს ორგანიზაციები ეყრდნობიან ახალგაზრდულ, ქალთა, პროფკავშირული და სხვა პროგრესული ორგანიზაციების და გაერთიანებების მხარდაჭერას. რაზემე და ჯგუფები უაღიბდება ბავშვების საცხოვრებელი ადგილების მიხედვით; მათ სამუშაო ადგილებს, ჩვეულებრივად, კომუნისტური და მუშათა პარტიები აძლევენ. ამ ორგანიზაციის ჯგუფებისა და რაზემების მუშაობასაც პერიოდულად კომუნისტური და მუშათა პარტიების პრესა აშუქებს.

ბავშვთა ორგანიზაციების საარსებო სახსრების ნაწილია თანხა, რომელსაც ბავშვები გამოიმუშავენ მკაულატურის, ჯართის ჩაბარებით, ფასიანი კონცერტების მოწყობით, ნაწილი კი კომუნისტური და სხვა პროგრესული საზოგადოებრივი ორგანიზაციების მიერ გაღებული თანხა.

სახელმწიფო ზოგადსაგანმანათლებლო სკოლებში. მით უმეტეს, კერძო სკოლებში ოფიციალურად აკრძალულია, პიონერული და სხვა დემოკრატიული ბავშვთა ორგანიზაციები. ამ სკოლებში მოსწავლეთა შორის სასწავლო-აღმზრდელობითი მუშაობა წარმოებს ბურჟუაზიული საზოგადოების იდეოლოგიის შესაბამისად.

ამრიგად, კაპიტალისტური წყობილების პირობებში, პიონერული და ბავშვთა დემოკრატიული ორგანიზაციები ვითარდებიან აღზრდის ბურჟუაზიულ სისტემისთან ბრძოლაში.

აფრიკის, აზიის და ლათინური ამერიკის ქვეყნებში პიონერული და დემოკრატიული ბავშვთა ორგანიზაციების შექმნა და განმტკიცება განუყოფლად არის დაკავშირებული ეროვნულ განმათავისუფლებელ მოძრაობასთან.

ეს ორგანიზაციები აქტიურად მონაწილეობენ ეროვნულ მშენებლობაში, კოლონიალიზმისა და ნეოკოლონიალიზმის მძიმე მემკვიდრეობის ლიკვიდაციაში; ეხმარებიან

უფროსებს საწარმოების, სკოლების, ბიბლიოთეკების, სარწყავი სისტემების მშენებლობაში, სოფლის მეურნეობის განვითარებაში.

ბავშვები და მოზარდები აღადგენენ და აწყობენ სახალხო სკოლებს, აშადადებენ უბრალო თვალსაჩინო საშუალებებს. ორგანიზაციის აქტივისტები მუშაობას ატარებენ მშობლებთან, განუმარტავენ მათ ბავშვების სკოლებში სიარულის, ცოდნის შექმნის აუცილებლობას; მონაწილეობენ უფროსებს შორის უწიგნურობის ლიკვიდაციაში.

პიონერები დიდ ყურადღებას უთმობენ ეროვნულ კულტურის აღორძინებასა და აყვავებას. პიონერული რაზემები მზრუნველობით კრებენ და იწერენ ხალხურ სიმღერებს, ცეკვებს, ლეგენდებს, რომლებსაც შემდეგ მხატვრულ თვითმოქმედებაში იყენებენ.

საზაფხულო ბანაკებში, წრებში ბავშვები აშადადებენ ეროვნულ სამკაულებს (მძივებს, ბეჭეტებს, სამაჭურებს, საყურებს), წნავენ კალათებს, კერავენ უბრალო ეროვნულ ფესხაცმელებს და სხვა და ამ ნივთების გაყიდვით შეგროვილ ფულს ახმარენ სკოლისა და თავინთი ორგანიზაციის საჭიროებებს.

ლათინური ამერიკის ქვეყნებში პიონერული და ბავშვთა დემოკრატიული ორგანიზაციების შექმნა მჭიდროდ არის დაკავშირებული კომუნისტური პარტიისა და მუშათა კლასის ბრძოლასთან ჰუმანიზმი ეროვნული დამოუკიდებლობისათვის იმპერიალიზმის და ოლიგარხიის წინააღმდეგ.

1966 წ. არგენტინაში შეიქმნა პიონერთა კავშირი, რომელმაც მოკლე დროში მოიხვეჭა პოპულარობა და საერთო სახალხო აღიარება.

ურუგვაიში დიდი ავტორიტეტით სარგებლობს 1966 წელს შექმნილი პიონერული ორგანიზაცია „ჩურიჩე“ (ჩურიჩე — პატარა წითელბუმბულიანი ჩიტა, რომელიც მხოლოდ თავისუფლებლაში ცხოვრობს).

1972 წ. ფაშისტურ გადატრიალებამდე შეიქმნა ჩილეს პიონერული ორგანიზაცია. ჩილელ მეგობრებს ამ საქმეში დიდი დახმარება გაუწიეს საბჭოთა კავშირის პიონერულმა მუშაკებმა, რომლებიც ამ მიზნით სამი თვე იმყოფებოდნენ ჩილეში.

ბოლო 5-10 წლის მანძილზე პიონერული ორგანიზაციები და რაზემები (ჯგუფები) შეიქმნა კოლუმბიაში, პერუში, კოსტარიაში, ვენესუელაში და ლათინური ამერიკის ბევრ სხვა ქვეყანაში.

უფროსი ამხანაგების — კომუნისტებისა და მუშათა კლასის გვერდით ამ ქვეყნების პიონერული ორგანიზაციები მონაწილეობენ ბრძოლაში ანტიიმპერიალისტური, ანტიოლიგარხიული პროცესების გასაძლიერებლად, ეროვნულ სუვერენიტეტის დასაცავად, ბუნებრივი რესურსების ხალხის საკუთრებაში გადასაცემად, უცხოური მონოპოლიის ძალადური გავლენის მოსასპობად.

# ბიჭო-გოგია!

მოთხრობა

ნეტავ იცოდეთ, როგორ შეიცვალა, რაც მეექვსე კლასში გადავიდა. სულ ცოტა ხნის წინ დილიდან სალაშქროდ ქუჩაში სირბილით და ხტუნვით თავს აბეზრებდა ყველას; ახლა თითქოს ბევრი რამ აღარ მოსწონს, მარტოდ ყოფნას მიეძალა, მხოლოდ ბოსტან-ბოსტან დახეტიალობს ქვევით, ხევის პირას...

— ბიჭო-გოგია!.. ბიჭო, გოგია!.. ხშირად ისმის ორსართულიანი სახლის აივნებიდან შეწუხებული ქალის ყვირილი.

— ბიჭო, გოგია, გეყოფა ჩიტების დევნა და ბარდებში ძრომიალი, ამხანაგები გეძახიან!..

— ბიჭო, გოგია!.. მოდი, გაკვეთილები მოამზადე!..

— ბიჭო, გოგია!.. გაგარეულდა და გაველურდა მთლიანად... არ გესმის, ბიჭო, გოგია!..

როდის-როდის მოვა, დაჯდება და ხმას არავის სცემს; ვერც გაუგებ, აწუხებს რამე, თუ ლაპარაკი გადაავიწყდა მარტოკა ხეტიალში.

მაინც ვერავინ გაიგო, რა დაემართა ასე უცბად. არ ცდილან, თორემ რა ძნელი გასაგებია, მეექვსეკლასელს საკუთარი ფიჭრიც აქვს, აზრიც, იქნებ დარდიც, მაგრამ ყველას ისევ პატარა ჰგონია, ისეთი პატარა, რომ რაც არ უნდა უთხრან, კვლავინდებურად ვერაფერს მიხვდება, არაფერი ეწყინებაო.

— რა მოგივიდა, ბიჭო, გოგია, გაიკინე, დაგვანახე შენი ოკრობოკრო კბილები, — არ ეხსნებიან ლობეს მომდგარი უბნის ტოლ-ბიჭები.

— სიმაღლე ჯერ არ ემატება. თორემ დაკაცდა ჩვენი ბიჭო-გოგია, დაკაცდა, — ამბობენ მეზობლები.

„დაკაცდი, აბა რა, დაკაცდი“, ფიქრობს თვითონაც და ამაყობს, რომ ასეთი გახდა. ქუჩაში რატომ უნდა იხეტიალოს? — კარგი ბოსტანი აქვს, დიდი ვენახი. ბოსტანში ლელვიც უდგას, ქლიავიც, თუთაც, თხილიც; ვენახის ქვემოთ ხეცია; ხევის პირას კი ბევრი მაცვალი იცის, ლიჭი, ტყემალი. ცოტა ქვემოთ, პატარა მინდორთან უშველებელი კაკლის ხეებია, გაზაფხულობით გულყვითელა ჩიტი შემოჯდება ხოლმე ზედ და ეძახის იქიდან ყველას გასაგონად: „ბიჭო, გოგია!.. ბიჭო, გოგია!..“ აი, მაშინ შეგახედათ, როგორ ეძალევა სახეზე ღიმილი, გულში უხარია რალაც და თავსაც ბედნიერად თვლის.



ხეცს წილიანას ეძახიან. ბიჭო-გოგია ვერაფრით გაარკვია, რატომ ჰქვია წილიანა ხევი. ალბათ — პატარაა და იმიტომ. არც წყალი მოდის შიგ; მხოლოდ დიდი წვიმების დროს ვერ მიეკარები ახლოს, უცაბედად მოვარდნილი ნიაღვარი მოგლეჯილ ხეებს, ქვებს მოაგორებს ღრიალღრიალით; ეგეც შენი წილიანაო, ამბობენ სოფლები.

ხევიდან ხელმარცხნივ, ვენახის ზერებსა და ბიჭო-გოგიას ბოსტანს შორის კიდევ ერთი პატარა ბოსტანია, გამხმარი კუნლის ფიჩხით შემოფარგული, მოუვლელი. ბოსტანის თავში ძველისძველი ერთსართულიანი გრძელი სახლი დგას, კუთხეში ადგილ-ადგილ აგურგამომძვრალი, ფიცრებშემოღლებილი საჩხებით, ჩაზნექილი ჭერით, ზემოდან ღარიანი კრამიტით გადახურული. გვერდითი კედლის ბოლოში საუბნო გზაზე გასასვლელი ჭიშკარია, ისიც მონგრეული; იქვე რამდენიმე აკაცია დგას; აკაციის გასწვრივ მაცვლის ბარდები, ბავშვებისაგან გადაკორტნილი-გადატრუსული. ლობის ძირას, თითქმის ყველგან დოყა-დოყა ჭინჭარი იზრდება, ეზოში — სამყურა და მათიტელა.

იმ სახლსა და ეზო-ყურეში თურმე მხიარული, სიცოცხლით სავსე ოჯახი ცხოვრობდა: ძროხაც ჰყავდათ, ლორებიც, ქათმებიც, ძაღლიც ურბენდა გარშემო, ბავშვების უვილხიცილი აყრუებდა მიდამოს. მერე ოჯახის თავკაცი ვარდაიცვალა, ბავშვები გაზრდილან, ზოგი გათხოვებულა, ზოგი ომში დაღუპულა, ზოგი ქალაქში გადასახლებულა და არის ახლა სახლში მარტოდმარტო მართა ბაბო. სწორედ მასთან თუ მივა ბიჭო-გოგია, წყალს მოუტანს, ცეცხლის დანთებაში მიეხმარება, გაზეთს წაუკითხავს, იშვიათად — წერილსაც, სამაგიეროდ, მართა ბაბო უყვება ძველისძველ ამბებს, ზღაპრებს: მონადირეზე და დიდ არწივზე, ხელმწიფეზე და მის ცხრა ვაჟზე, დედის გულზე და რალაზე არა, ოღონდ გაუჩერდეს, ოღონდ გააჩერონ; დედა ხომ მალ-მალე ეძახის, მოდი, გაკვეთილები მოამზადეო...

დედა ჩია ტანის ქალია, გამხდარი, დაღეული; მამა, — მალალი, ჩამკვრივებული, მხარბეჭიანი. სანამ პატარა იყო, სანამ მართლაც ბევრი

არაფერი გაეგებოდა, მამას ღმერთ-  
კაცად თვლიდა. უხაროდა, ის რომ  
დიდი ჩექმებით აივანზე დააბოტებ-  
და, ან შვილს ჰაერში რომ შეაგდებ-  
და და ჰაერშივე იჭერდა, ან მხარ-  
ზე საჭმელ-სასმელით და ტყვია-წა-  
მლით ვაბერილ ზურგჩანთას მოიგ-  
დებდა, ორლოულიან თოფს ხელს წა-  
მოავლებდა და შესძახებდა: აბა, გზა  
ღამილოცეთ, ვეფხვებზე სანადიროდ  
მივდივარო.

ბიჭო-გოგიას ღამე ესიზმრებო-  
და, როგორ ხოცავდა მამამისი ვეფხ-  
ვებს, ლომებს, დათვებს, მგლებს,  
როგორ უჭირდა გაავებულ მხეცებ-  
თან ჭიდილი, მაგრამ მაინც გამარჯ-  
ვებული გამოდიოდა. გვიდა დრო,  
წლები მოემატა ბიჭო-გოგიას და  
მერე და მერე უფრო მეტად უკვირ-  
და, რატომ ბრუნდებოდა მამამისი  
ხშირად ხელცარიელი, რატომ არ  
მოჰქონდა ნანადირევი, რატომ იყო  
ბევრჯერ ნასვამი, თითქოს ვიღაცით  
თუ რაღაცით უქმყოფილო.

ერთხელაც მამა ისეთი ნასვამი  
იყო, საკუთარი ძალი მოკლა. მერე  
ბევრს ნანობდა, მაგრამ ბიჭო-გო-  
გიას სწორედ იმ დღიდან გაუგებარი  
შიში დაეუფლა. რამდენჯერაც ჩაუ-  
ვლიდა გვერდით კედელზე ჩამოკი-  
დებულ თოფს, იმდენჯერ ტანში  
ჭრუანტელი უვლიდა, ეშინოდა ახ-  
ლოს მისვლისა. ზოგჯერ მოიბუზე-  
ბოდა თავისთვის და ფანჯრიდან გა-  
ჰყურებდა მართა ბაბოს მოძველე-  
ბულ სახლს. სიბრალულით ივსებო-  
და, სინათლის სხივს თუ მოჰკრავდა  
თვალს მის ფანჯრებში გვიან ღამით,  
ზეპირად იცოდა, მართა ბაბო მერა-  
მდენედ კითხულობდა ასო-ასო ქალა-  
ქიდან გამოგზავნილ შვილის წერი-  
ლებს...

კიდევ ერთი ახალი წელი დადგა.  
თებერვალია... თოვლი დნობას  
იწყებს. ხშირად სისინებს ქარი და  
ბიჭო-გოგია სულმოუთმენლად ელ-  
ის თბილი დღეების დადგომას, ველ-  
მინდვრების, ხეების ამწვანებას...

გაიღვიძა ერთ დილას, თბილად  
ჩაიცვა, გამოვიდა აივანზე და რას  
ხედავს: მამამ მეზობლის ვირზე გა-  
დაკიდებული ფეკილით სავსე ტომ-  
რები მოიტანა წისქვილიდან. ტომ-  
რები მარანში შეიტანა თუ არა,  
დედამ ცოცხით დაუწყაო ბერტყვა,  
ასე სახლში ვერ შეგიშვებო (ვანო  
თავიდან ბოლომდე მეწისქვილე-  
სავით ფეკილში იყო ამოგანგლული).

— მოიცა, დედაკაცო, გეყოფა, —  
არ სიამოვნებს ვანოს დიდხანს ცოც-  
ხით ბერტყვა, — მგელი შეგჭამსო,  
იტყვიან, გეყოფა-მეთქი.

— ნეტამც, ნეტამც, — გაუბრაზე-  
ბლად ამბობს თამარი.

ბიჭო-გოგიას ელიძება, თან მიღა-  
მოს ათვალეირებს. ავერ მართა ბა-  
ბოს სახლიც, საჩხებთან ვიღაც გო-  
გოს მოჰკრავს თვალს, ალბათ ის  
არისო, გულში გაიფიქრებს და მოუ-  
სვენრობა შეიპყრობს. აივნის ქვევი-  
დან კი კვლავ ესმის:

— გაზაფხული მოდის და ნადი-  
რობის დროც ახლა დგება, რომ იცო-  
დე! — ამას მამა ამბობს.

— ვითომც ვენახის გასხვლა გე-  
ფიქროს. სარი და ჭიგო გასასწორე-  
ბელია, მავთული დასაჭიმია, შეყელ-  
ვა უნდა, მოხვნა; ბოსტანიც დასა-  
ბარია.

— სულ გააუქნარე ის ბიჭი, ბოს-  
ტანს მაინც ვერ დაბარავს?

— ბარისოდენა არაა, მაგის ბარვა  
ჯერ ვინ გაიგონა, ვერა ხედავ, რო-  
გორი სუსტია? — პასუხობს დედა...

„არა ვარ მე სუსტი, არა ვარ სუს-  
ტი...“ — წამოდგება ბიჭო-გოგია,  
ამაყად ჩაივლის საფეხურებს, გვერ-  
დით გაუვლის მშობლებს, საჩხებიდან  
ბარს გამოიტანს. ძალიანაც უნდა მა-  
რთა ბაბოსთან იმ პატარა გოგოს  
ნახვა, მაგრამ დღეს არსად არ წავა,  
მთელ დღეს უნდა მხოლოდ ბაროს  
და ბაროს...

დედა ვიწვივით დაედევნება უკან.  
ვანო ცოლს შეაჩერებს, თავი დაა-  
ნებეო. ბიჭო-გოგიას კი მხარზე გაუ-  
დევს ბარი, თოვლში მიალაჭუნებს  
კაცივით...

ვანო ვენახში წავიდა. თამრომ  
თონე გაახურა, ლავაშები და გრძელ-  
გრძელი შოთები ამოალაგა, ხახა-  
ლზე გაშალა. სანამ ცხელი იყო, ლა-  
ვაშში ორი შოთი გაახვიდა, ბიჭო-გო-  
გიას მართა ბაბოსთან გაატანა: ქა-  
ლაქელები ჩამოვიდნენ, რაღაცებს კი  
ჩამოუტანდნენ, მაგრამ ჩვენგან ეს-  
ამოგნებო.

საუბნო გზით არ წავა ბიჭო-გო-  
გია, კუნლის გამხმარ ფიჩხებში თა-  
ვისივე ვაკეთებულ ხვრელში გაძე-  
რება, გაბობლდება და ისე მიაღვე-  
ბა მართა ბაბოს სახლს. საჩხებთან  
ისევ ის გოგო დგას. დილით აივნიდან  
რომ დალანდა, გუნდას წურავს, თი-  
თებიდან წყალი წურწურით ჩამოს-  
დის. „არა სცივა?“ — გაიფიქრებს  
მხოლოდ, არ მიესალმება.

გოგონას თხლად აცვია, თავზეც  
არაფერი ახურავს. თეთრი კაბა, თე-  
თრი რეიტუზი და ქერა თმა... და  
საოცრად მოლივლივე, კისფერი  
თვალეები... სხვას ვერაფერს შეამჩ-  
ნევს ბიჭი უცბად, გვერდით გაუპ-  
ლის, მართა ბაბოსთან შევა ოთანში.

— მოდი, ბიჭო-გოგია, მოდი, —  
მოფერებით შეიპატიჟებს მართა ბა-  
ბო, პურებს და ლავაშს ჩამოართმევს,  
რამდენჯერმე დაყნოსავს. — მაია!..  
— გასძახებს. — ჩემი ყველაზე პატა-

რა შვილიშვილი უნდა გაგაცნო. თუ-  
მცა შენც იცნობ წერილებით.

— მე წავალ, — მორცხვად ამოი-  
ლულულეებს ბიჭო-გოგია. — დედა  
მართა და მიხმარება უნდა.

— მოიცა, — შეაჩერებს მართა ბა-  
ბო. — ეს კამფეტები გამომართვი...  
წუხელის ჩამომივიდნენ, მაია ღამი-  
ტოვებს და წუხელისვე წავიდნენ, სა-  
სწრაფო საქმე გვაქვსო; ხომ იცი, რა  
სამუშაოც აქვს ჩემს გიორგის. ერთ  
თვეში ჩამოვალთ და ყველას ერთად  
წავიყვანთო...

— შენც, მართა ბაბო? — გულის-  
ცემა აუჩქარდება ბიჭო-გოგიას, მარ-  
თა ბაბო კი უწყობს და უწყობს ქუ-  
რთუკის ჯიბეში კამფეტებს.

— იქ, რა ვიცი, შვილო, მე ვინღა  
მეკითხება. ახალგაზრდები არიან, რა-  
საც უნდათ, იმას იზამენ... მაიაა მოწ-  
ყენილი; თან კაკაბი ჩამოიყვანა, მაგ-  
რამ მაინც მოწყენილია. იქნებ ეთა-  
მამო და გაართო. მაია!..

„ნეტავ რას ფიქრობს თვითონ  
მაია?... მაია ლამაზია, ლამაზებს კი  
მხოლოდ საკუთარი თავი მოსწონთ.  
იქნებ სჯობია, შევბრუნდე და მოვ-  
კურცხლო, მაგრამ თუ მოწყენი-  
ლია?...“

მაია შემოდის. ბიჭო-გოგია ამხალ  
შეამჩნია, როგორ შემოუარა გო-  
გონამ კოჭლობით მაგიდას, შოთებ-  
თან გაჩერდა.

— ბიჭო-გოგია მოგიტანა, შვი-  
ლო, მოიტეხე. იცი ვინ არის ბიჭო-  
გოგია? შენს წერილებსაც ეს მიკით-  
ხავს, საქმეშიც კაცივით მეხმარება.  
— ხელს მოხვევს მართა ბაბო მაიას,  
ბიჭო-გოგიასთან მიიყვანს. — ასე  
ამბობს, ჩვენთან წამოვიდეს თონე-  
ზე, ნახოს სოფელში პურს როგორ  
აცნობენო. აბა, გაიცანით ერთმანე-  
თი.


მაია ხელს უწვივს. ბიჭო-გოგიას  
თავი ვერ აუწვია მალა, ვერ გაუ-  
ბედდეს თვალეში შეხედვა, გული  
საშინლად უცემს, რაღაც მოუთმე-  
ნლოდა ყელში ებჯინება, თითებს გა-  
შლის მხოლოდ და გადმობრუნებულ  
ხელებს დაანახვებს.

— უი, მომიკვდეს თავი, — წამო-  
იძახებს მართა ბაბო, გაუსინჯავს ბე-  
ბერებ-დამსკადარ, ჩასისხლიანებულ  
ხელისგულებს, შებრუნდება და მეო-  
რე ოთანში საშინაო ჩუსტებით გა-  
ფაჩუნდება, — ახლავე მალამოს გა-  
მოგიტან.

— რაზე მოგივიდა? — მოულოდ-  
ნელად ჰკითხავს მაია დიდი ხნის ნა-  
ცნობივით.

ბიჭო-გოგიას საამოდ მოესმება  
მისი ნათქვამი ყოველი სიტყვა, პირ-  
ზე ღიმილი მოადგება.

— არაფერია, თავიდან ასე იცის.



— რას აკეთებდი? — კვლავ საამოლ ჰკითხავს.

— ვბარავდი, — მთლად გაებადრება სახე ბიჭო-გოგოვას, — წყალი ჩამიდგა, მერე გასკდა; აქ კი გავიჭერი.

— უნდა დაგებანა და შეგებვია, ინფექცია რომ შეგეჭრას?

— ინფექცია? — გაეცინა. — რო შემეხვია, დედა გაიგებდა. დაბანით კი დავიბანე, მაგრამ მაინც გამოვიდა წყალი და სისხლი.

— ოო, არ გეწვევა?

— არა! — ისე ამაყად იტყვის, თვითონვე გაუკვირდება, რატომ ატყუებს უცნობ გოგონას.

მართა ბაბო მალამოს გამოიტანს. მაიას დახმარებით ჯერ სისხლს მოწმენდენ, მერე მალამოს წაუსვამენ დიდი სიფრთხილით, რადგან, რამდენჯერაც შიშველ ხორცს შეეხებიან, ბიჭი მთელი ტანით ტოკავს, იძაგრება, მაიას კი არ უნდა, რომ ტკივილი მიაყენოს.

— ალბათ ჩემს კაკაბსაც ასე სტკივა, არა, მართა ბაბო? — წუხს მაია.

— ყველა ცოცხალმა იცის ტკივილი, შვილო, — წუხს მართა ბაბოც. ბიჭო-გოგოვას კი უხარია რაღაც...

— კაკაბი ჩამოიყვანაო; მართლა გაყავს კაკაბი? — გულაფორიაქებით ეკითხება გოგონას, თან კუთხე-კუთხულს თვალთ ზომავს, რატომ ვერ ვხედავო, უკვირს.

— წამოდი, წამოდი, გაჩვენებ, — ხელს ჰკიდებს მაია და მეორე ოთახში გაჰყავს, სადაც უშველებელ გალიაში თვლებბრილა, აქოჩრილი, მაგრამ ფრთაჩამოვარდნილი კაკაბი დაბაჯბაჯებს.

რა მოხდა, რომ სოფლელი ბიჭია?

— კაკაბი ჯერ არ უნახავს. უკვირს, რამოდენა ყოფილა; ისიც უკვირს, რატომ აქვს პატარა თათები, ხშირი ბუმბულით დაფარული, გრძელი ბრჭყალები, რომლებიც თურმე ზამთრობით თვრამეტ-ოც მილიმეტრამდე ეზრდება, ზაფხულობით კი სამი-ხუთი მილიმეტრით უმოკლდება, და კიდევ ბევრი რამ. რაც არ იცოდა და მაია უხსნის. ისიც უკვირდა, როგორ ეცვლებოდა მაიას თვლების ფერი, რა ხალისით უხსნიდა და როგორ სიამოვნებდა, როცა იმ საცოდავ კაკაბს ხელს შეახებდა, ის კი ჩანისკარტებას დაუპირებდა.

— ახლა იცის, რომ ვმკურნალობ, თორემ, თუ გამიმეტა, ხორცს ამომავლუჯს. განსაკუთრებით მამალმა კაკებმა იციან გაავება; გაზაფხულობით, როცა საქორწინო დრო უდგებათ, თავის საცოლეებს ეწონებიან და ახლოს არ გაიკარებენ სხვას. თუ უცხო გამოჩნდა, ჩხუბზე გადადიან.

— მერე, როდემდის ჩხუბობენ? —

გაოცებით კითხულობს ბიჭო-გოგოვას მაიაც ხალისიანად უპასუხებს:

— სანამ არ გაავდებენ, ბიჭო, ვერ უნდა მიხვდე?..

იმ დღიდან ბიჭო-გოგოვია მეგობარს გაიჩენს, უბრალო ნაცნობს კი არა, ნამდვილ მეგობარს, რომელსაც არც მისი დაჭორფლილი ცხვირ-პირი აკვირვებს, არც სიგამხდრე, არც ტანმორჩილობა. გოგონა ხალისით ესაუბრება, გუნდაობით კი არ ეგუნდავება—ახალი ნაოპერაციები აქვს ფეხი. სულ ერთი კვირის წინათ შეუხსნიათ თაბაშირი.

ბიჭო-გოგოვას ბრაზი მოსდის, რატომ გრძელდება ცული ამინდები, რატომ დროულად არ გამწვანდება ველ-მინდვრები, რატომ არ იწყებენ ხეები ყვავილობას, რატომ არ ამოიწვევებიან კვირტები და არ დასკდებიან; მაშინ ხომ მაიასაც შეეძლება უკვე ეზოში, ბოსტანში, ხევის პირას სიარული; თვითონაც გაუჩნდება სათქმელი, მოსაყოლი, ასახსნელი; რომელი რა ხეა, როგორ უნდა განასხვავოს ერთი მეორისაგან კვირტების, ყვავილების, ფოთლების მიხედვით. მაია პირველად არის სოფელში და ბევრი არაფერი იცის კაკების გარდა. თუმცა რა გასამტყუნია — ქალაქში დაიბადა, მერე საზღვარგარეთ ჰყავდათ მშობლებს წაყვანილი, მერე — სადაც ციმბირში, ჰიდროელექტროსადგურის მშენებლობაზე; მისი მამა ხომ ცნობილი მშენებელი ინჟინერია და, სადაც მიდის სამუშაოდ, ცოლ-შვილიც თან მიჰყავს. მაიას ბევრი ქვეყანა აქვს ნახი, ბევრი ქალაქი, ბიჭო-გოგოვია კი თავის სოფელს არ გასცილებია. ამიტომ მაიას ბევრი მოსაყოლიც აქვს, ბიჭო-გოგოვას კი — მოსასმენი. მაგრამ მალე დადგება თბილი ამინდები, გავლენ გარეთ და ესეც გააკვირვებს მშობლიური ბუნების, ველ-მინდვრების, ბალახების, ყვავილების, ხეების, ჩიტების ცოდნით; ოღონდ მალე დადგეს თბილი ამინდები, ოღონდ მაიას შეეძლოს თავისუფლად სიარული...

მაია ორი წლით უმცროსია ბიჭო-გოგოვიაზე; გამხდარია, მაგრამ უფრო მალალია. ბიჭო გოგოვია ამიტომ ყოველთვის ცდილობს ამაღლებულ ადგილზე თვითონ დადგეს, დაბალზე — მაია. არ უნდა, გოგოსთან შედარებით დაბალი გამოჩნდეს, ხანდახან თითის წვერებზეც კი დადის, ვითომ შეუმჩნევლად, მაგრამ მაია ეშმაკი გოგოა, ყველაფერს ამჩნევს, ყველაფერს ხვდება; თქმით კი არაფერს ეუბნება, მხოლოდ კაკბის ცხოვრებაზე უყვება და უყვება:

— აი, სწორედ ამ დროს, თოვლის დნობის დროს აქვთ კაკბებს ქორწი-

ლი. მამლები თავს მალა...  
ბოლოს შლიან და ყვირიან: „ერ-ერ-ერ-ერ...“ ეს ხმა ასეთ შემახილში გადადის: „კაბაო-კაბაო-კაბაო...“ დედალი კაკბები კი წყნარად უპასუხებენ: „მია... მია... მია...“  
უცნაურია, არა?

— ჰო, უცნაურია!

მაია აგრძელებს:  
— საქორწინო თამაშების დროს, ამაღლებულ ადგილზე უყვართ ჯდომა ან ქვაზე, ან ხეზე, საიდანაც ყველაფერი კარგად ჩანს; მალლიდან როცა იყურებიან, უფრო ამაყები არიან...

და დაემეება ბიჭო-გოგოვია თითის წვერებიდან. თავს ჩალუნავს დამნაშავესავით, მალე მამა მოვაო, იტყვის და... ისევ მოწყენილი მიუჯდება სასწავლო წიგნებს; თან დარდობს, რატომ სწყინს ყველაფერი ასე მალე, რატომ იჩქარა წამოსვლა.

„არა, მაია ცული გოგო არ არის. პატარაა მხოლოდ. სოფლური კილო გადაეღო მალე: ჩვენსავით რომ-ის მაგივრად რომ-ს ამბობს. სასაცილო გოგოა, მაგრამ ეშმაკიც როა?.. ჩვენი გოგოები, რა, ნაკლებნი არიან? სიეშმაკე ამათი ნახე ერთი!..“

— გოგოებო, გოგოებო, ბიჭო-გოგოვას შეხედეთ, როგორ კობტად გამოწყობილა!..



— მართლა, შეხედეთ, როგორ უფროხილდება, პერანგი არ გამეჭუჭყოსო; როგორ იბერტყავს შარვალს!..

— სწავლასაც რო მოუმატა?!

— რა მოგივიდა, ბიჭო-გოგია, ჩვენც გვითხარი, რა!..

— შეყვარებულა, ბიჭო-გოგია, ნამდვილად შეყვარებულა... — აღარ ეხსენებთან თანაკლასელები.

— ეგეც თქვენ! — ნიშნის მოგებით მიახლის ყველას და, სკოლიდან დაბრუნდება თუ არა, წესიერად არც კი დანაყრდება, მარანში შეიპარება, ჯიბეებს დაიტენის ხორბლით, კაკაბისთვის, თან ვაშლსაც გააყოლებს, მსხალსაც, ბროწეულსაც, იქნებ ჩურჩხელასაც — თუ თავლია სკივრი მოახელთა, და გამხმარი კუნლის ლობეში გაძვრება, გაბობლდება, რომ საჩხეთან მდგარ მიასთან დროულად მივიდეს, ხორბალიც, ხილიც მაგიდაზე ამოუყაროს ჯიბეებიდან.

მაია ხელისგულებს გაუსინჯავს; გირჩებაო, — ეტყვის და მერე ხალისით აცნობებს, ჩვენს კაკაბსაც ურჩებაო ფრთა. უშველებელ გალიას შუა ოთახში ვადმოდგამენ, ხორბალს დაუყრიან, გარშემო უტრიალებენ და კაკაბიც ტრიალებს მათთან ერთად, იფხორება, ქოჩორს იწეწავს, თვალებს აბრიალებს, თით-

ქოს თავს აწონებსო პატარა მეგობრებს.

— სულ რომ მოუტრეხა, რა უნდა უყო? — ეკითხება ბიჭო-გოგია, — ასე გალიაში უნდა გვყავდეს, თუ გაუშვებ?

— არსადაც არ გაუშვებ! — შეკრთება მაია, — სულ ჩემთან მეყოლება, არსადაც არ გაუშვებ.

— მერე, ცოდო არაა?

— რატომ? ვაჭმევ, ვასმევ, მოვუვლი, მოვეფერები. განა მე არ ვიქნები ცოდო?

— ალბათ, ჰო, ალბათ, მაგრამ გალიაში ჯდომას თავისუფლად ყოფნა ურჩევია მაინც.

— არ ვიცი, ბიჭო-გოგია, არ ვიცი. უამისოდ ბევრს ვიღარადებ; უშენოდაც ვიღარადებ, მაგრამ მამას ვთხოვ, ჩამომიყვანოს ხოლმე. კაკაბი კი ჯერ ჩემთან იქნება...

— მე, მე რაღა დამრჩება შენგან?

— ჩემგან? — ჩაფიქრდება მაია, მიიხედ-მოიხედავს, ტუჩებს დიიკვნიტს, მერე თავის პატარა ხელჩანთას ვადმოქექავს, ლამაზ კალმისტარს ამოიღებს და მისცემს, — აიღე.

— გმადლობ, მაია, გმადლობ! — უხარია ბიჭო-გოგიას და ლოგინშიც კი იმ კალმისტართან ერთად წვება, მასთან ერთად იძინებს...

ბოლო ორ დღეს მზიან ამინდს დაიჭერს, თოვლი სწრაფად იწყებს დნობას, აქა-იქ ამოიწვერება ბალახის ხასხასა მწვანე ღერები.

ხევის პირას წრიპინებენ წანწკარები და ლობემძვრალეები, ნისკარტებით თივის ღერებს დააფრიალებენ ბელურები. სულ მალე კაკლის ხეს შემოაჯდება გულყვიფილა ჩიტი და მთელ ხევისპირს გადაურბენს მისი გამოძახილი: „ბიჭო-გოგია!.. ბიჭო-გოგია!..“

— კვირა დღე გათენდა...

ბიჭო-გოგია როცა ადგება, მშობლებს ვერსად ნახავს, ალბათ ბაზარში წავიდოდნენო, იფიქრებს; დაიბანს, დაივარცხნის, ახალნაყიდი ბამბაზის პერანგის უბესთან, ლილკილოში მაიას ნაჩუქარ კალმისტარს გაირჭობს და მართა ბაბოს სახლისკენ წავა.

როგორც ყოველთვის, მაია უკვე საჩხებთან ელოდება, მერე შევლენ და გალიას გარეთ გამოათრევენ. გამოტანისას გალიას ერთი მხრიდან ხმელი ჩხირები შეატყდება, მაგრამ იფიქრებენ, არაფერი უჭირსო და დამშვიდდებიან.

— მაია, ხომ აღარ გტკივა ფეხი, ხომ შეგიძლია ხევამდე ჩამოსვლა?

— შემიძლია, შემიძლია, რატომ არ შემიძლია, — უპასუხებს სიცილით მაია და ბავშვების მხიარული კისკისი საამოდ ეფინება ხევისპირს...

მზის სხივებზე გალაღლა კაკაბიც, მოუსვენრად აწრიალდა, აკუტკუტდა, ინდაურივით გაიფხორა, ჩინსკრტრტრ შეეთამაშა დამტვრეულ ტუჩებს...

ხელისხელჩაკიდებული მაია და ბიჭო-გოგია ბოსტანზე გავლით მიჰყვებიან თოვლისა და მზისაგან დაბალ, აფუებულ ბილიკს, უჭირთ, ფეხი ეფლობათ, მაგრამ მალე ჩადიან კაკლებთან, პატარა მინდორთან ტალახს იმორებენ, მერე ხეცს დაუყვებიან ქვევით-ქვევით.

მიწას ორთქლი ასდის და ჰაერში იფანტება. ჰაერი სუფთაა, საამო სურნელით გაჟღენთილი; ხევის პირს ეკლიანი ბარდებია, მაგრამ მათ ძიში უკვე აყვავებულან გაზაფხულის პირველი მახარობლები.

— ეს ენძელაა, ეს ზაფრანა, — ხალისით ყვება ბიჭო-გოგია, — მიწიდან პირდაპირ იციან თავის ამოყოფა, უფოთლოდ: რამდენიმე დღის შემდეგ ამათ მოსდევს მბრწყინავი, ოქროსფერთმიანი ჩიტისთავა. მხოლოდ ღრუბლები არ უყვართ, მაშინვე იმალებიან, ფოთლები ეხურებათ, ყვავილის შიგნით ექცევა ბუტკო ღინგიტ და მტკრიანებით...

— რატომ, ბიჭო-გოგია, რატომ აკეთებენ ასე? — კითხულობს გაცეცხული მაია.

— სიცივეს აფარებენ თავს. მზეზე ისევ იშლებიან და ლამაზდებიან.

— უი! — შეჰკვივლებს მაია. — რაღაც გასრიალდა, გველი ხომ არ გამოგიდგება?

— ნუ გეშინია, ვაგო, — ღიმილით მიუგებს ბიჭო-გოგია, — ამ დროს გველს რა უნდა. წანწკარაა, ლობეში ძრომიალი უყვარს.

— რა გულადი ხარ, ბიჭო-გოგია, — სახე გაებადრება მაიას. — სოფელ ბიჭებს არაფრის ეშინიათ; შენც ასეთი ყოფილხარ. ხომ შენც ასეთი ხარ?

„ეჰ, რა იცი შენ, ქალაქელო ვაგო, ამ სოფელ ბიჭს როგორ ეშინია სიბნელის. სიბნელისა და თოფის. თოფის გვერდით გავლისას ტანში ჟრუანტელი მივლის, დამე კი ცა და დედამიწა რომ ინგრეოდეს, აივანზე ვერ გამომიყვან... არა, აივანზე გამოვალ, მაგრამ სახლს იქით ერთ ნაბიჯსაც ვერ გადავადგამ...“

მაიას მალე უწყნარდება გული და ისევ ხალისით ეკითხება:

— უფრო შიგნით, ბუჩქის ქვეშ რომ ჩანან, იმათ რაღა ჰქვიათ?

— თოვლის გვერდით რო არიან? — აკვირდება ბიჭო გოგია. — ცხენის-კბილას და ცისტვალას ვეძიბით. ეგენიც გაზაფხულის პირველი სტუმრები არიან, მაგრამ ენძელასავით სიცივეში არ ქრებიან. არა, მაგათაც







ეშინათ, მაგრამ ისე არა, — უფრო გულადები არიან.

— ყველაზე პირველად ენძელა და ზაფრანა ამოდიან, ესე იგი ენძელა და ზაფრანა გაზაფხულის პირველი ყვავილებია, არა?

— უფრო თბილი ამინდები რო ყოფილიყო, ამათზე ადრე ყოჩივარდა ამოვიდოდა.

— ყოჩივარდა როგორიღაა?

— როგორია და მარჯნისფერია, სუსტი, ნაზი, პატარა ყვავილია...

სიტყვას თოფის გრიალი აწყვეტინებს. დაფრთხებიან ჩიტები ბარდებში, აკრიახდებიან ქათმები ეზოებში, შეიყუფებენ აქა-იქ ძაღლები, შეუფრთხილდებათ გული ბავშვებსაც.

„ვაიმე!“ — რალაც წინათგრძნობა ჩვეულ შიშს მოკვერის ბიჭო-გოგონას; თოფის ხმა ხომ ბოსტნიდან მოესმა, მართა ბაბოს ბოსტნიდან კი არა, თავისი ბოსტნიდან!..

— ბიჭო-გოგონა, თითქოს ჩვენ გვესროლესო... წავიდეთ რა სახლში!

— ჰო, წავიდეთ. შავი ღრუბლები მოიწვევენ მთიდან: მთაში დიდი წვიმა ჩანს და აქაც ძალე მოგვადგება; აგერ, ხევში წყალმა იწყო დინება...

შეუყვებიან პატარა აღმართს. ბიჭო-გოგონას შუბლი შეკრული აქვს და გული ძალუმად უფანცქალებს, მაიას უფრო უჭირს სიარული, უფროთხილდება ფეხს...

როგორც იქნა, ამოდიან. მაშინვე გალიას მიაშურებენ, მაგრამ... გალი-

აში კაკაბი აღარ არის. იქვე დგას მართა ბაბო დაღვრემილი სახით, ბავშვების შეხედვას ერიდება.

— მართა ბაბო, რა იქნა ჩემი კაკაბი? — სახტად დარჩენილი მაია ხან გალიას მისჩერებია, ხან თავის ბაბოს, ხან ბიჭო-გოგონას და ახლა შეშფოთებით ეკითხება:—რა იქნა-მეთქი ჩემი კაკაბი?

— მე გავუშვი, შვილო, ასეა საჭირო. გალიაში დამწყვდეული ფრინველი ყოველთვის იწყევლება. ჰო-ლა, იმიტომ გავუშვი...

— რატომ გავუშვი, რატომ!.. — ატირდება მაია, ცრემლები ღვარად ჩამოსდის ლოყებზე. — ჩემი კაკაბი მინდა, ჩემი კაკაბი!..

— კარგი, ნუ ტირი, გაჩერდი, — ამშვიდებს მართა ბაბო მაიას, მაგრამ ბიჭო-გოგონა სხვა რალაცას გრძნობს, მართა ბაბოს თვლებში უცნობი წუხილი ჩანს, ატყუებს ალბათ, რალაც სხვა იცის და ატყუებს.

შებრუნდება და მოკურცხლავს ბიჭო-გოგონა შინისკენ. მასაც თვლებზე ცრემლები მოსდგომია, გული ამოვარდნაზე აქვს, გზად დედას გადაეყრება და ისიც თვალებს არიდებს; მამა არ ჩანს...



ესეც გაზაფხული!.. გველებივით იკლავებიან ცის თაღზე ცეცხლის ენები. შავ ღრუბელთა ლაშქარი სწრაფად წვება მიწის პირზე; გრუხუნნი და გრიალი აყრუ-

ებს არემარეს; წვიმის წვეთებს ქარი სეტყვასავით ახეთქებს თუნუქის სახურავებზე, ლარიან კრამიტებზე, ფანჯრის მინებზე...

„ისეთი კეთილი მამა მყავს, ეს კაკაბიც იმან მომიყვანა, გალიაც გამიკეთა, რასაც ვთხოვ, ყველაფერს მისრულებს. შენ რატომ გყავს რალაცნაირი მამა?..“

„ისეთი არაა მამაჩემი, მაია, შენ როგორიც გგონია: დედა უყვარს, მე... რასაც ვთხოვ, ყველაფერს ყიდულობს, მეც ყველაფერს მისრულებს...“

„რო იტყვი ხოლმე, მამა მოვიდოდა, უნდა წავიდეო?! გეშინია და იმიტომ, არა?..“

— „არ დამიჯერო, მაია, არავინ არ მიკრძალავს შენთან ყოფნას; არც სხვა რამეს მიკრძალავენ. მე თვითონ ვარ ასეთი, მე თვითონ...“

„მაინც როგორი?.. არა, მაინც როგორი?..“

„ჭორფლიანი, თკობოკრო კბილებიანი, დიდყურა, დაბალი, სუსტი, მშიშარა... იცი, როგორ მეშინია თოფის და სიბნელის? ბრაზიც მომდის, ვნაღვლობ, მაგრამ... მამაჩემი კი, ხომ ხედავ, რამოდენაა; ისიც ბრაზობს, ვის დაემსგავსა ასეთი მშიშარა, როდის უნდა გახდეს ნამდვილი ვაჟკაციო...“

„მამაშენმა მოკლა ჩემი კაკაბი!..“

— „არა, მაია, მამაჩემს უყვარს ნადირობა, მაგრამ...“

„მაგრამ, მაინც მამაშენმა მოკლა



ჩემი კაკაბი!.. შე მშიშარა შენა, — მამაშენმა მოკლა ჩემი კაკაბი!..“

ბიჭო-გოგია მარტო მიმჯდარა თავისთვის ოთახში და მთელი სხეულით კანკალებს. არა, არ სცივა, თითქოს აღარც ეშინია, ტირის და იმ-იტომ კანკალებს; ცრემლები არ მოსდის, თორემ ნამდვილად ტირის, გულიანად, ნიკაპიც იმიტომ უკანკალებს და ოკრობოკრო კბილებს კაწკაწი გაუღით.

„კი მაგრამ, აქამდის სად არის მამაჩემი?.. დილიდანვე არ ჩანდა სახელში. იქნებ ტყუილად მგონია, რომ იმან მოკლა მაიას კაკაბი?..“

ქვევით გაიხედავს. ძველისძველი სახლის ფანჯრები ისევ განათებულია. ტირის მია, დაძინება არ უნდა; ვინ იცის, იქნებ სიცხე მისცა და მართა ბაბო ლოგინთან უზის, ცდილობს დაარწმუნოს, რომ არაფერია, კიდევ მოუყვანს მამა სხვა კაკაბს, მაგრამ მაიას აღარ ესმის მისი სიტყვები, ბიჭო-გოგიასავით მთელი ტანით ძაგდაგებს, ოფლში იწურება, კაკაბი, ჩემი კაკაბი, — აბოლებს გონდაკარგულს.

მერე თითქოს ყველაფერი ბურუსში იძირება; გრუხუნი, წვიმის ტყაპუნი გაბმულ შუილში გადადის. ძილი იტაცებს ბიჭო-გოგიას. უცებ თვალეებს აჭყეტს. ნაცნობი ბრახუნი გამოაფხიზლებს: მეორე ოთახში მამა შემობრავუნდა თავისი უშველებელი ჩექმებით. დედა რალაცას ეკითხება, თან იატაკს წმენდს.

— რაო, არ შეგბირდნენ მაინც?

— ხვალ მოგიყვანთო, აუცილებლად მოგიყვანთო.

— დაიხოცნენ ბავშვები დარდით..

გაიეღვებს და გრუხუნი შეაზანხარებს ფანჯრებს. წამიერად გამოჩნდება ბიჭო-გოგიას დაჭყეტილი

თვალეები, დაცქვეტილი ყურები. მეორე ოთახში ძლივს გასაგონი ხმით კამათობენ:

— გემრიელი იყო, არა? ხომ ამოიყორეთ მუცლები!..

— რა ვიცოდი, ქალო, აბა, რა ვიცოდი. მე მეგონა, რომ..

„ალბათ, ალბათ... არ იცოდა. რა თქმა უნდა, არ იცოდა... თოფია ყველაფერში დამნაშავე, თოფი!.. თოფი რომ არ ყოფილიყო, ხომ იქნებოდა მაიას კაკაბი ცოცხალი?.. ჩვენი ძალიც იქნებოდა ახლა ცოცხალი და არც მე ვიქნებოდი ასეთი მშიშარა...“

ჯერ ისევ აკანკალებს, მაგრამ მაინც ადგება, წინდებს ჩაიცმევს, კარებს გამოაღებს. ვერაფერს დაინახავს, შავ წყვილადშია ჩაძირული ყველაფერი. ალბათ ჯოჯოხეთიც ასეთიაო, — ფიქრობს, მხოლოდ მამის ხვრინვა შეწყვიტა საერთო ბუბუნს.

„ხვალ წაიყვანენ მაიას; წავა და აღარასოდეს იფიქრებს სოფელში ჩამოსვლას. ბიჭო-გოგიას ბრალიაო, იტყვის, მართლა მხდალი ყოფილაო ბიჭო-გოგია, მშიშარა, მშიშარა, მშიშარა...“

გაბედავს და გადადგამს ნაბიჯს, გვერდით ჩაუვლის მშობლების საწოლს, აივანზე გავა. იქიდან მამის საკუჭნაო ოთახს მიადგება. გზად სკამს წამოედება, იატაკზე ბრახუნით ეცემა სკამი; ისევ შეეკვრება ბიჭს სუნთქვა შიშისგან, მაგრამ თვით ბუნება ისე ხმაურობს და გრიალებს, არავის ესმის სხვა რამ ხმაური.

ტყუილად უსვა კედელზე ხელეები, მაგიდის ქვეშაც შეძვდა, კუთხეკუთხული მოათვალიერა; მერე კიბე ჩაირბინა, მარანში შევიდა, ორი ნაბიჯი არ ექნებოდა გადადგმული, კვლავ წამოედო რალაცას, ახლა თვითონ დავარდა ქვევრებთან. როცა ასანთს გაჰკრა, დაინახა, რომ მამის ზურგჩანთაზე წევს, გვერდით, აედელთან კი თოფია მიყუდებული..

„ტყვიები შიგ იქნება ჩადებული. ასე იცის დატოვება. მხოლოდ ჩახმას შევაყენებ ფეხზე, სასხლეტზე გამოუხვამ თითს და... არა, არ მეშინია, არ მეშინია... არ მეშინია...“

თოფით ხელში, ზურგზე ჩანთა-მოკიდებული ერთხანს აივნის ქვეშ იდგა. ვერ გადაეწყვიტა ნაბიჯის გადადგმა, საშინელი სიბნელე შემოჭკროდა გარშემო, ერთი ნათურაც არსად ანათებდა; ქარი პირისახეში სცემდა წვიმის ცივ წვეთებს, ნახევრად შიშველს კვლავ უძაგდაგებდა კბილები, თავისდაუნებურად თვალეებიდან ცრემლი მოსდიოდა..

„გაიცინე, გაიცინე და კიდევ დაგვანახე შენი ოკრობოკრო კბილები!..“

„სწავლასაც რო მოუმატა?!“  
 „რა მოგივიდა, ბიჭო-გოგია, ჩვენი ვეითხარი, რა?“  
 „არაფერიც არ მოსვლდა! მართლა მხდალი და მშიშარაა ეგ თქვენი ბიჭო-გოგია, მშიშარა, მშიშარა!..“  
 „სოფელ ბიჭებს, არაფრის ეშინიათო...“

გადადგამს ერთ ნაბიჯს, მეორეს, მესამეს, შეიტყუებს სიბნელე სიღრმეში და მამის მოეხსნება გულზე უცხო შებოჭილობა, ქვემოთ, ბოსტნისკენ დაეშვება.

გზა ნაცნობია, თვალის შეეჩვია სიბნელეს, მხოლოდ წვიმა სცემს უფრო მეტი მოძალებით, ფეხები ტალახში ეფლობა.

კაკლებთან შეჩერდება. წილიან ხევი ღრიალებს. ნიაღვარი მიარღვევს ხევს ქვევით, ალაზნის ველისკენ.


ჩანთიდან ტყვია-წამალს ამოაღებს, სათითაოდ მოისვრის წყალში. მერე თოფსაც მიაყოლებს და ღრმად ამოისუნთქავს, თითქოს რალაც სიმძიმე მოეხსნაო.

— ბიჭო, გოგია!.. — ბუნების ღრიალს ერწყმის დედის სასოწარკვეთილი კვილი.

— ბიჭო, გოგია!.. ბიჭო, გოგია!.. — უერთდება დედის კვილის მამის ყვირილი, მაგრამ ბიჭო-გოგიას აღარაფერი ესმის იმ ხმაურში, არხეინად ზის მომღიმარი სახით და ეს უკვირს მხოლოდ: რატომ ეშინიდა აქამდე სიბნელისა..



# ციხია-გორა



ხარისთავებიანი სპინის თავი

ჩვენი ქვეყნის ისტორიაში იყო დრო, როდესაც ადამიანის საცხოვრებლად ბუნებრივ შემადგენლებს ირჩევდა, რათა გაადვილებოდა მტრისა და მტაცებელი ცხოველებისაგან თავდაცვა. ამ დროს მეცნიერები აღრებრინჯაოს ხანას უწოდებენ. მოსახლეობის ძირითადი საქმიანობა მაშინ იყო ხვნა-თესვა და მესაქონლეობა. საზოგადოების განვითარების შემდეგ საფეხურზე მეტი მოთხოვნილება გაჩნდა ლითონის ნაკეთობებზე. ამასთან ბარში სახნავ-სათესები გამოიფიტა, მესაქონლეობის გაზრდის გამო მოსახლეობამ მთისკენ გადაინაცვლა და ძველი საცხოვრებელი გორაკები მიატოვა. ამ ხანას შუა ბრინჯაოს ხანას ეძახიან. ამ დროს სწრაფი ტემპით იწყო განვითარება მეტალურგიამ, უფრო სრულყოფილი გახდა ბრინჯაოს იარაღები. მაგრამ მთაში გაჩენილ ჭარბ მოსახლეობას აღარ ჰყოფნიდა მთის პატარა სახნავი მიწები, ამის გამო ისევ ბარში დაბრუნდა. განვითარებული შრომის იარაღების წყალობით სახნავ-სათესებისათვის საჭირო არხები გათხარა და ხელმეორედ აითვისა მიტოვებული საცხოვრებელი ადგილები, ეს მოხდა 3400 წლის წინ. ამ პერიოდს მეცნიერები გვიანბრინჯაოს ხანის დასაწყისად თვლიან. სწორედ ერთ-ერთი ასეთი საცხოვრებელი გორა არის ჩვენი თხრობის საგანი. ამ გორას ადგილობრივი მოსახლეობა ციხია-გორას უწოდებს.

ციხია-გორა მდებარეობს სოფელ კავთისხევის ჩრდილოეთით, მდ. კავთურას მარცხენა სანაპიროს სახნავ მიწებში. ამ გორის საშუალო სიმაღლეა 12 მეტრი, თხემის ფართობი 0,5 ჰექტარი. ამ გორაზე ადამიანი დასახლებულა აღრებრინჯაოს ხანის აღრეულ ეტაპზე, ძვ. წ. IV ათასწლეულის ბოლო საუკუნეებში. დასახლებას III ათასწლეულის პირველ ნახევრამდე გაუძლია. ამის შემდეგ ცხოვრება გორაზე კარგა ხნით წყდება. ადგილის ხელახალი ათვისება ხდება უკვე ძვ. წ. II ათასწლეულის ბოლოს. გორას აღმოსავლეთიდან და ჩრდილოეთიდან აკრავს საკმაოდ დიდი ნასოფლარი, რომლის ტერიტორიაზე აღმოჩენილი მასალის მიხედვით, იგი შეიძლება ძვ. წ. VI-IV და III-II საუკუნეებით დაეთარილოს.

ძვ. წ. VII-IV საუკუნეებში გორა აღარ ასრულებდა საცხოვრებლის როლს და რაღაც სხვა დანიშნულება მიეცა. მეცნიერები ფიქრობენ, რომ ის საერთო სალოცავ ხატად




აღღებანა ისტორიისა ერის გამოცოცხლება. გამხნევაა, აწმოს გაგვაა და წარმართვა. მარმისის გამოკვლევა სიხნელისაგან.

12-11

იქცა და სწორედ ამ ციხე-ხატის გამო უნდა დარქმეოდა ამ გორას „ციხია გორა“.

გორაზე გათხრილი ტერიტორია თითქმის მთლიანად უჭირავს დიდი და რთული გეგმარებისა და კონსტრუქციის კომპლექსს, რომლის შემადგენლობაში შედის „ტაძარი“, „ბელელი“, „სათონე“ და სხვა შენობები. ყველაფერი ეს შემოზღუდულია ალიზით ნაგები ერთი გალავნით, რომელიც გორის თხემს კიდებუ გასდევს. კომპლექსი მიეკუთვნება ძვ. წ. IV-III საუკუნეებს. მასში ცენტრალური ადგილი უკავია საკუთარი გალავნით შემოზღუდულ სამსათავსოიან ტაძარს. ტაძრისა და მისი გალავნის კედლები ნაგებია კლდის ნატეხი ქვითა და ალიზით. შენობათა კედლებში სიმაგრისათვის დატანებული ზის ძელები დღესდღეობით უმეტეს ადგილას ჩაფერფლილია; საერთოდ მთელ კომპლექსს აშკარად ეტყობა დიდი ხანძრის კვალი — არა მარტო ძელები, არამედ მთელი კედლებია დეფორმირებული. ზოგ ადგილას ეზოში დგას.



ძვ. წ. III საუკუნის რიგითი მოქალაქის სამარხის ინვენტარი: თიხის ნაირ-ნაირი ზურავლი, საურა რკოლები, გუფი და ბრინჯაოს საგუფავი, რომელზედაც ადა. მინის გამოსახულებაა ამოკვეთილი.

ისეთივე ქვით ნაგები, გეგმაში სწორკუთხა, ორი მეტრი სიმაღლის საკურთხეველი. როგორც ჩანს, აქ ანთებდნენ ცეცხლს — მზის მიწიერ განსახიერებას. მზისა და ცეცხლის განუყოფლობაზე მეტყველებს თუნდაც ძველი ბერძნული მითი, რომლის მიხედვითაც ჰელიოსი (მზის ღმერთი) ყოველდღიურად აღმოსავლეთიდან მობრძანდებოდა ეტლით, რომელშიც ცეცხლისმფრქვეველი ცხენები იყვნენ შებმულნი, და საღამოს დასავლეთით ოკეანეში ეშვებოდა. მზეს გამოსახავდნენ სხვადასხვა ნიშნებით: ჯვრებით, ბორჯღალებით და სხვა.

ციხია გორაზე ბევრია ჯვრის გამოსახულებიანი თიხის დისკოები; ეტუობა ეს ტაძარი მზის ღვთაებისადმი იყო მიძღვნილი. ჯვრები, ბორჯღალები და სხვა ნიშნები მუდმივი მოძრაობის სიმბოლო ანუ მხატვრული გამოსახულება იყო და რაკი ადამიანთა წარმოდგენაში დედამიწა უძრავი იყო, და მის გარშემო მუდმივად მოძრაობდა სიცოცხლის მომნიჭებელი ცხოველყოფელი მზე, მზეს სწორედ ამ ნიშნებით გამოსახავდნენ.

ციხია გორის ეზოს სამხრეთ-აღმოსავლეთ კუთხეში 25 სმ სიმაღლის, 2 მეტრი სიგანისა და სიგრძის ქვითა და თიხით მოწყობილი მოედანია. ეთნოგრაფიული მასალების მიხედვით საკურთხევლის გვერდით ასეთი წესით მოწყობილ შემადლებულ ადგილებს სამსხვერპლოების დანიშნულება ჰქონდათ.

ტაძრის გალავანში შესასვლელი კარები გაჭრილია დასავლეთ და აღმოსავლეთ კედლებში. თვით ტაძრის ძირითად სათავსოში კარი სამხრეთიდან არის გაჭრილი, სარკმლები კი დასავლეთ და აღმოსავლეთ კედლებშია. ამ ტაძარს აღმოსავლეთიდან აკრავს ორსართულიანი სწორკუთხა ნაგებობა. კარი დასავლეთ კედელში აქვს გაჭრილი. ქვის კედლებზე დევს სართულთშორისი გადახურვის კოჭების ნაშთები. მეორე სართულის კედლები ნაგებია ალიზის აგურით. სათავსოში აღმოჩნდა კირქვისაგან გამოთლილი სვეტის კაპიტელი ზურგშექცევით გამოსახული ორი ნახევარხარის სახით. ეს კაპიტელი ძალიან გავს აქემენიდური ირანის, კერძოდ, არტაქსერქსე II-ის (მეფობის წლები ძვ. წ. 404-359) სუზაში არსებული სასახლის სვეტის თავებს.

კომპლექსის გალავნის აღმოსავლეთ კედელზე მიდგმულია კიდევ ერთი მრავალსათავსოიანი კომპლექსი, რომელიც შედგება ორი დიდი ოთახისა და ექვსი პატარა 1,5x2 მ.-ზე ზომის სათავსოსაგან. ამ პატარა სათავსოების იატაკზე აღმოჩნდა დამწვარი ხორბლის ნაშთები. როგორც ჩანს, ეს კომპლექსი ტაძრის ბელელი იყო. ყვე-


ლა ეს შენობა გადახურულია წითელი კრამიტით. კრამიტი ორგვარია, ბრტყელი და ღარისებური. ზოგიერთ კრამიტზე გვხვდება ბერძნული ასო-ნიშნები, რომლებიც თითოთ არის დატანილი. როგორც ჩანს, ოსტატ-აღმწერი ნავდა მის მიერ დამზადებული კრამიტების რაოდენობას. მაგალითად ერთ-ერთ კრამიტზე ბერძნული ასო-ნიშანი „ომიკრონი“ წაშლილია და მის გვერდით წერია „ქსი“. ომიკრონი ნიშნავს 70-ათს, ქსი — 60-ს. ეტუობა ოსტატს თვლა შეშლია და შეუსწორებია. აღსანიშნავია ისიც, რომ არ გვხვდება ერთეულის აღნიშვნელი არც ერთი ასონიშანი და ყველა აღმოჩენილი ასონიშანი მხოლოდ ათეულსა და ასეულს აღნიშნავს. ტაძრის დასავლეთით 25-ოდე მეტრის მანძილზე გაითხარა კიდევ ერთი შენობა, სადაც აღმოჩნდა კედლის გასწვრივ ჩადგმული ხუთი თონე. საფიქრებელია, რომ ეს საერთო სატაძრო სათონე იყო, რომელიც ხატობაზე მოსულთ ემსახურებოდა.

მთელ ამ განათხარ ტერიტორიაზე დიდი რაოდენობით მოიპოვებოდა თიხის ჯამები, დოქები, ფიალები, ჭინჭილები და სხვა. ძირითადად ეს ჭურჭელი ან წითლად გამოწვარია ან წითლად შეღებილი და წითელი საღებავით მოხატული. კერამიკული მასალის შესწავლის შემდეგ იგი ძვ. წ. IV-III საუკუნეებით იქნა დათარიღებული.

ციხია გორის გარშემო მდებარე ნასოფლარის გვერდით აღმოჩნდა სამაროვანი, რომლის გათხრისას იქ იპოვნეს ქვის ყუთები, ქვევრები და ორმოებში დასაფლავებულ ადამიანთა ჩონჩხები. სამარხები ძვ. წ. XII და ახ. წ. I საუკუნეებს მიეკუთვნება, ე. ი. აქ მიცვალებულები იმარხებოდნენ იმ დროიდან, როდესაც ბარში ჩამოსულმა მოსახლეობამ ხელმეორედ აითვისა ძველი საცხოვრისი. როგორც უკვე აღვნიშნეთ, ნასოფლარის გაჩენის შემდეგ გორა, როგორც საცხოვრებელი ადგილი, ადამიანმა საბოლოოდ მიატოვა, ის საერთო სალოცავად იქცა. მაგრამ ციხია გორის მასშტაბი იმოდენაა, რომ იგი მხოლოდ ერთი სოფლის რელიგიური სიწმინდე, ხატი ვერ იქნებოდა. ფიქრობენ, რომ ციხია გორა ამ დროისათვის ერთი ხევის, ამ შემთხვევაში კავთურას მთელი ხეობის — კავთისხევის სალოცავი იყო.

ჯერჯერობით ციხია გორის ტერიტორიის მხოლოდ ერთი შესამედია გათხრილი, დანარჩენი კი მიწით არის დაფარული. ამიტომაც ვიმედოვნებთ, რომ უახლეს დროში, როცა მეცნიერები მთელ მის ტერიტორიას გათხრიან, კიდევ რაიმე საინტერესოსა და ახალს შევიტყობთ ამ მეტად მრავალისმთქმელი ძეგლის შესახებ.

**რ. კვიციანი**



ძვ. წ. III საუკუნის სამარხებში აღმოჩენილი ოქროს ნივთები: საურა რგოლები, საურა საილი, ოქროს მძივები.



სუნამოს მინის პურკლავი. ახ. წ. I-III საუკუნეები.





შოთა  
გაგოშიძე

ციხფერი  
მნათობი  
ამირანი



ყოველ თქვენგანს უთოვოდ გაუგონია თქმულე-

ბა ამირანზე, რომელიც ხალხის კეთილდღეობისათვის იბრძოდა, ღმერთს შეეჭიდა და ამის გამო კავკასიონზე მიაჯაჭვეს. მეშვიდე კლასის მშობლიური ლიტერატურის პროგრამაში ამირანის თავდადასავლის შესწავლას რამდენიმე საათი ეთმობა.

სწორედ ეს თქმულება დაუდო საფუძვლად თავის ფანტასტიკურ მოთხრობას „ციხფერი მნათობი ამირანი“ მწერალმა შოთა გაგოშიძემ (ჩვენი უფროსის მე-3 ნომერში დაიბეჭდა ამ ავტორის ფანტასტიკური მოთხრობა „სანაძლეო“). გარდა ამირანისა, ნაწარმოებში შეხვდებით სხვა ნაცნობ სახელებსაც — სულკალმასს, დარეჯანს, ბადრის, უსიბს, ყამარს, დალს. დალი შორეული პლანეტიდან მოფრენილი კოსმონავტია, მას დედამიწაზე შეეძინა ვაჟი ამირანი, რომელიც ადამიანებს რკინის დამუშავებას შეასწავლის. ამირანის ამბავთან მოხერხებულად არის დაკავშირებული მითი არგონავტების შესახებ.

გარდა ხსენებული ნაწარმოებისა, შ. გაგოშიძის წიგნში ინტერესით წაიკითხავთ „ჯადოსნურ ბგერებს“, „ორმხრივ შეცდომას“, „უკეთეს ვარიანტს“ და სხვა მოთხრობებს. წიგნი მიმდინარე წელს გამოსცა „საბჭოთა საქართველომ“.

ლუდვიკ  
ეში  
პარნი  
პინია  
ბიჭინა  
და  
ფაიფურის  
სპილოს  
თავბადასავალი

ჭყრიდა ხოლმე. და მოხდა საოცრება: დომინიკმა (ასე ერქვა სპილოს) ზრდა დაიწყო და მალე იმოღენა გახდა, რომ წონითა და სიდიდით მსოფლიოში ყველა სპილოს გადააჭარბა.

დომინიკი ძალზე ჭკვიანი იყო და მოკლე ხანში



ენა ამოიღა, შემდეგ კი სიარულიც ისწავლა და აქედან დაიწყო სწორედ მისი უცნაური თავდადასავალი, რომელსაც, ეჭვიც არ გვეპარება, დიდი სიამოვნებით წაიკითხავთ. ეს საინტერესო წიგნი, რომელიც „ნაკადულმა“ გამოსცა, პოლონურიდან თარგმნა ზეინაბ გიორგობიანმა, მხატვრულად კი შადიმან ჭავჭავაძემ გააფორმა.

პატარა პეტრემ, რომელსაც მოფერებით პინიას ეძახიან, სხვენზე ფაიფურის სპილო იპოვნა. ბიჭი ტანმოორჩილი იყო და მშობლები ვიტამინებს აძლევდნენ, იქნებ გაიზარდოსო. პინიას აბების ყლაპვა არ უყვარდა და მას შემდეგ, რაც სპილო იპოვნა, მის ხორთუმში



მ ა ს წ ა ვ ლ ე ბ ე ლ ი: რამდენი საათია დღე-ღამეში?  
მ ო ს წ ა ვ ლ ე: ოცდაორი.  
მ ა ს წ ა ვ ლ ე ბ ე ბ ე ლ ი: ოცდაორი? ეს როგორ?  
მ ო ს წ ა ვ ლ ე: თქვენ ხომ თქვით ამას წინათ, ახლა დღე ორი საათით მოკლეაო.

— გილოცავთ, ტომი — ათი წლისა გახდით! გინდა მოგართვათ ღვეზელი ათი სანთლით?

— მირჩევნია ათი ღვეზელი და ერთი სანთელი!

— გზაზე ერთი მეორის მიყოლებით შვიდი ძროხა მიდის. რომელს შეუძლია თავი მოაბრუნოს და თქვას: მე ვხედავ ექვს წყვილ რქასო?  
— რასაკვირველია, პირველს.  
— არა, ხარ სწორი, ბობი, ძროხები საერთოდ არ ლაბარაკობენ.

დ ე ლ ბ: (ჩურჩულით): ტომი, პაპაშენი ძალიან ავადაა, უთხარი რაიმე გამამხნეველები.

ტ ო მ ი: პაპა, ხომ არ გინდა შენს დაკრძალვაზე სამხედრო ორკესტრამ დაუკრას?


ბიჭუნას პიტნის კანფეტი მისცეს, მან მოწუწუნა და ტუჩი აიბზუა:  
— ფუჰ, როგორ უბერავს!

— გაკვეთილებს რომ მოამზადებ, ეს წერილი წაიღე და საფოსტო ყუთში ჩაუშვი.

მეორე დღეს:  
— ჩააგდე გუშინ ჩემი წერილი?  
— იცი რა, მამა, გუშინ გაკვეთილები არ მომიმზადებია.

— რატომ აქვს სირაქლემას ასეთი გრძელი კისერი?

— იმიტომ, რომ თავი ძალზე შორსა აქვს სხეულისაგან.



# ბასსტოქი

ნინო  
პელიაშვილი

მხატვარი  
დ. ზარაზინი

მოთხრობა

სულითა და გულით მინდოდა დეიდა ვარიას ნახვა, ვორონეჟიდან მატარებლით უნდა წავსულიყავი სადგურ ანამდე, — მთელი ასი კილომეტრი... აქედან ფეხით კიდეც, ზუთი კილომეტრი უნდა გამევიღო იმ სახლამდე, სადაც ცხოვრობდა დეიდაჩემი თავისი შვილებით — ლოლიათი და ვალიათი.

მაგრამ დედაჩემი თავს იკავებდა იმიტომ, რომ სამოქალაქო ომის მრისხანე დღეებში მატარებლები არეულად დადიოდნენ. უჭირდა ახალგაზრდა საბჭოთა რესპუბლიკას. წითელი არმია დენიკინსა და კოლჩაკს ებრძოდა. თეთრგვარდიელთა ბანდები ტამბოვს უახლოვდებოდნენ.

— ამას გარდა, — ამბობდა დედა, — იმათთან წასვლა იმიტომაცაა საფრთხილო, რომ სალამო ხანს უნდა გადაიარო მინდორი და ტყე, ისიც მარტომ.

— არაფერია, მოვახერხებ, — ვუპასუხე, — გავაგზავნოთ ბარათი და შევატყობინოთ, რომ ლოლია და ვალია სადგურში დამხვდნენ.

ასეც მოვიქცეით. პასუხმა დაავიანა. წასვლამდე კი სამი დღეა მრჩებოდა. დედამ გამოსავალი იპოვა: პირობა ჩამომართვა, თუ არავინ დამხვდებოდა, ლამის გასათევად სადგურში დავრჩენილიყავი.

დეიდა ვარიასთან არაერთხელ ვყოფილვარ დედასთან ერთად. სადგური ვიცოდ: ქვის შენობა იყო.

ფართო შესასვლელი და მაღალი ფანჯრები ჰქონდა, მანსოვს დარბაზში საბილეთო სალაროც იყო.

— იქ, — მითხრა დედამ, — მგონი სავარძელიც უნდა იდგეს. ლამეს გაგათევენებენ, რა თქმა უნდა, განთიადისას კი წახვალ.

მეც სიტყვა მივეცი.

ჩემი მატარებელი დღის პირველ საათზე გავიდა. ალბათ გგონიათ, რომ მატარებელი სადგურ ანამდე ორ-სამ საათში ჩავიდოდა. სრულებითაც არა! სადგურ საგრაფოში მეორე მატარებელში გადაჯდომას სამ საათს მოვუწდიდით და წინ კიდეც ხუთი გაჩერება იყო.

მივდივართ... ღია ფანჯარაში თავგაყოფილი აქეთ-იქით ვიციქირები.

— გოგონავ, როცა მატარებელი გადის, ფანჯარაში თავის გაყოფა არ შეიძლება, თვალეები ჭვარტლით აგვესება, — ჩამილაპარაკა კონდუქტორმა. ერთი კია, მშვენივრად მოჩანს ყველაფერი: ფიჭვის ტყე, მდელო, არყის ხეები. მე იმათ ვეალერსები, ვეჩურჩულები. აი, სწორედ ეს მინდოდა მე, პირისპირ ვესალმები მწვანე სამყაროს.

საგრაფომდე სულ ტყე იყო, ახლა კი პურის ყანების სხვადასხვაფერი ზოლები გამოჩნდა...

ჩემი თანამგზავრი, ვარდისფერ-თავსაფრიანი სოფლელი ქალი ანამდე ერთი სადგურით ადრე უნდა ჩა-

სულიყო. იგი აუჩქარებლად ალაგებდა ბარგს და ამბობდა:

— რა მეჩქარება? მატარებელი ხომ არ გაფრინდება? — დაეცინო.

— ბოლოში, თქვენ ხომ არ იცით, — ვკითხე, — ანში რომ გვიან ჩავიდეთ, სადგურში გამათევენებენ?

— რას ამბობ! — მიპასუხა, — იქ ლამეს, ვინ ათევს? ეს ხომ უკანასკნელი სადგურია. ყველანი მიდიან, ლამით სადგურიც იკეტება.

— კი მაგრამ, იქ ხომ მორიგვა?

ტელეგრაფისტიც...

სოფლელმა ქალმა ხელები გაასავსავა და გაიციხა:

— ვერ გამიგია, ვის უნდა უმორიგეონ? ან ვისი დეპეშები უნდა მიიღონ? იქ არავინ არ რჩება.

— კი მაგრამ, თუ ადამიანს არავინ დახვდა! ისიც სალამოს!..

— განა სალამო გვიანია? შენ, საით?

მე ვუპასუხე.

— მიხვალ, არ დაიკარგები.

— არა, თუ არ დამიხვდნენ, მარტო ვერ წავალ...

— რატომ? გზა არ იცი, თუ რა!


— ვიცი, მაგრამ წასვლა არ შემძლია.


— აი, სასწაული! — ქალმა ახლა მუხლებზე დაირტყა ხელი.

ჩვენს საუბარში ფანჯარასთან მჯდომი მამაკაცი ჩაერია, რომელიც ვაჭარს ჰგავდა:

— არაფერია, შენ ოღონდ დარაჯს უთხარი, უეჭველად შეგიშვებს. ლამით სადგურს დაკეტავს, იქ გაათენებ. დილით კი გააღებს.

აი, ესეც ანის წინა გაჩერება. ჩემი თანამგზავრები ჩავიდნენ... ფანჯარაში ვიციქირები და ვგრძნობ, არავინ მხვდება. ალბათ, სადგურში მომიხდება ლამის გათევა.





მზე უკვე ჰორიზონტზე დაეშვა.  
მინდვრის სიმწვანე ბინდმა დაფარა.

წითელი ზოლი გასდევდა ღრუბლებს. აი, ისიც... შორიდან სადგური გამოჩნდა.

მაგრამ ის არის განა? მასხოვს: აღრე აგურისა იყო, მუქი, ახლა კი თეთრია, როგორც ეკლესია. ამის ახსნა უბრალოდ შეიძლებოდა, შენობა შეუთეთრებიათ. მაგრამ მაშინ ეს აზრალაც არ მომსვლია!

...შიგ დარბაზია, სად უნდა გავათო ღამე, თუ კარზე ბოქლომი ადევს? რა საშინელებაა! ვფიქრობ, მაგრამ იქვე თავს ვიიძებებ, — იმ დარბაზში ყოვლად შეუძლებელია, რაიმე საშიში იყოს, ის კი ცუდია, რომ ღამით შუქი ჩაქრება, სიბნელებში ყოფნა მუდამ სახათაბალო საქმეა. რა თქმა უნდა, ეს იმიტომ, რომ მართო ვიქნები ჩაკეტილში. ნუთუ დეიდა ვარიამდე ვერ მივალწევ? ტყუილად ეშინოდა დედას, მერე რა რომ საღამოა, ჩაბნელებულ ველზე ხომ ბილიკებია, გზაც კარგად ვიცი.

მაგრამ დედას სიტყვა მივეცი, არაფრის შეცვლა არ შეიძლება. რაც იქნება-იქნება! ღამეს სადგურში ვათევ. პატარა იმედი მომეცა. როცა ძალიან დაღამდება, ფანჯარაში ვარსკვლავთა ანარეკლი შემოიჭყიტავს — დიდი, ნათელი ვარსკვლავებისა. შევაჩერდები მათ და შიშშიც გაქრება!

მატარებელი ნელ-ნელა გაჩერდა. ვაგონებიდან მგზავრები ჩამოდიდნენ. ყველა თანდათან წავიდ-წამოვიდა და ბაქანი დაცარიელდა. არავინაც არ დამხვედრია. შიშით დავავლე ხელი ჩემს პატარა ჩემოდანს და გასასვლელთან გავედი. კიბეზე რომ ჩავდიოდი, გული, ღამის იყო, ამო-

მვარდნოდა, ვფიქრობდი, რომ რალაც საშინელება მელის, რომელსაც გვერდს ვერ ავუვლი. მაგრამ უკან დახევა აღარ შეიძლებოდა. სიტყვა სიტყვა!

და უცბად...  
— აი, ისიც! — მომესმა წკრიალა ხმა — იმ ვაგონშია...

— ღმერთო ჩემო, ნუთუ მე მეძებენ! გული ველარ ითმენდა, მაგრამ ვაი თუ მე არ მხვდებიან?! და ამ დროს ორივე დაიკო დავინახე, ლოლია მორბოდა, თან ზურგზე გრძელი ნაწნავეები უთამაშებდა.

— თქვენი წერილი მხოლოდ დღეს მოიტანეს, — ყვიროდა იგი. — ძლივს მოვასწარი, გვეგონა დაგვაგვიანდებოდა.

სიხარულისაგან ხტუნვა-ხტუნვით შემეგებნენ: როგორ იყვნენ გაწითლებულები! თავსაფრებს აფრიალებდნენ, ოფლიან შუბლსა და სახეს იმშრალელებდნენ. ეტყობოდათ შეუჩერებლივ ერბინათ, რა ყოჩაღები არიან, აი, განსაცდელისაგან მისხნეს. ბაქნიდან სადგურის დიდი ფანჯრისაკენ გავიხედე, მთელი ღამე ხომ აქ უნდა მეყურყუტა. და უცებ ძალიან დამენანა, რომ აღარ დავრჩებოდი და ვერ გავიგებდი, როგორ იღება და იხურება მძიმე კარი, ან რკინის გასაღები როგორ ტრიალებს ბოქლომში, ხომ შემეძლო არაჩვეულებრივ პირობებში გამომეცადა ჩემი თავი, მაგრამ, სამწუხაროდ, ასე არ მოხდა!

— რას მისჩერებხარ იმ ფანჯარას?

— ხელით შემაჯანჯლარა უფროსმა დამ, ლოლიამ — წავიდე, წავიდე, თორემ დაგვაგვიანდება.

ერთხელ კიდევ გულდაწვევითმა შევხედე ფანჯარას, მაგრამ დები არ მაცლიდნენ. ჩამავლეს ხელი და გზაზე სულ სირბილ-სირბილით გამიყვანეს:

ეჰ, ყველაფერი კარგია ამ ქვეყანაზე! სამივემ ერთად ვიაროთ და ვიაროთ ტყისპირას, თან მუხის შეჭრილ-შემოჭრილი ხეშეში ფოთლები მოვწყვიტოთ.

მე გოგონებს მოვუყევი, როგორ შევპირდი დედას სადგურში ღამის გათევას, თუ არავინ დამხვდებოდა.

— მერე მართლა დარჩებოდი აქ ღამის გასათევად მარტო?! — შემეკითხა უმცროსი — ვალია.


— რა თქმა უნდა, — გუპასუხე მსუბუქი, მხიარული ხმით. მაგრამ გულში კი სულ სხვა გრძნობა გამიჩნდა. თითქოს რალაც დავკარგე... დაე იცოდნენ, რომ სიამოვნებით ჩავიკეტებოდი მძიმე გასაღებით დაკეტილი სადგურის დარბაზში და როცა დაბნელებოდა, მაშინ ფანჯარაში დავინახავდი მოკიაფე ვარსკვლავების ანარეკლს.

თუმცა რა საჭიროა ამაზე ლაპარაკი... და დიანაც რომ არ ვილაპარაკე ამგერად ასე იყოს!

მაგრამ განმეორდება კი ოდესმე ასეთი შემთხვევა?

თარგმნა პ. გომიანაშვილმა





# საინჟინრო უკუბაზე

## უცნაური ხემაზი

მცენარეთა სამყარო რომ არ არ-  
ნებობდეს, დედამიწაზე სიცოცხლე  
ჩაქრებოდა. ამ თვალსაზრისით ადა-  
მიანისთვის სასარგებლოა ყველა  
ხე, ბუჩქი, თითოეული ბალახის ღე-  
რო. მაგრამ არის ზოგიერთი ჯიშის ხე,  
რომელთაც განსაკუთრებული ღირე-  
ბულება აქვთ ჩვენთვის.

აი, რამდენიმე მათგანი:

**კურის ხე.** ხარობს ინდოეთში და  
მალაის არქიპელაგის კუნძულებზე,  
ისხამს 25 კილოგრამამდე წონის, გა-  
რეგნულად გოგრის მსგავს ნაყოფს,  
რომელიც სახამებლის შემცველო-  
ბით ხორბალს არ ჩამოუვარდება.  
ნაყოფს პატარა ნაჭრებად ჭრიან და  
ხარშავენ. ხან ასეც იქცევიან: რამ-  
დენიმე ცალს ჩააწყობენ ღრმასა და  
გრილ ორმოში, დააქვნიან, ვიდრე  
სახამებელი წამოდუღებოდეს, შე-  
მდეგ კი მიღებული მომთავო ცო-  
მისაგან გემრიელ ლავაშებს დაა-  
ხობენ.

ყვავილთცვენის შემდეგ მოსახ-  
ლეობა აგროვებს თესლს, რომელ-  
შიც ბევრი ზეთოვანი ნივთიერებაა,  
და შემწვარს ან სულაც, უმს შექ-  
ცევა. ერთ ძირ ხეს ოცი წლის ასაკში  
შეუძლია 3-4 კაცის გამოკვება მთე-  
ლი წლის მანძილზე.

**რძის ხე.** მიეკუთვნება თუთიხებრ-  
თა ოჯახს. მისი სამშობლოა სამხრეთ  
ამერიკა. ფესვის განასერიდან გა-  
მოიყოფა სქელი წვენი, რომელიც  
გარეგნულად რძეს წააგავს, თუმცა  
ქიმიური შედგენილობით საკმაოდ  
განსხვავდება მისგან: ცხიმის ნაც-  
ვლად რძის ხის წვენი შეიცავს ცვი-  
ლისებურ ცხიმოვან შენაერთს, ხო-  
ლო რძის ცილის — კაზეინის ნაც-  
ვლად — სისხლის ცილასთან ახლო-  
მდგომ აზოტოვან ნივთიერებას.

ხის წვენი აღუღებისას არ დედე-  
ბა, მაგრამ სქელდება და გამოჰყოფს  
ქონში შემწვარი ახალი ხორცის სა-  
სიამოვნო სუნს.

ამ საოცარ ხეს განსაკუთრებული  
მოვლა და ნიადაგი არ სჭირდება და  
მშვენივრად ხარობს კორდილიერ-  
ების უწყალო ფერდობებზე. მისი  
სიმალლე აქ 25 მეტრს აღწევს. ფეს-  
ვების სისტემა მძლავრია და მიწაში  
ღრმად ჩაღის.

**ღაფნა.** ხარობს ხმელთაშუა  
ზღვის აუზის ქვეყნებში, ყირიმში,  
კავკასიაში, დიდი ბრიტანეთის კუნ-  
ძულებზე, აშშ-ის სამხრეთში. მისი

ფოთლები არ ჭკნება, ამიტომ ძვე-  
ლთაგანვე დაფნის გვირგვინით ამ-  
კობდნენ სახელოვან მეცნიერებს,  
მხედართმთავრებს, პოეტებს, სპორტ-  
სმენებს, რათა ხაზი გაესვათ მათი  
უჭკნობი დიდებისათვის. ეს ხე 20  
მეტრ სიმაღლეს აღწევს, ყვავილო-  
ბისას მოყვითალო ყვავილებით იშო-  
სება. ფოთლები ეთეროვან ზეთს შე-  
იცავს, ხოლო თესლისა და ნაყოფის  
ნივთიერება გამოიყენება მედიცინა-  
ში, პარფიუმერიაში, ვეტერინარია-  
ში.

**ქაფურის ხე.** ეს ტანმალაი (50  
მეტრამდე) მარადმწვანე ხე ხარობს  
ჩინეთში, იაპონიაში, ინდოეთსა და  
ამერიკაში, აგრეთვე კავკასიაში. მისი  
ფოთლები, ტანი და ფესვები გაუ-  
ფილთილია სამკურნალო ეთეროვანი  
ზეთით. ფოთოლს სინათლეზე თუ  
გავხედავთ, შევნიშნავთ უამრავ ნა-  
თელ წერტილს — თითოეული მათგანი  
თითქოს პაწია საწყობია  
ეთეროვანი ზეთისა, რომელიც ძი-  
რითადად შეიცავს ქაფურს და, მის  
გარდა, კიდევ ოცამდე ძვირფას ნივ-  
თიერებას.

ქაფური ალაგზნებს ცენტრალურ  
ნერვულ სისტემას, აფართოებს გუ-  
ლის სისხლძარღვებს, ჰკურნავს ორ-  
განიზმის ანთებით პროცესებს. ამი-  
ტომ ქაფურის ხეებს დაუნდობელ  
ექსპლოატაციას უწევდნენ. მაგრამ  
მალე ქიმიკოსებმა გაშიფრეს ქაფუ-  
რის ფორმულა და ახლა მას სხვადა-  
სხვა პროდუქტისაგან დებულობენ.  
ქაფურს იყენებენ პლასტმასებისა და  
კინოფირების დასამზადებლადაც.

**ავოკადო.** ეს მარადმწვანე ხე ხა-  
რობს აშშ-ში, მექსიკასა და სამხრეთ  
ამერიკაში. მისი 400 გრამამდე წო-  
ნის ნაყოფი მდიდარია ზეთებით,  
ცილებით, შაქრითა და სხვადასხვა  
ვიტამინით. ერთი კილოგრამი ავოკა-  
დო 2160 კილოკალორიას შეიცავს  
და ამით მხოლოდ პურსა და ბრინჯს

ჩამორჩება. ერთი ძირი ხე ერთ დღე  
კრეფაზე 50 კილოგრამამდე მოსა-  
ვალს იძლევა.

**ფიჭვი.** ვითომ ხავსებით ჩვეუ-  
ლებრივი ხეა, მაგრამ...

მეცნიერები დიდხანს დავობდ-  
ნენ ქარვის წარმოშობის თაობაზე.  
კერ კიდევ ძველმა ბერძენებმა აღმო-  
აჩინეს, რომ შალით გახეხილი ქარ-  
ვა ისევე იზიდავს თვის ღერებს,  
როგორც მაგნიტი — რკინას. ამით  
დაიწყო ელექტრომაგნიტიზმის შეს-  
წავლა.

ქარვისაგან ისეთსავე თვალწარ-  
ტაც სამკაულებს ამზადებენ, რო-  
გორსაც ძვირფასი ქვებისაგან, მაგ-  
რამ... ქვა ვითომ ქარვა?.. რო-  
მაელი პოეტი ოვიდიუსი ამტკიცე-  
ბდა, ქარვა მზის ღმერთ ჰელიოსის  
ქალიშვილების ცრემლმა წარმოშ-  
ვაო: ჰელიოსმა თავისი ქალიშვილ-  
ბი თურმე ალვის ხეებად გადაქ-  
ცია და დაუწესა, რომ განუწყვეტ-  
ლივ დაიტვირთ დაღუპული ძმა —  
ფაეტონი...

მ. ლომონოსოვმა თავის ნაშრომში  
„დედამიწის ფენების შესახებ“ გა-  
მოთქვა აზრი, რომ ქარვა არის ნა-  
მარხი პროდუქტი, იგი იწვევს  
მცენარეთა გაქვავებული წინთია.

ფიჭვის წინთი ფრიად მდიდარი  
ქიმიური ნედლეულია. მისგან მზა-  
დდება ფისის სპირტები, მჟავები,  
ეთერები, აგრეთვე ტერპენტინი,  
რომელიც იხმარება სკიპიდარის, კა-  
ნიფოლის, ლაქების, საღებავების  
დასამზადებლად. ქარვა ხელს უშლის  
სისხლის წითელი ბურთულების და-  
შლას, ამიტომ მისგან აკეთებენ სის-  
ხლის გადასხმისას აუცილებელ სა-  
მედიცინო ჭურჭელსა და ხელსაწ-  
ყოებს ქარვის მჟავისაგან, რომე-  
ლიც კარგი ბიოსტიმულატორია, მზა-  
დდება სამკურნალო პრეპარატები.  
ხოლო თუ დათესვამდე ქარვით და-  
ვამუშავებთ სოიის, შვრიის, ქერის  
თესლს, მოსავალი მაღალი იქნება,  
მარცვალი კი — მსხვილი და ცილე-  
ბით მდიდარი.


**კორპის ხე.** ეს ხე მარადმწვანეა.  
მისი სიმაღლე 70 მეტრს, ტანის სის-  
ქე კი — ერთ მეტრს აღწევს. ნაყო-  
ფი — რკოა. 3-4 წლის ხეს ტანზე  
სქელი კორპის ფენა წარმოექმნება.  
ციცხლობის 400 წლამდე. ხარობს  
ესპანეთში, იტალიაში, საფრანგეთ-  
ში, მაროკოში, ალჟირში, ჩვენში —  
ბათუმსა და მის ახლომახლო ადგი-  
ლებში. ამ ხის ქერქისაგან მაღალ-  
ხარისხოვანი კორპი მზადდება.



რამდენი მწერი ბინადრობს ჩვენს პლანეტაზე? ამ კითხვაზე ზუსტი პასუხის გაცემა, ცხადია, ძალზე ძნელია, თუნდაც იმიტომ, რომ მწერების დიდი ნაწილი პაწაწკინტელა არსებებია და ელექტროგამომვლელი მანქანაც რომ დაიხმარო, ყველას ვერ აღრიცხავ. და მინც შეიძლება მწერთა რაოდენობის განსაზღვრა — ოღონდ არა აბსოლუტური, არამედ შეფარდებითი რაოდენობისა. თურმე დედამიწის ზედაპირის თითოეულ კვადრატულ კილომეტრზე საშუალოდ 21 მილიარდ 760 მილიონი მწერი ბინადრობს, ჰაერში — 25 მილიონი, ნიადაგში 2 მილიონ 225 ათასი. მივუმატოთ ეს რიცხვები ერთმანეთს. ბევრია, ხომ? მიღებული ჯამი რომ გავამრავლოთ იმდენ კვადრატულ კილომეტრზე, რამდენსაც უდრის მთელი ხმელეთის ზედაპირი? მერე წყლის მწერების რაოდენობაც რომ განვსაზღვროთ და ისაც მივუმატოთ? მივიღებთ ასტრონომიულ რიცხვს..

**თავგებობა  
იხსნია  
თვითმფრინავებს**


საჰაერო ტერორიზმი ერთ-ერთი მწვავე და მტივიანული პრობლემაა საზღვარგარეთის ავიატრასებზე. მსოფლიოს სხვადასხვა ქვეყნის მებაჟეები ტყუილად როდი მიმართავენ ნაირ-ნაირ ხრიკებს, რათა მანამდე განაიარაღონ ბოროტგანმზრახველები, სანამ ისინი თვითმფრინავში შეადგენენ. ამისათვის იუენებენ რენტგენულ დანადგარებს, გაზანაღიზატორებს, სპეციალურად გაწვრთნილ მეძებარ ძალებს. მაგრამ აი, რა საინტერესო დასკვნამდე მივიდნენ ამერიკის აეროპორტების უშიშროების სამსახურის სპეციალისტები. თურმე ფეთქებად ნივთიერებათა საუკეთესო „დეტექტორები“ არიან არა ხელსაწყოები ან მეძებრები, არამედ... პაწაწინა თეთრფეხება თაგვები. საკმარისია



ამ ცხოველებმა ახაფეთქებელი ნივთიერების სულ უმნიშვნელო სუნი იგრძნონ, რომ მაშინვე აწრიადებიან გალიაში. არც ერთი სხვა ნივთიერების სუნი არ მოქმედებს თეთრფეხებიან თაგვებზე ასე გამაღიზიანებლად.

**აბა  
დაგვაცადე,  
ზვიგენო!**

მეწამულ ზღვაში დაცურავს პატარა ზომის თევზი, რომელსაც „მოსეს ტერფს“ ეძახიან. ეს ბრტყელი თევზი იმით არის ღირსშესანიშნავი, რომ მას სრულებითაც არ ეშინია ზვიგენისა, რომლებითაც სავსეა იქაური წყლები. იქნებ გგონიათ, ამ თევზს ჩხვლეთა ქიცვები ან მაგარი ჯავშანი იცავდეს! მოხვდება თუ არა მტაცებლის პირის ღრუში, იგი გამოყოფს შხამს, რომელიც მყისვე ადამბლავებს ზვიგენის ყბებს და ზვიგენი ვერაფრით ვეღარ კუმავს პირს. საოცარმა „მოსეს ტერფმა“ სერიოზულად დააინტერესა ბიოლოგები. მისი შხამი, მეცნიერების აზრით, პრაქტიკულად უსაშიშროა ადამიანისათვის. ამჟამად სპეციალისტები მის ქიმიურ შემადგენლობას იკვლე-



ვენ. თუ მოხერხდა ამ შხამის ხელოვნური გზით მიღება, ადამიანები მიიღებენ ახალ ეფექტიან საშუალებას ზღვის სისხლის-მსმელ ცხოველებთან საბრძოლველად.

**დედამიწამ  
ტრიპლს  
მოუჩქარა?**

ზამთარი ყოველწლიურად უფრო და უფრო მკაცრი ხდება, გვალვები — უფრო ხანგრძლივი, მიწისძვრები — ხშირდება, ზღვის დინებები მიმართულებას იცვლიან... რა არის ყოველივე ამის მიზეზი? იქნებ ადამიანი მეტი ყურადღებით აკვირდება ბუნების მოვლენებს, ვიდრე წინათ, თორემ არავითარი განსაკუთრებული ცვლი-



ლებები არა ხდება ჩვენს ირგვლივ? როგორ არა! — აცხადებს შვედი კლიმატოლოგი კარლ ლუნდკვისტი. სტიქიურ უბედურებათა გახშირება შემთხვევითი როდია. და ამის ახსნა შეიძლება იმით, რომ დედამიწამ უფრო სწრაფი ბრუნვა დაიწყო თავისი ღერძის გარშემო. კლიმატოლოგმა ეს დასკვნა მას შემდეგ გააკეთა, რაც გულმოდგინედ შეისწავლა დედამიწის თანამგზავრების მიერ გადაღებული მრავალი ფოტოსურათი. ამ მოსაზრებას ადასტურებს ეკვატორზე ჩატარებული საგანგებო აღწევბებიც. მაგალითად, ერთი ტონა ქვა იქ ახლა 0,4 გრამით ნაკლებს იწონის, ვიდრე წინათ. ცხადია, დედამიწის ბრუნვის შენელება ადამიანს ჭერჭერობით არ ძალუძს, ამიტომ, ლუნდკვისტის აზრით, მომავალში მოსალოდნელია ახალი დამანგრეველი და მრისხანე უბედურებები. მართალია თუ არა შვედი კლიმატოლოგი, ამას დრო გვიჩვენებს.

**ელექტრონული  
გუშაგი**

მიუხედავად ბევრი ცდისა და მოწადინებისა, მეცნიერებმა დღემდე ვერ გამოიგონეს ისეთი საშუალება, რომელიც ნათესებს და ბღრა-ბაღებს გადაარჩენდა კალიის უეცარი და გამაჩანაგებელი თავდასხმებისაგან. მთავარი სიძნელე ის არის, რომ ეს გაუმადლარი მავნებლები ერთი ადგილიდან მეორეზე ღამე მიფრინავენ და იმის დადგენა, თუ რა მიმართულებით გაფრინდებიან, ძალზე ძნელია. კალიასთან ბრძოლის ახალი ეფექტიანი იარაღი შესაძლოა გახდეს სპეციალური რადიოლოკატორი, რომელიც ლონდონის საკვლე-სამეცნიერო ცენტრში შექმნეს. იგი ისეთი მგრძნობიარეა, რომ მის ეკრანზე შეიძლება დავინახოთ სამი კილომეტრის დაშორებით ამოძრავებელი ცალკეული კალია. ამ მწერების მუდმივი სამკვიდროს საზღვრებთან დადგმული ასეთი რადიოდანადგარები ადამიანებს დაეხმარება, თავის დროზე შენიშნონ კალიების სახიფათო თავმოყრა და აფრენამდე მოსპონ ისინი.



# ფრთხილად



# უკომოძოლო!

განყოფილებას ხელმძღვანელობს საქართველოს სსრ შსს სახელმწიფო ავტონსპექციის სააღრიცხვო-საგამოცდო ქვე-განყოფილების სახ. ინსპექტორი პ. კანდელაკი.

## პრიორიტეტის ნიშნები

„პრიორიტეტის ნიშნები“ უჩვენებენ გზაჯვარედინის გავლის და ქუჩის ცალკეული სა-მოდრო ნაწილის გადაკვეთის თანამიმდევრობას.  
„მთავარი გზა“ — 2.1 გზის დასაწყისი, რომელზე-დაც მძღოლს ენიჭება მოუწეს-რიგებელი გზაჯვარედინების გავლის უპირატესობა.  
„მთავარი გზის დასასრული“ — 2.2

ამ ნიშნით აღნიშნულია გზის დასასრული.

„მეორეხარისხის გზის გადაკვეთა“ — 2.3.1 მთავარი გზის და მეორეხარისხის გზის გადაკვეთის ადგილი.

„მეორეხარისხის გზის უპირატესობა“ — 2.3.2—2.3.3 მთავარ გზასთან მეორეხარისხის გზის უპირატესობის ადგი-

ლი: მარჯვნიდან — 2.3.2, მარცხნიდან — 2.3.3.

„დაუთმეთ გზა“ — 2.4 ეს ნიშანი აღნიშნავს იმ გზის გადაკვეთის ადგილს, რომელზე მოძრავეს სატრანსპორტო საშუალებებსაც მინიჭებული აქვთ მოცემული გზაჯვარედინის გავლის უპირატესობა. მძღოლი ვალდებულია გზა დაუთმოს მათ.

„ბაშჩარბალ ბავალ ბარბალულია“ — 2.5

აკრძალულია მოძრაობა „სდექ“ ხაზთან გაუჩერებლად, ხოლო თუ ეს ხაზი არ არის, საჭიროა გაჩერება ნიშნთან. მძღოლი ვალდებულია გზა დაუთმოს გადამკვეთ გზაზე მოძრავეს სატრანსპორტო საშუალებებს.

„შემხვედრ სატრანსპორტო საშუალებათა მოძრაობის უპირატესობა“ — 2.6

აკრძალულია გავლა გზის ვიწრო უბანზე, თუ ეს გამოიწვევს შემხვედრი მოძრაობის შეფერხებას. მძღოლები ვალდებული არიან გზა დაუთმონ შემხვედრ სატრანსპორტო საშუალებებს.

„მოდრობის უპირატესობა შემხვედრი სატრანსპორტო საშუალებების მიმართ“ — 2.7

გზის ვიწრო უბანი, რომელზე მოძრაობის დროსაც მძღოლს აქვს გავლის უპირატესობა შემხვედრ სატრანსპორტო საშუალებებთან შედარებით.

## საკითხავი

აფხაზავა ნ. — ლამაზი, შინაარსიანი ზაფხული (ნარკვევი)	2
იმედიე ა. — ფერხული მზის სადიდებლად (მოთხრობა, გაგრძელება)	3
ხარაზიშვილი ნ. — მორბედები (ნარკვევი)	9
სოლომნიშვილი ზ. — (ლექსები)	11
ჩაჩუა მ. — (ლექსები)	11
აისი	12
ვალაჟკორია დ. — კლავდია დევდარიანი (წერილი)	14
ხერგიანი მ. — უვალ მწვერვალთა მოლაშქრენი (ნარკვევი)	15

შენი უცხოელი თანატოლები	18
ჭორჭაძე ა. — ბიჭო-გოგია (მოთხრობა)	13
კვიტაშვილი რ. — ციხია-გორა (წერილი)	25
ახალი წიგნები	27
უცხოური იუმორი	27
ემელიანოვა ნ. — განსაცდელი (მოთხრობა)	28
საინტერესო თემაზე	30
ჯადოსნური სარკე	31
ფრთხილად, ავტომობილი!	32
ცხრაკლიტული	გარეკ. 3

გარეკანის პირველი გვერდის მხატვრობა დიმიტრი ზარაფიშვილისა,



საქ. კპ ცკ-ის გამომცემლობა

მთავარი რედაქტორი ბაბულია შალია


სარედაქციო კოლეგია: ნუზუარ აფხაზავა, ზურაბ გოცვაძე, ავთანდილ გურგენიძე, დოდო ვადაჭკორია, ბიძინა ფოცხიშვილი (მხატვარი-რედაქტორი), ბიძინა ქლიბაძე, როზარტ ღარიბაშვილი, ნოდარ შამანაძე, სიმონ შამგინანი (პ/მგ. მდივანი), ლიანა შენირული, ზურაბ წვერიკაშვილი, ზურაბ ჭუმბურიძე.

ჩვენი მისამართი: თბილისი, ლენინის ქ. № 14.  
 გელეფონები: რედაქტორის 93-97-05 93-31-81  
 პ/მგ. მდივნის 93-97-03, 93-53-05  
 განყოფილებების 93-97-02 93-97-01


საქ. კპ ცკ-ის გამომცემლობის სტამბა. თბილისი, ლენინის ქ. № 14  
 «ПИОНЕРИ», на грузинском языке. Издательство ЦК КП Грузии  
 Типография изд-ва ЦК КП Грузии. Тбилиси, ул. Ленина № 14.  
 გადაეცა ასაწყობად 26 VI-ბ0 წ. ხელმოწერილია დასაბეჭდად 18/V III-80 წ. ქალაქის ფორმატი 60x90<sup>1</sup>/<sub>8</sub>. ფიზიკური ნაბეჭდი ფურცელი 4. სააღრიცხვო-საგ. მომცემლო თაბახი 5,35.  
 შეკვ. № 1840. ტირ. 151.750. უფ. 07589.

ფახი  
20  
კაპიკო

რედაქციაში შემოსული მასალები ავგორებს არ უბრუნდებათ. თბილისში მცხოვრებ ავგორებს პასუხი წერილობით არ ეცნობებათ.



„პრიორიტეტის ნიშნები“ იღებება:



2.1 და 2.2 — შესაბამისად გზის ან დასახლებული პუნქტის დასაწყისში ან ბოლოში. ნიშანი 2.1 შეიძლება გამეორდეს გზაჯვარედინის წინ.  
 2.3.1 — 2.3.3 — დასახლებული პუნქტის გარეთ, სახიფათო უბნამდე 150-300 მეტრზე, დასახლებულ პუნქტებში კი 50-100 მეტრზე.  
 2.4 და 2.5 — უშუალოდ მთავარი გზის გადაკვეთის წინ.  
 2.6—2.7 — უშუალოდ გზის ვიწრო უბნის დასაწყისში.

კვალი ხელისგულზე



აბაზული გამოცანები

აქ გამოხატულმა შენთვის ნაცნობმა თოთხმეტივე საგანმა: კარის სახელოურმა, ფანქარმა, ქოლგამ, კბილის ჭაგრისმა, გაწმა, ჩაქუჩმა, კოვწმა, ფინჯანმა, გასაღებმა, ტელეფონის ყურმილმა, ელ-

ექტრონათურამ, ბოთლმა, მაკრატელმა, სახრახნისმა ხელისგულს თავისი კვალი დაატყო. ხელისგულეზე დარჩენილი ანაბეჭდებით მიხვდი: რომელ ხელს რომელი საგანი ეჭირა?

პასუხი № 7-ში მოთავსებულ „სხრკალიგულზე“ კროსვორდი

- კორიკონტალურად:  
 6. მანტისა; 9. ეროზია; 10. ნოველა; 12. წავი; 13. ამპლიტუდა; 14. თასი; 17. ნაგრი; 20. არმია; 22. სიენიტი; 23. ხანი; 24. ლირა; 25. არმაზი; 26. გორილა; 27. იდეა; 29. ოსლო; 30. ანარქია; 31. ირემი; 33. ლიტვა; 37. გემი; 38. ფილოსოფია; 39. აბრა; 42. უნდლი; 45. მოტორი; 46. აკოლადა.

- ვერტიკალურად: 1. კონი; 2. ტუთა; 3. საზი; 4. ნევა; 5. ტრავმა; 6. მაგმა; 7. ანოდი; 8. აღმასი; 11. ლიმონი; 15. ლოგარიტმი; 16. არტილერია; 17. ნანსენი; 18. რიაზანი; 19. ატროფია; 21. ალიასკა; 28. არაქსი; 32. რომანი; 34. ვებერი; 35. სირია; 36. დიუმა; 40. აისი; 41. ეტნა; 43. ნოტა; 44. განა.

წყალში გაივლის, არ დასველდება.


თავშეხვეული თავდაღმა გარბის.

თოკი სვამს, ხბო იბერება.

დიდია და მრგვალი, კბილები აქვს შავი, სტუმარია ზაფხულის, სახელი აქვს ზამთრის.

ოთხი ოთახი გავქვდე ალისფერი მარცვლებითა.

წერს და მწერალი არაა, რქები აქვს — ცხვარი არა, ხეზე ადის — კაცი არაა.



გამოცანა

კვერცხი და წიწილა.

ბიუსონი



რბოლა. მხატვარი ელისო ცაბაძე.